

মুফতি ও আকিফ

ইতিহাস, আহকাম, ফাজায়েল-মাসায়েল ও বিবিধ



মুফতি মুহাম্মদ শফি রহ.

মুফতি শাব্বির আহমদ কাসেমি দা. বা. | মুফতি মুহাম্মদ সালমান মানসুরপুরি দা. বা.

সংকলন, বিন্যাস ও সম্পাদনা

আশরাফুল হক

কুরবানি ও আকিকা

টেলিগ্রাম চ্যানেল লিংক



https://t.me/islaMic_fdf

মুফতি মুহাম্মাদ শফি রহ.
মুফতি শাব্বির আহমদ কাসেমি দা. বা.
মুফতি মুহাম্মাদ সালমান মানসুরপুরি দা. বা.

কুরবানি ও আকিকা

ইতিহাস, আহকাম, ফাজায়েল-মাসায়েল ও বিবিধ

অনুবাদ
মাওলানা মুহাম্মাদ নাজিম

সংকলন, বিন্যাস ও সম্পাদনা
আশরাফুল হক

প্রকাশনায়
রাহনুমা প্রকাশনীTM

কুরবানি ও আকিকা

মূল	: মুফতি মুহাম্মদ শফি রহ., মুফতি শাব্বির আহমদ কাসেমি দা. বা. এবং মুফতি মুহাম্মদ সালমান মানসুরপুরি দা. বা.
অনুবাদ	: মাওলানা মুহাম্মদ নাসিম
সংকলন ও বিন্যাস	: মাওলানা আশরাফুল হক
প্রথম প্রকাশ	: মে ২০২৩
প্রচ্ছদ	: খন্দকার যুবায়ের
মুদ্রণ	: জনপ্রিয় কালার প্রিন্টার্স, প্যারিদাস লেন, ঢাকা-১১০০।
পরিবেশক	: রাহনুমা প্রকাশনী শোরুম ১ : ইসলামী টাওয়ার, ৩২/এ আভারথ্রাউন্ড, বাংলাবাজার, ঢাকা। শোরুম ২ : কওমী মার্কেট, ১ম তলা, ৬৫ প্যারিদাস রোড, বাংলাবাজার, ঢাকা।
যোগাযোগ	: ০১৭৬২-৫৯৩৩৪৯, ০১৯৭২-৫৯৩৩৪৯

মূল্য : ১৪০/- (একশ চল্লিশ টাকা মাত্র)

QURBANI O AKIKA

by: Ashraful Hauge. Published by: Rahnuma Prokashoni, Dhaka. Price: Tk. 140.00, US \$ 04.00 only.

ISBN 978-984-94989-5-3

www.rahnumabd.com, E-mail: rahnumaprokashoni@gmail.com

সম্পাদকের ভূমিকা

মুফতি মুহাম্মাদ সালমান মানসুরপুরি এই সময়ের ফকিহদের শীর্ষ একজন। তিনি হজরত হুসাইন আহমদ মাদানি রহ.-এর নাতি। গত শতাব্দীর আশির দশকে দারুল উলুম দেওবন্দ থেকে শিক্ষা সমাপন করেন। বিগত অন্তত পঞ্চাশ বছরে তাকে দারুল উলুমের সেরা ছাত্র মনে করা হয়! তিনি সাইয়েদ আসআদ মাদানি ও মুফতি মাহমুদ হাসান গাঙ্গুহির খেলাফত লাভ করেন। জামিয়া কাসিমিয়া শাহি মুরাদাবাদের মুফতি ও সিনিয়র মুহাদ্দিসের পদ অলংকৃত করে তিনি এখন দারুল উলুম দেওবন্দের সিনিয়র মুহাদ্দিস। আল্লাহ তাকে উম্মাহর জন্য বহুমুখী অবদান রাখার তাওফিক দিন।

মুফতি মুহাম্মাদ সালমান মানসুরপুরির বিখ্যাত মাসআলা-সংকলন কিতাবুল মাসায়েল। ৩ খণ্ডে এই সংকলনটির বাংলা অনুবাদ রাহনুমা প্রকাশনী থেকে ছাপা হয়েছে। সংকলনের একটি অধ্যায়—কুরবানি। এ অধ্যায়টি রচনায় মুফতি মুহাম্মাদ শফি রহ. ও মুফতি শাব্বির আহমদ কাসেমি দা. বা.-এর সংশ্লিষ্ট রচনার ভূমিকাও উল্লেখযোগ্য; খোদ কিতাবুল মাসায়েলের লেখক তা কবুল করেছেন। রাহনুমা'র বাংলা অনুবাদ করেছেন মাওলানা মুহাম্মদ নাজিম।

পাঠকের প্রয়োজন অনুধাবন করে এই অধ্যায়টি পৃথকভাবে প্রকাশ করার উদ্যোগ নেওয়া হয়েছে। সেটিরই গোছগাছ করতে গিয়ে সময় ও স্থানের প্রয়োজনে সঙ্গে আরও কিছু সংকলন করা হয়। আল্লাহর অশেষ শুকরিয়া, আল্লাহ আমাকে এই কাজটি করার তাওফিক দিয়েছেন। আলহামদুলিল্লাহ!

দারুল ইফতায় যখন পড়ি, কুরবানি বিষয়ক একটি পাণ্ডুলিপির কাজ করেছিলাম। সহপাঠীদের 'তামরিন' ও বিভিন্ন কিতাব থেকে মাসআলা চয়ন করে প্রস্তুত করা হয়েছিল পাণ্ডুলিপিটি। পাণ্ডুলিপিটির কোনো কপিই কীভাবে আমার কাছে সংরক্ষিত নেই, তা ভেবে একটু অবাক হচ্ছি! তবে দারুল ইফতায় পড়াশোনার নিয়মতান্ত্রিকতায় কুরবানির যে মাসআলাগুলো প্রস্তুত বা

তামরিন করেছিলাম, সেগুলো সংরক্ষিত আছে। বক্ষ্যমাণ কাজটি করতে গিয়ে সেখান থেকে বেশ কিছু মাসআলা নতুন করে দেখলাম। চোখ রাখলাম গবেষণাসমৃদ্ধ মাসিক আলকাউসারের বিগত সংখ্যাগুলো ও মুফতি আবদুস সালাম চাটগামি রহ.-এর বিভিন্ন রচনায়। তাঁদের প্রতি কৃতজ্ঞতা।

একটি নতুন সংকলন সব ক্ষেত্রেই আগের সংকলনগুলোর চেয়ে উন্নত, উপকারী ও পাঠক-উপযোগী হয়ে উঠতে চায়। তাই রাহনুমা সম্পাদনা পর্ষদ সকল ক্ষেত্রে সংশ্লিষ্ট বিষয়ে বিদ্যমান রচনাগুলো উতরে যাওয়ার চেষ্টা করেছে। আমরা তো শুধু চেষ্টাটুকুই করতে পারি; ফলাফল ও পরিণতি আল্লাহর হাতে।

নতুন সংকলনে কোনো বিচ্যুতি থাকলে আল্লাহ ক্ষমা করুন। আমাদের সকলের মেহনত কবুল হোক। আমিন।

আশরাফুল হক

২৩ মে ২০২৩

সূচি

- মহান ত্যাগের এক অবিস্মরণীয় ঘটনা—১৭
- শিক্ষা ও উপদেশ—১৯
- হজরত ইসমাইল আলাইহিস সালামই জাবিল্লাহ—২১
- ইসলামে কুরবানির বিধান—২২
- কুরবানির দিনগুলোতে কুরবানিই সবচেয়ে বড় আমল—২৩
- আরও কিছু ফজিলত—২৩
- কুরবানি না করে সদকা করা—২৫
- কুরবানি নিয়ে সারশূন্য আপত্তি—২৫
- কয় দিন কুরবানি করা যায়? —২৭
- কোন দিন কুরবানি করা উত্তম? —২৮
- রাতে কুরবানি করা—২৮
- কুরবানি করার সময়—২৮
- ঈদুল আজহার নামাজের সময়—২৯
- ঈদের নামাজের পর খুতবার আগে কুরবানি করা—২৯
- ইমাম ভুলে ওজু ছাড়া ঈদের নামাজ পড়িয়ে ফেললে—২৯
- ঈদগাহের নামাজের পরই কুরবানি করা যাবে—৩০
- যে কোনো এক জায়গায় নামাজ হয়ে গেলেই হবে—৩০
- যে শহরে কুরবানি হবে সেখানে নামাজ শেষ হলেই হবে—৩০
- কোনো কারণে ঈদের নামাজ পড়া অসম্ভব হলে—৩১
- কোনো কারণে ঈদের নামাজ না পড়া হলে—৩১
- ১১ জিলহজ ঈদের নামাজ পড়লে—৩১
- গ্রামে সোবহে সাদেকের পরই কুরবানি করা যাবে—৩১
- কুরবানির পশু গ্রামে পাঠিয়ে দিলে—৩২
- অন্য শহরে পশুর দাম কম হওয়ায় সেখানে কুরবানি দেওয়া—৩২
- লোকদেখানোর জন্য দামি পশু ক্রয় করা—৩৩
- কুরবানি ওয়াজিব হওয়ার শর্ত—৩৩

- কুরবানি ওয়াজিব হওয়ার সময়—৩৪
- কোন দেশের তারিখ ধরা হবে? —৩৪
- কুরবানির দিন আসার আগেই গরিব হয়ে গেলে—৩৬
- কুরবানির দিন সামর্থ্যবান হয়ে গেলে—৩৬
- কুরবানি করার পর সামর্থ্যবান হলে—৩৬
- সামর্থ্যবান ব্যক্তির কুরবানির পশু হারিয়ে গেলে—৩৭
- সামর্থ্যবান ব্যক্তির কুরবানির পশু মারা গেলে—৩৭
- সামর্থ্যবান ব্যক্তির কুরবানির পশু বাচ্চা প্রসব করলে—৩৭
- সামর্থ্যবান ব্যক্তি পশু পরিবর্তন করতে পারবে—৩৮
- কুরবানি করা আবশ্যিক হয়ে যায়—৩৮
- সামর্থ্যহীন ব্যক্তির কুরবানির পশু হারিয়ে গেলে—৩৮
- সামর্থ্যহীন ব্যক্তির কুরবানির পশু মারা গেলে—৩৯
- সামর্থ্যহীন ব্যক্তির কুরবানির পশু বাচ্চা প্রসব করলে—৩৯
- সামর্থ্যহীন ব্যক্তি পশু পরিবর্তন করতে পারবে না—৩৯
- হারিয়ে যাওয়ার পর পাওয়া গেলে—৪০
- অপ্রাপ্তবয়স্ক ও পাগলের কুরবানি—৪০
- পাওনা ঋণের কুরবানি—৪১
- পরিবারের সদস্যদের পক্ষ থেকে কুরবানি করা—৪১
- কুরবানি করার পূর্বে ইন্তেকাল করলে—৪২
- কুরবানির দিনগুলো পার হওয়ার পর ইন্তেকাল করলে—৪২
- কোনো শরিক ইন্তেকাল করলে—৪২
- মৃত ব্যক্তির নামে কুরবানি করা—৪৩
- রাসুলুল্লাহ সাল্লাল্লাহু আলাইহি ওয়া সাল্লামের নামে কুরবানি করা—৪৩
- কুরবানির কাজা—৪৪
- একটি ছাগলের মূল্যপরিমাণ অর্থ সদকা করতে হবে—৪৪
- কয়েক বছরের কুরবানি ছুটে গেলে—৪৪
- তিনটি ভুল ধারণা—৪৫

কুরবানির পশু-সংক্রান্ত মাসায়েল

কোন কোন পশু কুরবানি করা যায়—৪৬
মহিষের কুরবানি—৪৬
কুরবানির দিনে হাঁস-মুরগি জবাই—৪৬
দাঙ্গার আশঙ্কায় গরু কুরবানি না করা—৪৭
রাষ্ট্রীয় নিষেধাজ্ঞা সত্ত্বেও করা বৈধ—৪৭
কুরবানির পশুর বয়স—৪৭
যে পশুতে সাতজন শরিক হতে পারে—৪৮
শরিকদের সবার নিয়ত বিশুদ্ধ হতে হবে—৪৮
কয়েকজন মিলে নফল কুরবানি করা—৪৮
কুরবানির সঙ্গে ওলিমা—৪৯
কুরবানির সাথে আকিকা—৪৯
গোশত মেপে বণ্টন করা—৪৯
শরিকদের সবাই একই পরিবারের সদস্য হলে—৫০
মান্নতের কুরবানির গোশত—৫০
জবাইয়ের সময় শরিকদের নাম নেওয়া—৫০

ত্রুটিযুক্ত পশু-সংক্রান্ত মাসায়েল
শিং ভেঙে গেলে—৫১
জন্মগতভাবেই শিং না থাকলে—৫১
কান-কাটা পশুর কুরবানি—৫১
যে পশুর কান নেই—৫২
যে পশুর দৃষ্টিশক্তি নেই—৫২
যে পশুর দাঁত নেই—৫২
যে পশুর জিভ কাট—৫২
যে পশুর লেজ কাটা—৫৩
জন্মগতভাবেই লেজ না থাকলে—৫৩
যে পশু খোঁড়া—৫৩
স্তন শুকিয়ে গেলে—৫৩
গর্ভবতী পশুর কুরবানি—৫৪
খাসি কুরবানি করা—৫৪
কুরবানি ও আকিকা । ৯ ।

হিজড়া পশুর কুরবানি—৫৪
যে পশু কেবল ময়লা-আবজনা খায়—৫৪
বন্য পশুর কুরবানি—৫৫
ক্রয় করার পর ত্রুটি দেখা দিলে—৫৫
কুরবানি করার সময় ত্রুটিযুক্ত হয়ে গেলে—৫৫

আপনি কীভাবে কুরবানি করবেন?

কুরবানি করার পদ্ধতি—৫৬
জবাইয়ের সময় জিকিরের কোনো বাক্য বলা—৫৭
বাংলায় আল্লাহর নাম নিলে—৫৮
জবাইয়ের সময় দোয়ার বাক্য বললে—৫৮
একবার বিসমিল্লাহ বলে কয়েকটি পশু জবাই করা—৫৮
সাহায্যকারীও বিসমিল্লাহ বলবে—৫৯
বিসমিল্লাহ বলতে ভুলে গেলে—৫৯
জবাইয়ের সময় কুরবানির নিয়ত করা—৫৯
অন্যের পশু নিজের নামে জবাই করলে—৬০
তিনটি নালি কাটতে হবে—৬০
গলার কোন জায়গায় জবাই করবে?—৬০
উট জবাই করার পদ্ধতি—৬১
ঘাড়ের দিকে জবাই করা—৬১
নারীদের জবাইকৃত পশু—৬১
অপ্রাপ্তবয়স্ক বাচ্চার জবাইকৃত পশু—৬২
বোবার জবাইকৃত পশু—৬২
হিজড়ার জবাইকৃত পশু—৬২
কাদিয়ানির জবাইকৃত পশু—৬২
মেশিনে পশু জবাই—৬২
কুরবানির পশুর সাথে আচরণ—৬৩
কুরবানিতে উৎসাহ, অতিউৎসাহ—৬৪
পশু কাটাকাটি শেষে করণীয়—৬৪

কুরবানির গোশত ও চামড়া-সংক্রান্ত মাসায়েল

কুরবানির গোশত কীভাবে বণ্টন করবে?—৬৫

কুরবানি গোশত দিয়ে ওলিমার দাওয়াত—৬৫

অমুসলিমকে কুরবানির গোশত দেওয়া—৬৬

ওসিয়তকৃত কুরবানির গোশত—৬৬

কুরবানির গোশত বিক্রি করা—৬৬

কুরবানির চামড়া—৬৭

কুরবানির চামড়া বিক্রি করা হলে—৬৭

কুরবানির চামড়া মাদরাসায় দান করা—৬৭

কুরবানির চামড়া মসজিদে দান করা—৬৮

চামড়ার টাকা দিয়ে বেতন দেওয়া—৬৮

মাদরাসার মুহতামিমকে মালিক বানিয়ে দিলে—৬৮

কাউকে চামড়া দিয়ে কাপড় নেওয়া—৬৮

কাউকে গোশত দিয়ে ফলমূল নেওয়া—৬৯

কুরবানি চামড়া হাদিয়া দেওয়া—৬৯

কুরবানির পশু দুধ দিলে—৬৯

কুরবানির পশুর উপর আরোহণ করা—৭০

কোনো কাজের জন্য কুরবানির পশু ভাড়া দেওয়া—৭০

কুরবানির পশুর রশি—৭০

কসাইয়ের পারিশ্রমিক—৭০

চুল-নখ ইত্যাদি কাটবে না—৭১

গরিবদের গোশত দানের ক্ষেত্রে লক্ষণীয়—৭১

তাকবিরে তাশরিক

তাকবিরে তাশরিকের বাক্য—৭৪

কীভাবে বলবে?—৭৪

মাসবুকও তাকবিরে তাশরিক বলবে—৭৪

তাকবিরে তাশরিক বলার আগে কথা বলে ফেললে—৭৫

তাকবিরে তাশরিক বলার আগে ওজু নষ্ট করে ফেললে—৭৫

তাকবিরে তাশরিক বলা ছাড়া মসজিদ থেকে বের হয়ে গেলে—৭৫
তাকবির বলার আগে কেবলার দিক থেকে বুক ঘুরে গেলে—৭৬
তাকবির বলার আগে ওজু নষ্ট হয়ে গেলে—৭৬
তাকবিরে তাশরিক ও কাজা নামাজ—৭৬

আকিকা

আকিকা কী?—৭৭
নামকরণের কারণ—৭৭
আকিকার হুকুম—৭৭
আকিকা কে করবে?—৭৭
কয়টি পশু জবাই করবে?—৭৮
দুটি খাসির সামর্থ্য না থাকলে—৭৮
দুটি খাসি একসাথে জবাই করা জরুরি?—৭৮
কুরবানির সাথে আকিকা—৭৯
কুরবানি ছাড়া অন্য সময় একটি বড় পশুতে কয়েকজনের আকিকা—৭৯
আকিকা করলে বিপদ-আপদ কাটে—৭৯
কোন দিন আকিকা করবে?—৮০
বাচ্চার জন্ম রাতে হলে—৮০
সপ্তম দিন আকিকা করতে না পারলে—৮০
বাচ্চা হাসপাতালে থাকলে—৮০
বাচ্চা এক শহরে, আকিকা অন্য শহরে—৮১
প্রাপ্তবয়স্কদের আকিকা—৮১
আকিকায় মেহমান দাওয়াত দেওয়া জরুরি?—৮১
আকিকার গোশত খাওয়ানোর উত্তম পদ্ধতি—৮২
আকিকার দিন মাথা মুণ্ডন করা—৮৩
মাথা মুণ্ডন পশু জবাইয়ের আগে, না পরে?—৮৩
আকিকা না করলে কী মাথা মুণ্ডন করা যায় না?—৮৩
মাথা মুণ্ডন করে মাথায় জাফরান মেখে দেওয়া—৮৩
প্রাপ্তবয়স্কদের আকিকায় মাথা মুণ্ডন করা—৮৪

মৃত বাচ্চার আকিকা—৮৪
আকিকার পশুর চামড়া—৮৪
আকিকার দিন বাচ্চার নাম রাখা—৮৪
খৎনা করা সুন্নতে মুয়াক্কাদা—৮৪
খৎনা কখন করাবে?—৮৪
বাচ্চার কানে আজান-ইকামত দেওয়া—৮৫
আজান-ইকামত দেওয়ার রহস্য—৮৫
আজান-ইকামতের সাথে একটি আয়াতও পড়া—৮৬
বাচ্চার তাহনিক করানো—৮৬

ঈদুল আজহা

দিনের সুন্নত ও মুস্তাহাব—৮৭
ঈদের নামাজ যাদের উপর ওয়াজিব—৮৭
ঈদের নামাজ আদায়ের সময়—৮৭
ঈদের নামাজের স্থান—৮৮
তায়াম্মুম করে ঈদের নামাজ আদায়—৮৮
ঈদের নামাজে আজান-ইকামত—৮৯
নিয়ত—৮৯
ঈদের নামাজ পড়ার পদ্ধতি—৮৯
অতিরিক্ত তাকবির-সংক্রান্ত মাসআলা—৯০
তাকবিরের সংখ্যা নিয়ে সন্দেহ হলে—৯০
ভুলে তাকবির না বললে—৯০
ভিন্ন মাজহাবের ইমামের পেছনে ঈদের নামাজ আদায়—৯০
ঈদের নামাজে মাসবুক হলে—৯১
ঈদের নামাজের পর তাকবিরে তাশরিক—৯২
ঈদের খুতবা-সংক্রান্ত মাসায়েল—৯২
ঈদের নামাজ ছুটে গেলে—৯৩
ঈদের শুভেচ্ছা—৯৩
ঈদের নামাজ শেষে মুসাফাহা ও মুয়ানাকা—৯৩

ঈদের দিনে বন্ধুবান্ধব ও আত্মীয়স্বজনের সঙ্গে সাক্ষাৎ—৯৩

ঈদের নামাজের আগে-পরে নফল পড়া—৯৪

ঈদ ও জুমা একই দিনে হলে—৯৪

ঈদের জামাতে মহিলাদের উপস্থিতির মাসআলা—৯৪

সৌদি আরবে ঈদ করে ওই দিনই দেশে চলে এসে দেশে ঈদের জামাত

পেলে—৯৫

ঈদগাহের মাসআলা—৯৫

ঈদের দিনে বর্জনীয়—৯৬

بِسْمِ اللَّهِ الرَّحْمَنِ الرَّحِيمِ.

وَلِكُلِّ أُمَّةٍ جَعَلْنَا مَنْسَكًا لِّيَذْكُرُوا اسْمَ اللَّهِ عَلَىٰ مَا رَزَقَهُمْ مِّنْ بَهِيمَةِ الْأَنْعَامِ ۖ
فَالَهُكُمْ إِلَهُ وَاحِدٌ فَكُلُوا مِنْهُ وَأَسْلِمُوا وَبَشِّرِ الْمُخْبِتِينَ ۝ الَّذِينَ إِذَا ذُكِرَ اللَّهُ وَجِلَتْ
قُلُوبُهُمْ ۖ وَالصَّابِرِينَ عَلَىٰ مَا أَصَابَهُمْ ۖ وَالْمُقِيمِي الصَّلَاةِ ۖ وَمِمَّا رَزَقْنَاهُمْ
يُنْفِقُونَ ۝ وَالْبُدْنَ جَعَلْنَاهَا لَكُمْ مِّنْ شَعَائِرِ اللَّهِ لَكُمْ فِيهَا خَيْرٌ ۖ فَاذْكُرُوا اسْمَ
اللَّهِ عَلَيْهَا صَوَافٍ ۖ فَإِذَا وَجَبَتْ جُنُوبُهَا فَكُلُوا مِنْهَا وَأَطِيعُوا الْقَانِعَ ۖ وَالْمُعْتَرَّ ۖ
كَذَلِكَ سَخَّرْنَاهَا لَكُمْ لَعَلَّكُمْ تَشْكُرُونَ ۝ لَّن يَنَالِ اللَّهُ لُحُومَهَا وَلَا دِمَآؤُهَا ۖ
لَكِن يَنَالُهُ التَّقْوَىٰ مِنْكُمْ ۖ كَذَلِكَ سَخَّرَهَا لَكُمْ لِتُكَبِّرُوا اللَّهَ عَلَىٰ مَا هَدَاكُمْ ۖ وَ
بَشِّرِ الْمُحْسِنِينَ ۝

আমি প্রত্যেক উম্মতের জন্য কুরবানি নির্ধারণ করেছি, যেন তারা আল্লাহর দেওয়া চতুষ্পদ জন্তু জবাই করার সময় আল্লাহর নাম উচ্চারণ করে। তোমাদের মাবুদ হলেন একমাত্র মাবুদ। অতএব তাঁর কাছেই আত্মসমর্পণ করো এবং (হে মুহাম্মদ,) আপনি বিনয়ীদের সুসংবাদ দিন। যাদের অন্তর আল্লাহর নাম স্মরণ করা হলে ভীত হয় এবং যারা তাদের বিপদাপদে ধৈর্যধারণ করে, নামাজ কায়েম করে এবং আমি তাদের যে সম্পদ দিয়েছি, তা থেকে ব্যয় করে।

কুরবানির জন্য উৎসর্গীকৃত উটকে আমি তোমাদের জন্য আল্লাহর অন্যতম নিদর্শন করেছি। এতে তোমাদের জন্য কল্যাণ রয়েছে। সুতরাং সারিবদ্ধভাবে বাঁধা অবস্থায় এদের জবাই করার সময় আল্লাহর নাম উচ্চারণ করো। এরপর যখন তারা কাত হয়ে পড়ে যায়, তখন তা থেকে আহার করো এবং যারা চায় না আর যারা

চায়—সবাইকে আহ্বার করাও । এভাবেই আমি তাদেরকে তোমাদের বশীভূত করে দিয়েছি, যেন তোমরা কৃতজ্ঞতা প্রকাশ করো ।

কুরবানির পশুর গোশত, রক্ত (কোনোটাই) আল্লাহর কাছে পৌঁছয় না । পৌঁছয় কেবল তোমাদের মনের তাকওয়া—আল্লাহ ভীতি ও ইখলাস । এভাবেই তিনি এগুলো তোমাদের অধীন করে দিয়েছেন, যেন তোমরা আল্লাহর মহত্ত্ব ঘোষণা করো এ কারণে যে, তিনি তোমাদের হেদায়াত দিয়েছেন । (হে মুহাম্মদ,) আপনি সৎকর্মশীলদের সুসংবাদ শুনিয়ে দিন ।’

মহান ত্যাগের এক অবিস্মরণীয় ঘটনা

মানবেতিহাসের এক বিস্ময়কর ঘটনা। যা ভাবতেই গায়ের লোম দাঁড়িয়ে যায়! একটু কল্পনা করুন, ছিয়াশি বছরের এক বৃদ্ধ। জীবনের একটি দীর্ঘ সময় পেরিয়ে যাওয়ার পরও যার কোনো সন্তান হয়নি। যিনি মহান আল্লাহর দরবারে কাকুতি মিনতির সাথে দোয়া করেছিলেন,

رَبِّ هَبْ لِي مِنَ الصَّالِحِينَ.

হে আমার প্রতিপালক, আমাকে নেকসন্তান দান করুন।^১

ফলে এক সময় আল্লাহ তাঁর ডাকে সাড়া দেন। বুদ্ধিমান ও ধৈর্যশীল এক সন্তান দান করেন, যার নাম ইসমাইল।

বৃদ্ধ বয়সে হওয়া সন্তানের যে কী কদর, তা একমাত্র তিনিই বুঝতে পারেন, যিনি নিজে এ অবস্থার সম্মুখীন হন। কিন্তু এখানে যার কথা বলছি, তিনি সাধারণ কেউ নন; তিনি হলেন খলিলুল্লাহ—আল্লাহর পরম বন্ধু হজরত ইবরাহিম আলাইহিস সালাম। আল্লাহ যাকে গোটা মানবজাতির জন্য তাওহিদ ও আল্লাহমুখিতার ক্ষেত্রে অনুসরণীয় বানানোর ইচ্ছা করেছেন। তাই তাঁর উপর আল্লাহর পক্ষ হতে নানান পরীক্ষা আসা শুরু হয়ে যায়। এটাই আল্লাহর সাধারণ নিয়ম। এর দ্বারা উদ্দেশ্য, তিনি আল্লাহর প্রতিটি হুকুম ও ফায়সালা বিনা বাক্যব্যয়ে মেনে নিয়ে পূর্ণ আনুগত্য প্রদর্শন ও আত্মসমর্পণ করেন কি না, তা দেখা। এরই পরিপ্রেক্ষিতে সর্বপ্রথম তাঁর কলিজার টুকরা শিশু ইসমাইলকে তাঁর মা হাজেরাসহ মক্কার জনমানবহীন মরুপ্রান্তরে রেখে আসার নির্দেশ আসে; যা তিনি হাসিমুখে বরণ করে সঙ্গে সঙ্গে পালন করেন। একটুও দেরি করেননি! এরপর দিন যেতে থাকে। সপ্তাহ, মাস, বছর পেরিয়ে মক্কা এক সময় আবাদ হয়ে যায়। অথচ বছর কয়েক আগেও তা ছিল জনমানবহীন মরুভূমি। এদিকে তাঁর কলিজার টুকরা ইসমাইলও বেশ বড় হয়ে ওঠে। বৃদ্ধ পিতাকে সহায়তা করতে পারবে, এমন বয়সে উপনীত হয়। ঠিক তখন আল্লাহর তরফ থেকে নির্দেশ আসে, তুমি তোমার এ সন্তানকে জবাই

১. সূরা সাফফাত : ১০০

করো। ভাবুন তো, কেমন হৃদয়বিদারক নির্দেশ! অন্তর ভেঙে খানখান হয়ে যাওয়ার মতো অবস্থা! এত আশা-আকাঙ্ক্ষার পর পাওয়া একমাত্র সন্তানকে বৃদ্ধ বাবা নিজ হাতে জবাই করবে! বস্তুজগতের কেউ কি এ কথা চিন্তা করতে পারে? কিন্তু মানবেতিহাসের এ উজ্জ্বল অধ্যায়টি ইতিহাসের পাতায় আজও অংকিত হয়ে আছে এবং কেয়ামত পর্যন্ত থাকবে।

যে নির্দেশ পালন করার কথা দুনিয়াদাররা কল্পনাও করতে পারে না, আল্লাহর খলিল ইবরাহিম আলাইহিস সালাম তা-ই করে দেখান! নিজেকে চিরস্থায়ী মর্যাদা ও সৌভাগ্যের অধিকারী বানিয়ে নেন।

পিতার পাশাপাশি তাঁর সুযোগ্য সন্তান ইসমাইলও এ সৌভাগ্যের অংশীদার হন। তিনিও সানন্দে আল্লাহর এ হুকুম পালনের জন্য প্রস্তুত হয়ে যান। বিরাট বরকতময় উপাধি ‘জাবিল্লাহ’ (আল্লাহর জন্য জবাইকৃত) লাভ করে ধন্য হন।

পিতা-পুত্রের এ আত্মত্যাগ আল্লাহর কাছে এতই পছন্দনীয় হয় যে, তিনি কেয়ামত পর্যন্ত তাদের নাম সমুজ্জ্বল করে দেন। নিজ কিতাব কুরআনুল কারিমে আকর্ষণীয় ভঙ্গিতে এ সব ঘটনা উল্লেখ করেন। কথাগুলো একটু পড়ুন। হৃদয়ঙ্গম করার চেষ্টা করুন, আল্লাহ সুবহানাহু ওয়া তায়ালা তাঁর বান্দাদের থেকে কেমন আনুগত্য কামনা করেন এবং অনুগত বান্দাদের কী মর্যাদা তাঁর কাছে! আল্লাহ তায়ালা ইরশাদ করেন,

وَقَالَ إِنِّي ذَاهِبٌ إِلَىٰ رَبِّي سَيَهْدِينِ . رَبِّ هَبْ لِي مِنَ الصَّالِحِينَ . فَبَشَّرْنَاهُ بِغُلَامٍ حَلِيمٍ . فَلَمَّا بَلَغَ مَعَهُ السَّعْيَ قَالَ يَا بُنَيَّ إِنِّي أَرَىٰ فِي الْمَنَامِ أَنِي أَذْبَحُكَ فَانْظُرْ مَاذَا تَرَىٰ قَالَ يَا أَبَتِ افْعَلْ مَا تُؤْمَرُ سَتَجِدُنِي إِن شَاءَ اللَّهُ مِنَ الصَّابِرِينَ . فَلَمَّا أَسْلَمَا وَتَلَّهُ لِلْجَبِينِ . وَنَادَيْنَاهُ أَنْ يَا إِبْرَاهِيمُ . قَدْ صَدَّقَتِ الرُّؤْيَا إِنَّا كَذَلِكْ نَجْزِي الْمُحْسِنِينَ . إِنَّ هَذَا لَهُوَ الْبَلَاءُ الْمُبِينُ . وَفَدَيْنَاهُ بِذَبْحٍ عَظِيمٍ . وَتَرَكْنَا عَلَيْهِ فِي الْآخِرِينَ . سَلَامٌ عَلَىٰ إِبْرَاهِيمَ . كَذَلِكْ نَجْزِي الْمُحْسِنِينَ . إِنَّهُ مِنْ عِبَادِنَا الْمُؤْمِنِينَ .

সে বলল, আমি আমার পালনকর্তার দিকে চললাম, তিনি আমাকে সঠিক পথ দেখাবেন। হে আমার প্রতিপালক, আমাকে নেক সন্তান দান করুন। সুতরাং আমি তাকে ধৈর্যশীল এক পুত্র সন্তানের সুসংবাদ দিলাম। যখন সে পিতার সঙ্গে চলাফেরার বয়সে উপনীত হল, তখন ইবরাহিম তাকে বলল, ‘বৎস, আমি স্বপ্নে দেখি যে, তোমাকে জবাই করছি; এখন তোমার অভিমত কী বলো?’

সে বলল, ‘আব্বা, আপনাকে যা আদেশ করা হয়েছে, তা-ই করুন। আপনি আমাকে ইনশাআল্লাহ, ধৈর্যশীল পাবেন।’

যখন পিতা-পুত্র উভয়েই (আল্লাহর ইচ্ছার সামনে) আত্মসমর্পণ করল এবং ইবরাহিম তাঁর পুত্রকে (জবাই করার জন্যে) কাত করে শুইয়ে দিল, তখন আমি তাকে ডেকে বললাম, ‘হে ইবরাহিম, তুমি স্বপ্নকে সত্যে পরিণত করেছ! আমি এভাবেই সৎকর্মশীলদেরকে পুরস্কৃত করে থাকি।’

নিশ্চয়ই এটা ছিল এক সুস্পষ্ট পরীক্ষা। আমি তার পরিবর্তে একটি বিরাট জবাইয়ের পশু (দুগ্ধা) দিয়েছিলাম। আমি তাকে পরবর্তীদের মাঝে স্মরণীয় করে রাখলাম। ইবরাহিমের প্রতি শান্তি বর্ষিত হোক। আমি এভাবেই সৎকর্মশীলদেরকে প্রতিদান দিয়ে থাকি। নিশ্চয়ই সে আমার মুমিন বান্দাদের অন্যতম।^১

আয়াতগুলো বারবার পড়ুন। পরম করুণাময় আল্লাহ তাঁর নিষ্ঠাবান বান্দাদের কেমন কদর করেন, তা একটু উপলব্ধি করুন। আয়াতের প্রতিটি বাক্যেই এ বিষয়টি ফুটে উঠেছে। মহান আল্লাহর সেই রহমত তো আজও আছে। প্রয়োজন কেবল বান্দার তরফ থেকে নিখাদ আনুগত্য ও আল্লাহমুখিতা। আল্লাহ যেন আমাদেরকেও এর ছিটেফোঁটা কিছু দান করেন। আমিন।

শিক্ষা ও উপদেশ^২

ঐতিহাসিক এই ঘটনায় আমাদের জন্য রয়েছে শাস্তত চেতনা, রয়েছে মহামূল্যবান শিক্ষা ও উপদেশ।

- আল্লাহ যখন হজরত ইবরাহিম আলাইহিস সালামকে নির্দেশ দেন, হজরত ইবরাহিম আলাইহিস সালাম ও হজরত ইসমাইল আলাইহিস সালাম কোনো বাক্যব্যয় ছাড়াই সেই নির্দেশ মেনে নেন। ‘ঈমান বিল গাইব’^৩-এর চেতনা এটাই। একজন প্রকৃত মুসলমানের বিশ্বাস থাকে—স্রষ্টা আল্লাহই সৃষ্টির সমূহ কল্যাণকর পথ সম্পর্কে সবিশেষ অবগত। তাই একজন প্রকৃত মুসলমান আল্লাহর যে কোনো নির্দেশ যুক্তি খোঁজার আগেই মেনে নেন। যুক্তিতে না ধরলেও মেনে নেন।

১. সূরা সাফফাত : ৯৯-১১১

২. ‘শিক্ষা ও উপদেশ’ এই শিরোনামের অধীনে উল্লেখিত রচনা সম্পাদকের পক্ষ থেকে সংযোজিত।

৩. ‘ঈমান বিল গাইব’ মানে রাসুলের আনীত পূর্ণাঙ্গ শরিয়তের ব্যাপারে পূর্ণ আস্থা ও বিশ্বাস।

- হজরত ইবরাহিম আলাইহিস সালামকে আল্লাহ যে নির্দেশ দেন, ব্যক্তি ও পরিস্থিতি বিবেচনায় তা বিন্দুবিসর্গ পরিমাণও সহজ কিছু ছিল না। ঘটনার পরিশেষ থেকে এ কথা স্পষ্ট, আল্লাহ হজরত ইসমাইল আলাইহিস সালামকে হত্যার জন্য এই নির্দেশ দেননি। আল্লাহ এই নির্দেশ দিয়েছেন উভয়ের পরীক্ষা নেয়ার জন্য। এ থেকে আমরা বুঝতে পারি, প্রিয়জনের নির্দেশনায় অনেক রহস্য লুকায়িত থাকে। সেই রহস্য বোঝার জন্য সময়ের অপেক্ষা করতে হয়। প্রকৃত কল্যাণকামী কখনো ক্ষতির জন্য কোনো কিছু করেন না। কল্যাণকামীগণ কখনো কখনো কঠিনতর কোনো কিছুর মাধ্যমেও প্রিয়জনকে যাচাই করে থাকেন। এ ক্ষেত্রে করণীয় হল, পরীক্ষার জন্য প্রস্তুত থাকা। বাকিটুকু পরীক্ষকের বিবেচনায় ছেড়ে দেওয়া।

- হজরত ইবরাহিম আলাইহিস সালাম নির্দেশনা পেয়ে হজরত ইসমাইল আলাইহিস সালামের মতামত জানতে চান। কোনো নির্দেশ পালনে যদি অপরের সঙ্গে সম্পৃক্ততা থাকে, তাহলে তার মতামত জানতে চাওয়া যায়।

- হজরত ইবরাহিম আলাইহিস সালাম হজরত ইসমাইল আলাইহিস সালামের কাছে অত্যন্ত সহজভাবে বিষয়টি উপস্থাপন করেছেন— ‘আমি স্বপ্নে দেখেছি, তোমাকে জবাই করেছি। এ ব্যাপারে তোমার মত কী?’ তিনি এ ধরনের কিছু বলেননি—‘তোমাকে জবাই করবই।’ এরপর তিনি জবাইয়ের স্থানে যান। তখনো বলেননি—‘চলো, তোমাকে জবাই করতে নিয়ে যাই।’ এভাবে সহজ ও সহনীয় উপস্থাপন একজন দাসীর বৈশিষ্ট্য। এর মাধ্যমে দাওয়াত গ্রহণ করা শ্রোতার জন্য সহজ হয়।

কুরবানির এই অনন্য ঐতিহাসিক ঘটনার পুরোটা জুড়েই শয়তানের ধোঁকা দেওয়ার চেষ্টা ছিল। এই জবাইয়ের ও রক্তপাতের যৌক্তিকতা নিয়ে এবং আল্লাহর নির্দেশনা পালনের চেয়ে নিজেকে বাঁচানোর প্রচেষ্টাকে প্রবল করে শয়তানের যুক্তি ও কুমন্ত্রণার অন্ত ছিল না। কিন্তু হজরত ইবরাহিম আলাইহিস সালাম ও হজরত ইসমাইল আলাইহিস সালাম কোনো কথা কানে না নিয়ে, কোনো যুক্তিতর্কে না গিয়ে খুব সরল ও সমর্পিত চিত্তে আল্লাহর বিধান মানার জন্য সর্বান্তকরণে প্রস্তুত ছিলেন। শয়তানের এই ধোঁকা যুগে যুগে অব্যাহত আছে। পশু জবাইয়ের নামে বর্বরতার যুক্তি নিয়ে শয়তান এখনো আমাদের মাঝে নানা সুরতে উপস্থিত। এ ক্ষেত্রেও আমরা হজরত ইবরাহিম আলাইহিস সালাম এবং হজরত ইসমাইল আলাইহিস সালামের মতো কোনো কথা কানে না নিয়ে, কোনো যুক্তিতর্কে না

গিয়ে প্রথমেই খুব সরল ও সমর্পিত চিত্তে আল্লাহর বিধান মানার জন্য সর্বান্তকরণে প্রস্তুত থাকব, ইনশাআল্লাহ।

হজরত ইসমাইল আলাইহিস সালামই জাবিহুল্লাহ

মুহাক্কিক মুফাসসিরদের অভিমত হল, হজরত ইসমাইল আলাইহিস সালামই হলেন জাবিহুল্লাহ। যার আত্মত্যাগের স্মরণেই উম্মতে মুহাম্মাদিয়াকে কুরবানির নির্দেশ দেওয়া হয়েছে।

তাফসিরের কোনো কোনো বর্ণনায় এসেছে, হজরত ইবরাহিম আলাইহিস সালামের দ্বিতীয় সন্তান হজরত ইসহাক আলাইহিস সালাম হলেন জাবিহুল্লাহ। কিন্তু মুহাক্কিক ওলামায়ে কেরাম বলেছেন, এটি কোনোভাবেই গ্রহণযোগ্য নয়। কারণ, এ কথা শুধু যে কুরআনে কারিমের বক্তব্যের বিপরীত এমন নয়, বরং বর্তমানে যে তাওরাত রয়েছে, তারও বিপরীত। এটি মূলত ইহুদিদের কাজ। তারাই জাবিহুল্লাহ হওয়ার গৌরবোজ্জ্বল মর্যাদাটি তাদের পূর্বপুরুষ হজরত ইসহাক আলাহিস সালামের দিকে সম্পৃক্ত করার চেষ্টা করেছে। তাদের থেকে আসা বিভিন্ন বর্ণনা দ্বারা প্রভাবিত হয়ে কোনো কোনো মুসলিম মনীষীর বক্তব্যেও এটি এসে গেছে, যা আসলে সঠিক নয়। বাস্তবতা হল, হজরত ইসমাইল আলাইহিস সালামই হলেন জাবিহুল্লাহ। নিম্নোক্ত বিষয়গুলো এ কথার প্রমাণ—

এক. কুরআনে কারিমে যেখানে (হজরত ইবরাহিম আলাইহিস সালামকে) হজরত ইসমাইল আলাইহিস সালামের সুসংবাদ দেওয়া হয়েছে, সেখানে তাঁর গুণবাচক শব্দ হিসেবে ‘হালিম’ শব্দটি এসেছে। যার অর্থ ‘ধৈর্যশীল’। পক্ষান্তরে যেখানে হজরত ইসহাক আলাইহিস সালামের সুসংবাদ দেওয়া হয়েছে, সেখানে তাঁর গুণবাচক শব্দ হিসেবে এসেছে ‘আলিম’। যার অর্থ ‘জ্ঞানী’ বা ‘জ্ঞানের অধিকারী’। গুণ-দুটি দুজনের জন্য পুরোপুরি উপযোগী। এর মধ্যে হালিম বা ধৈর্যশীল গুণটি যে জাবিহুল্লাহর জন্য উপযোগী, তা বলার অপেক্ষা রাখে না।

দুই. সূরা সাফফাতে (আয়াত : ১০১-১১২) প্রথমে হজরত ইসমাইল আলাইহিস সালামের সুসংবাদ ও তাঁর কুরবানির আলোচনা করা হয়। এরপর وَبَشِّرْنَا بِسَخَائِكَ (এবং আমি তাকে ইসহাকের সুসংবাদ দিয়েছি) বলে হজরত ইসহাক আলাইহিস সালামের আলোচনা করা হয়। এ থেকে সুস্পষ্টভাবে প্রতীয়মান হয় যে, দুটি সুসংবাদ আলাদা আলাদা। (প্রথমটি ইসমাইল আলাইহিস সালাম সম্পর্কে।

দ্বিতীয়টি ইসহাক আলাইহিস সালাম সম্পর্কে। কুরবানির বিষয়টি ইসমাইল আলাইহিস সালামের আলোচনাতেই এসেছে।)

তিন. জবাই ও কুরবানির ঘটনাটি যে মক্কায় ঘটেছে, এ নিয়ে কারও দ্বিমত নেই। মক্কায় ইসমাইল আলাইহিস সালামই বাস করতেন, ইসহাক আলাইহিস সালাম না। (তিনি শামে বাস করতেন।)

চার. তাওরাতে এ কথা লেখা আছে—হজরত ইবরাহিম আলাইহিস সালাম তাঁর যে সন্তানকে কুরবানি করেছিলেন, সে ছিল তাঁর একমাত্র সন্তান। আর এ কথা তখনই সঠিক হয়, যদি ইসমাইল আলাইহিস সালামকে জাবিল্লাহ মানা হয়। কারণ, এটি তো সর্বস্বীকৃত যে, ইসমাইল আলাইহিস সালামের জন্ম আগে হয়েছে। তার ১৩ বা ১৪ বছর পর ইসহাক আলাইহিস সালাম জন্মগ্রহণ করেন।^১

ইসলামে কুরবানির বিধান

আল্লাহ তায়ালা যা কিছু সৃষ্টি করেছেন, সবই মানুষের সেবার জন্য সৃষ্টি করেছেন। এর মধ্যে প্রাণী ও নিস্প্রাণ বস্তু সবই আছে। নিস্প্রাণ বস্তু থেকে তো মানুষ উপকৃত হয়ই, প্রাণী থেকে উপকৃত হওয়াও আল্লাহ তাদের জন্য বৈধ করেছেন। এগুলো থেকে তারা নানা উপায়ে উপকৃত হতে পারে। কোনোটার গোশত ভক্ষণ করে, কোনোটাতে আরোহণ করে, কোনোটাতে বোঝা বহন করে, কোনোটার পশম দিয়ে পোশাক ইত্যাদি তৈরি করে উপকৃত হতে পারে। এ সবার মধ্যে অন্যতম হল, গোশত ভক্ষণ করা। কারণ, স্বভাবগতভাবেই মানুষ গোশতভোজী। তারপরও ইসলামি শরিয়ত এমন সব প্রাণীর গোশত খাওয়া অবৈধ করেছে, যা বাহ্যিকভাবে বা অভ্যন্তরীণ (রুহানি)-ভাবে ক্ষতিকর। শূকর ও হিংস্র প্রাণীর গোশত বাহ্যিকভাবে এবং গাইরুল্লাহর নামে উৎসর্গিত প্রাণীর গোশত রুহানিভাবে ক্ষতিকর হওয়ার কারণেই অবৈধ করা হয়েছে।

পুণ্য লাভের উদ্দেশ্যে পশু জবাই করার রেওয়াজ প্রাচীনকাল থেকেই ছিল। হজরত ইবরাহিম ও ইসমাইল আলাইহিমাস সালামের ঘটনায় আল্লাহর সন্তুষ্টি লাভের উদ্দেশ্যে জান্নাতি দুম্বা কুরবানি করার মাধ্যমে কার্যত এ রেওয়াজেরই একটি সঠিক রূপ অনুমোদন দেওয়া হয়। ইসলাম এ কাজের কেবল অনুমতিই দেয়নি, বরং এটিকে পুণ্যের কাজ এবং সামর্থ্যবানদের উপর বিশেষ দিনে নির্ধারিত কিছু পশু কুরবানি করার মাধ্যম আল্লাহর সন্তুষ্টি লাভ করাকে ওয়াজিব

১. তাফসিরে ইবনে কাসির, ১১৩১-১১৩৪; মাআরেফুল কুরআন, খণ্ড ৭; পৃষ্ঠা ৪৬২-৪৬৬ (সংক্ষেপিত)

বা অপরিহার্য বলে ঘোষণা করেছে। এ ব্যাপারে এত গুরুত্বারোপ করেছে যে, নবীয়ে কারিম সাল্লাল্লাহু আলাইহি ওয়া সাল্লাম ইরশাদ করেছেন,

من وجد سعة لأن يضحي فلم يضح فلا يحضر مصلانا .

কুরবানি করার সামর্থ্য থাকা সত্ত্বেও যে কুরবানি করেনি, সে যেন আমাদের ঈদগাহে না আসে।^১

এ হাদিস থেকে ইসলামে কুরবানির কী গুরুত্ব, তা অনুমান করা যায়।

কুরবানির দিনগুলোতে কুরবানিই সবচেয়ে বড় আমল

কুরবানির দিনগুলোতে অন্যান্য ইবাদতের তুলনায় কুরবানিই আল্লাহর কাছে সবচেয়ে প্রিয় আমল। হজরত আয়েশা রাজি. থেকে বর্ণিত, রাসুলুল্লাহ সাল্লাল্লাহু আলাইহি ওয়া সাল্লাম বলেছেন,

ما عمل آدمي من عمل يوم النحر أحب إلى الله من إهراق الدم فإنه ليأتي يوم القيامة في فرشه بقرونها وأشعارها وأظلافها وإن الدم ليقع من الله قبل أن يقع من الأرض فطيبوا بها نفسا.

কুরবানির দিন বনি আদমের কোনো আমল আল্লাহ তায়ালার নিকট রক্ত প্রবাহিত করা অপেক্ষা পছন্দনীয় নয়। কেয়ামতের দিন কুরবানির পশু তার শিং, পশম ও খুরসহ (হাশরের ময়দানে) হাজির হবে। কুরবানির পশুর রক্ত মাটিতে পড়ার পূর্বেই আল্লাহর নিকট কবুল হয়ে যায়। অতএব সন্তুষ্ট চিত্তে কুরবানি করো।^২

আরও কিছু ফজিলত°

عَنْ زَيْدِ بْنِ أَرْقَمٍ، قَالَ قَالَ أَصْحَابُ رَسُولِ اللَّهِ - صَلَّى اللَّهُ عَلَيْهِ وَسَلَّمَ - يَا رَسُولَ اللَّهِ مَا هَذِهِ الْأَضَاحِيُّ قَالَ "سُنَّةُ أَبِيكُمْ إِبْرَاهِيمَ". قَالُوا فَمَا لَنَا فِيهَا يَا رَسُولَ اللَّهِ قَالَ بِكُلِّ شَعْرَةٍ حَسَنَةً. قَالُوا فَالْصَّوْفُ يَا رَسُولَ اللَّهِ قَالَ بِكُلِّ شَعْرَةٍ مِنَ الصُّوفِ حَسَنَةً.

যায়েদ ইবনে আরকাম রাজি. থেকে বর্ণিত, তিনি বলেন, রাসুলুল্লাহ সাল্লাল্লাহু আলাইহি ওয়া সাল্লামের সাহাবিগণ বললেন, 'ইয়া রাসুলুল্লাহ, এই কুরবানি

১. মুসতাদরাকে হাকেম, ২/৩৮৯; আত-তারগিব ওয়াত তারহিব, ২৫৬

২. জামে তিরমিজি, ১৪৯৩; সুনানে ইবনে মাজা, ৩১২৬; আত-তারগিব, ২৫৫

৩. 'আরও কিছু ফজিলত' এই শিরোনামের অধীনে উল্লেখিত রচনা সম্পাদকের পক্ষ থেকে সংযোজিত।

কি?’ তিনি বলেন, ‘তোমাদের পিতা ইবরাহিম আলাইহিস সালামের সুন্নত (ঐতিহ্য)।’ তারা পুনরায় জিজ্ঞেস করেন, ‘হে আল্লাহর রাসুল, এতে আমাদের জন্য কী (সওয়াব) রয়েছে?’ তিনি বলেন, ‘প্রতিটি পশমের বিনিময়ে একটি করে পুণ্য হবে। সাহাবিগণ আবার জানতে চাইলেন, ‘আল্লাহর রাসুল, দুশ্বা বা ভেড়ার পশমের বিনিময়েও কি সওয়াব পাওয়া যাবে (এদের পশম তো অনেক বেশি)?’ তিনি বললেন, ‘লোমশ পশুর প্রতিটি পশমের বিনিময়েও একটি করে নেকি রয়েছে।’^১

يا فاطمة! قومي إلى أضحيتك فاشهديها، فإن لك بأول قطرة تقطر من دمها أن يغفر لك ما سلف من ذنوبك! قالت يا رسول الله! أ لنا خاصة أهل البيت أو لنا وللمسلمين؟ قال بل لنا وللمسلمين.

রাসুল সাল্লাল্লাহু আলাইহি ওয়া সাল্লাম হজরত ফাতিমা রাজি.-কে বলেন, ‘ফাতেমা, তোমার কুরবানির পশু জবাই হওয়ার সময় তুমি ওখানে দাঁড়াবে। কারণ, পশুর রক্ত মাটিতে ঝরার আগেই তোমার সকল (সগিরা) গুনাহ মার্ফ করে দেওয়া হবে।’ হজরত ফাতিমা রাজি. জিজ্ঞেস করলেন, ‘গুনাহ মার্ফের এই প্রতিশ্রুতি কি শুধু আমাদের আহলে বাইতের জন্য, নাকি সকল মুসলমানের জন্য?’ রাসুল সাল্লাল্লাহু আলাইহি ওয়া সাল্লাম বললেন, ‘আমাদের জন্য এবং সকল মুসলমানের জন্য।’^২

أما أنه يجاء بلحمها ودمها توضع في ميزانك سبعين ضعفا.

রাসুল সাল্লাল্লাহু আলাইহি ওয়া সাল্লাম হজরত ফাতেমা রাজি.-কে বলেন, ‘কেয়ামতের দিন কুরবানিকৃত পশুর গোশত এবং রক্ত তোমার মিজানের পাল্লায় পরিমাপ করা হবে এবং এর ওজন সত্তর গুণ বাড়িয়ে দেওয়া হবে।’^৩

من ضحى طيبة نفسه محتسبا لأضحيته كانت له حجابا من النار.

রাসুল সাল্লাল্লাহু আলাইহি ওয়া সাল্লাম বলেন, কেউ সাওয়াবের আশায় স্বাচ্ছন্দ্যে কুরবানি করলে এই কুরবানি তাকে জাহান্নামের আগুন থেকে রক্ষা করবে।^৪

১. সুনানু ইবনে মাজা, হাদিস ৩১২৬

২. আত-তারগিব ওয়াত তারহিব, ২/৯৯

৩. আত-তারগিব ওয়াত তারহিব, ২/১০০

৪. আত-তারগিব ওয়াত তারহিব, ২/১০০

ما أنفقت الورق في شيء أحب الى الله من نحر ينحرف في يوم عيد.

রাসূল সাল্লাল্লাহু আলাইহি ওয়া সাল্লাম বলেন, কুরবানির পশু ক্রয় ও জবাইয়ের জন্য যে অর্থ খরচ করা হয়, ঈদের দিনের আর কোনো ব্যয় এর চেয়ে উত্তম হতে পারে না।^১

কুরবানি না করে সদকা করা

সামর্থ্যবান ব্যক্তিদের উপর কুরবানির দিনগুলোতে কুরবানি করাই আবশ্যিক। কুরবানি না করে টাকা সদকা করে দিলে ওয়াজিব তরক করার কারণে গুনাহগার হবে।

ومنها أنه لا يقوم غيرها مقامها في الوقت حتى لو تصدق بعين الشاة أو قيمتها في الوقت لا يجزئ عن الأضحية.^২

আজকাল কিছু লোককে দেখা যায়, তারা মুসলমানদের কুরবানি করার পরিবর্তে সদকা করার জন্য উৎসাহিত করে। এ সব লোকদের কথা প্রতি একদমই দ্রুপ করা উচিত না। কারণ, এ জাতীয় কথা স্পষ্ট ইসলামবিরোধী।

কুরবানি নিয়ে সারশূন্য আপত্তি^৩

কুরবানি না করে কুরবানির অর্থ সদকা করার কথাটি আসে মূলত কুরবানির উপর সংশয়বাদীদের কিছু আপত্তি থেকে। কুরবানির নিয়ে আপত্তিগুলো খুবই অদ্ভুত! প্রশ্ন করা হয় পশু জবাই ও রক্তপাত নিয়ে, প্রশ্ন তোলা হয় একই দিনে ‘রক্তের বন্যা’ প্রবাহ করা নিয়ে, পরামর্শ দেওয়া হয় মনের পশু কুরবানির শ্লোগান তুলে এবং কুরবানির টাকা দান করার ‘সদুপদেশ’ দিয়ে। অথচ একটু তলিয়ে দেখলেই বোঝা যায়, উক্ত সবগুলো কথাই ইসলাম সম্পর্কে সামগ্রিক অজ্ঞতা থেকে প্রসূত কিংবা ইসলামের বিরোধিতা ও বিদ্বেষ থেকে উদ্ভূত।

এ কথা স্পষ্ট, ইসলামের মতো একটি অতলস্পর্শী ব্যবস্থাপনাকে, যার সঙ্গে জড়িয়ে আছে চেতনা ও বিশ্বাস, জড়িয়ে আছে আবেগ ও ভালোবাসা, জড়িয়ে

১. সুনানে দারে কুতনি, হাদিস ৪৮১৫

২. ফাতাওয়া হিন্দিয়া, ৫/২৯৩; বাদায়েউস সানায়ে, জাকারিয়া, ৪/২০০; জামেউল ফাতাওয়া, ৪/৩৯০

৩. ‘কুরবানি নিয়ে সারশূন্য আপত্তি’ এই শিরোনামের অধীনে উল্লেখিত রচনার তিন তারকাচিহ্নিত (***) অংশ পর্যন্ত সম্পাদকের পক্ষ থেকে সংযোজিত।

আছে স্রষ্টা ও সুমহান হাকিম আল্লাহ তায়ালা দৃষ্টিভঙ্গি এবং অনুধাবনের উর্ধ্বের রহস্য, যার প্রতিটি বিধানের সঙ্গে জড়িয়ে আছে সামগ্রিক বিধানের আদি-অন্ত বিবেচনা, এমন একটি ব্যবস্থাপনার কোনো বিধানকে খণ্ডিত জ্ঞান আর সীমাবদ্ধ বিবেকের প্রশ্নযোগ্য যুক্তি দিয়ে বিবেচনা করলে এ ধরনের অদ্ভুত ও অজ্ঞতাপ্রসূত প্রশ্ন তৈরি হওয়াই স্বাভাবিক। কেউ যদি আপসহীন ঈমান ও বিশ্বাসের লালন, খোদাভীতির পরিচর্যা, নিজের অক্ষমতা ও সীমাবদ্ধতার অনুধাবন, স্রষ্টার রহস্যের কাছে বিনয়ী আত্মসমর্পণ এবং ইসলামের প্রতিটি বিধান পালনের পাশাপাশি প্রতিটি বিধানের সঙ্গে জড়িয়ে থাকা ইসলামের সামগ্রিক বিধানের আদি-অন্ত বিবেচনা না করে বিপরীতমুখী বিষয় দিয়ে ইসলামের কোনো বিধানকে বিবেচনা করে, তাকে বোঝানোর সাধ্য কারুরই নেই।

খুবই স্বাভাবিক একটি ব্যাপার হল, মানুষের বেঁচে থাকার জন্য শুধু মানুষ হওয়াই যথেষ্ট নয়। শুধু মানুষ কেন, প্রতিটি প্রাণীই বেঁচে থাকার জন্য শুধুই তার আপন সত্তা যথেষ্ট নয়। কুরবানির উপর প্রশ্ন তুলতে গিয়ে যেভাবে প্রাণ হরণের প্রশ্ন তোলা হয়, সেভাবে বিবেচনা করলে একটি মানুষের খাওয়ার এবং জীবন ধারণের মতো কোনো উপাদানই এই পৃথিবীতে আর নেই। শাক-সবজি, মাছ সব কিছুই তো প্রাণ আছে! মানুষের জীবন যাপনের যত কিছু উপাদান পৃথিবীতে প্রচলিত, সব উপাদানের ভিতরেই খেয়াল করলে প্রাণজ ও অনুভূতিপ্রবণ হওয়ার ব্যাপারটি স্পষ্ট। প্রাণ হরণের প্রশ্ন তুললে সব ক্ষেত্রেই তো এই প্রশ্ন তৈরি হয় বা হওয়ার কথা!

একই দিনে রক্তের বন্যায় ভেসে যাওয়ায় যারা অমানবিকতা অনুভব করেন, তারা কখনো মাছবাজারে যান না! তারা কি শাক-সবজি কিনতে গিয়ে একবারও অনুধাবন করেন, কতগুলো গাছপালা তরুলতার কুরবানি সেখানে হয়েছে! তারা কি নিজের শরীরে পোশাক থেকে শুরু করে ঘরবাড়ি ও তৈজসপত্রের প্রতি একবারও খেয়াল করেন! এ সব কিছুর মৌলিক উপাদান হয়তো প্রাণজ অথবা নিদেনপক্ষে অনুভূতিসম্পন্ন নয় কি!

মানুষের মনের ভিতর যা কিছু ঘুরপাক খায়, তার উপর ভিত্তি করেই মানুষ জাগতিক জীবনের স্বপ্ন ও পরিকল্পনা গ্রহণ করে। অর্থাৎ মনের ভিতর ঘুরপাক খাওয়া বিষয়গুলো মানুষের কাছে আসল এবং প্রথম পর্যায়ের; জাগতিক জীবনের ব্যবস্থাপনা হল মন থেকে উদ্ভূত চিন্তার প্রতিফলন এবং দ্বিতীয় পর্যায়ের। সুতরাং দ্বিতীয় পর্যায়ের জাগতিক পশু কুরবানি দিতে যাদের মন কাঁপে, তারা

প্রথম পর্যায়ের মনের পশু কুরবানি দেবেন কীভাবে! নাকি কুরবানির সময় এলেই মনের পশু কুরবানির কথা বলে যারা খুব মানবিক হওয়ার ভেদ ধরেন, তারা আসলে মনের সব নষ্ট পশুকে পালতে পালতে দানবে পরিণত করেন বলেই—শুধু পশু কুরবানি কেন—জাগতিক সকল কুরবানি নিয়েই তাদের এমন নোংরামি! আদতে জাগতিক পশু ও অন্যান্য বিষয় কুরবানির মাধ্যমেই মনের পশু কুরবানি হয়ে থাকে, এটাই নিশ্চিত।

আর পৃথিবীর বাস্তবতায় পরোপকার, আন্তরিকতার প্রকাশ ও আনুগত্যের প্রকাশের ক্ষেত্রে এ কথাও সুস্পষ্ট, সব ক্ষেত্রে টাকা-পয়সার উপহার বা টাকা-পয়সার দান-অনুদানই শেষ কথা নয়, পরন্তু ইসলাম যেখানে টাকা-পয়সার উপহার ও দান-অনুদানের অনেক ক্ষেত্রে বিধান করেছে, সেখানে পরোপকার, আন্তরিকতা ও আনুগত্যের প্রকাশে আরও কিছু বিধান থাকারটাই স্বাভাবিক—চাই সেটি কুরবানি হোক বা অন্য কিছু। সেখানে কুরবানির প্রতিবিধান হিসেবে কুরবানির অর্থ দান করার পরামর্শ মূর্থতা, অশ্রাব্য ও দুরভিসন্ধিমূলক।

পরবর্তী পৃষ্ঠাগুলোতে কুরবানি-সংক্রান্ত বেশ কিছু গুরুত্বপূর্ণ মাসআলা আলোচনা হবে। এ মাসআলাগুলো নির্বাচনের সময় আরবি বিভিন্ন কিতাবের পাশাপাশি বিশেষভাবে উর্দু দুটি কিতাব আহকামে কুরবানি এবং মাসায়েলে কুরবানি ও আকিকা সামনে রাখা হয়েছে। প্রথমটি মুফতি মুহাম্মদ শফি রহ.-এর আর দ্বিতীয়টি মুফতি শাব্বির আহমদ কাসেমি দা.বা.-এর। আল্লাহ তায়ালা উভয়কে উত্তম প্রতিদান দান করুন।

কয় দিন কুরবানি করা যায়?

তিন দিন কুরবানি করা যায়। জিলহজের দশ, এগারো ও বারো তারিখ। এর আগেও করা যায় না, পরেও করা যায় না।

وقت الأضحية ثلاثة أيام: العاشر والحادي عشر والثاني عشر؛ أولها أفضلها آخرها أدونها.

১. ফাতাওয়া হিন্দিয়া, ৫/২৯৫; বাদায়েউস সানায়ে, জাকারিয়া, ৪/১৯৮; ফাতাওয়া খানিয়া, ৩/৩৪৫; জাওয়াহিরুল ফিকহ, ১/৪৪৮; আপকে মাসায়েল, ৪/১৮৬; মাসায়েলে কুরবানি ও আকিকা, ১২

কোন দিন কুরবানি করা উত্তম?

জিলহজের দশ তারিখে কুরবানি করা উত্তম। এরপর এগারো, এরপর বারো তারিখ।

يوم النحر إلى آخر أيامه وهي ثلاثة أفضلها أولها ثم الثاني ثم الثالث^১।

রাতে কুরবানি করা

কুরবানির দিনগুলোতে রাতের বেলাও কুরবানি করা যায়। তবে তা মাকরুহে তানজিহি বা অপছন্দনীয়। করলে পর্যাপ্ত আলোর ব্যবস্থা রাখবে, যেন অন্ধকারের কারণে জবাইতে কোনো ত্রুটি থেকে না যায়।

وكره تنزيها الذبح ليلا لاحتمال الغلط^২।

কুরবানি করার সময়

কুরবানি করার সময় মূলত ১০ জিলহজের সোবহে সাদেক থেকে ১২ জিলহজের সূর্যাস্তের আগ পর্যন্ত। তবে যেখানে ঈদের নামাজ হয়, সেখানে ঈদের নামাজের পরেই কুরবানি করতে হবে। আর যে সব প্রত্যন্ত গ্রামে ঈদের নামাজ পড়া বৈধ নয়, সেখানে সোবহে সাদেকের পরপরই কুরবানি করতে পারবে। তবে সেখানেও সূর্যোদয়ের পরই কুরবানি করা উত্তম।

وأول وقتها بعد فجر النحر ... وآخره قبيل غروب اليوم الثالث^৩।

وقت الأضحية يدخل بطلوع الفجر من يوم النحر إلا أنه لا يجوز لأهل الأمصار الذبح حتى يصلي الإمام العيد^৪।

الوقت المستحب للتضحية في حق أهل السواد بعد طلوع الشمس^৫।

১. দূররে মুখতার, করাচি, ৬/৩১৬; দূররে মুখতার, জাকারিয়া, ৯/৪৫৮; ফাতাওয়া তাতারখানিয়া, জাকারিয়া, ১৭/৪১৬; আনহুর, ৪/১৭০; আল-বাহরুর রায়েক, জাকারিয়া, ৯/৩২২

২. দূররে মুখতার, জাকারিয়া, ৯/৪৬৩; ফাতাওয়া হিন্দিয়া, ৫/২৯; আনহুর, ৪/১৭০; ফাতাওয়া খানিয়া, ৩/৩৪৫; বাদায়েউস সানায়ে, জাকারিয়া, ৪/২২৩; ফাতাওয়া মাহমুদিয়া, ডাভেল, ১৭/৪৫৬; জামেউল ফাতাওয়া, ৪/৪৫৮; মাসায়েলে কুরবানি ও আকিকা, ১২

৩. মুলতাকাল আবহুর, ৪/১৬৯

৪. হেদায়া, ৪/৪২৯; দূররে মুখতার, জাকারিয়া, ৯/৪৬০; বাদায়েউস সানায়ে, জাকারিয়া, ৪/১৯৮; ফাতাওয়া হিন্দিয়া, ৫/২৯৫; মাসায়েলে কুরবানি ও আকিকা, ১৪

৫. ফাতাওয়া হিন্দিয়া, ৫/২৯৫

ঈদুল আজহার নামাজের সময়

ঈদুল আজহার নামাজের সময় মূলত ১০ জিলহজের সূর্যোদয়ের আনুমানিক পনেরো মিনিট পর থেকে সূর্য হেলে পড়া পর্যন্ত। এ সময় পড়লে যথাসময়ে আদায় করা হয়েছে বলা হবে। কোনো ওজরের কারণে পরের দিন পড়লে কাজা হবে।

ووقت الصلاة من الارتفاع إلى الزوال ... فإن اشتغل الإمام فلم يصل أو ترك عمدا حتى زالت فقد حل الذبح بغير الصلاة في الأيام كلها؛ لأنه بالزوال فات وقت الصلاة، وإنما يخرج الإمام في اليوم الثاني والثالث على وجه القضاء.^১

ঈদের নামাজের পর খুতবার আগে কুরবানি করা

কেউ ঈদের নামাজের পর খুতবার আগেই কুরবানি করে ফেলল। কুরবানি হয়ে যাবে। তবে এমন করা ভালো নয়। শেষ খুতবার পরই কুরবানি করা উচিত।

وأول وقتها بعد الصلاة إن ذبح في مصر أو بعد أسبق صلاة عيد و لو قبل الخطبة ولكن بعدها أحب. الدر المختار؛ وقال في المنح وعن الحسن: لو ضحى قبل الفراغ من الخطبة فقد أساء.^২

ইমাম ভুলে ওজু ছাড়া ঈদের নামাজ পড়িয়ে ফেললে

ঈদের নামাজ হয়ে গেছে। এরপর জানা গেল, ইমাম সাহেব ভুলে ওজু ছাড়াই নামাজ পড়িয়ে ফেলেছেন। যদি লোকজন ঈদগাহ বা মসজিদ থেকে চলে গিয়ে থাকে, তাহলে আর পুনরায় নামাজ পড়া হবে না। যদি তখনো চলে না গিয়ে থাকে, তাহলে পুনরায় পড়া হবে। কেউ পুনরায় নামাজ পড়ার আগেই কুরবানি করে ফেললে কুরবানি হয়ে যাবে।

تبين أن الإمام صلى بغير طهارة تعاد الصلاة دون الأضحية لأن من العلماء من قال لا يعيد الصلاة إلا الإمام وحده فكان للاجتهاد فيه مساغا؛ وفي المجتبى: إنما تعاد قبل التفرق لا بعده. وفي الشامي: هذا تقييد لا إطلاق المتن وهو وجيه لما في الإعادة بعد التفرق من المشقة.^৩

১. ফাতওয়া শামি, বৈরুত, ৯/৩৮৬; ফাতওয়া শামি, জাকারিয়া, ৯/৪৬১; ফাতওয়া হিন্দিয়া, ১/১৫০; অহতাবি, ৫৩২

২. ফাতওয়া শামি, বৈরুত, ৯/৩৮৫; ফাতওয়া শামি, জাকারিয়া, ৯/৪৬১; ফাতওয়া হিন্দিয়া, ৫/২৯৫

৩. ফাতওয়া শামি, বৈরুত, ৯/৩৮৭; ফাতওয়া শামি, জাকারিয়া, ৯/৪৬১; ফাতওয়া হিন্দিয়া, ৫/২৯৫; বাদায়েউস সানায়ে, জাকারিয়া, ৪/২১২; আল-বাহরুর রায়েক, জাকারিয়া, ৯/৩২২; জামেউল ফাতওয়া, ৪/৩৭৬

ঈদগাহের নামাজের পরই কুরবানি করা যাবে

ঈদগাহে নামাজ হয়ে গেছে। মহল্লার মসজিদে এখনও হয়নি। তবুও কেউ চাইলে কুরবানি করতে পারবে।

وإن ضحى بعد ما فرغ أهل الجبانة قبل أهل المسجد قيل في هذه الصورة يجوز قياسا واستحسانا^১.

যে কোনো এক জায়গায় নামাজ হয়ে গেলেই হবে

শহরের যে কোনো এক জায়গায় ঈদের নামাজ হয়ে গেলেই শহরের সবার জন্য কুরবানি করা বৈধ হয়ে যায়। মহল্লার মসজিদে বা ঈদগাহে ঈদের নামাজ শেষ হওয়া জরুরি নয়।

إن كان يصلي في مصر في موضعين ... إذا صلى أهل أحد المسجدين أيهما كان جاز ذبح الأضاحي^২.

যে শহরে কুরবানি হবে সেখানে নামাজ শেষ হলেই হবে

কোনো ব্যক্তি এক শহরে আছে, কিন্তু তার কুরবানির পশু অন্য শহরে। পশুটি যে শহরে আছে, সেখানে ঈদের নামাজ হলেই কুরবানি করতে পারবে। সে যে শহরে আছে, সেখানে নামাজ শেষ না হলেও কোনো অসুবিধা নেই।

إن الرجل إذا كان في مصر وأهله في مصر آخر فكتب إليه ليضحوا عنه فإنه يعتبر مكان التضحية فينبغي أن يضحوا عنه بعد فراغ الإمام من صلاته في المصر الذي يضحى عنه فيه^৩.

১. ফাতাওয়া তাতারখানিয়া, জাকারিয়া, ১৭/৪১৯; ফাতাওয়া হিন্দিয়া, ৫/২৯৫; দূররে মুখতার, জাকারিয়া, ৯/৪৬০; দূররে মুনতাকা, ৪/১৬৯; বাদায়েউস সানায়ে, জাকারিয়া, ৪/২১২

২. বাদায়েউস সানায়ে, জাকারিয়া, ৪/২১১; আনহুর, ৪/১৭০; দূররে মুখতার, জাকারিয়া, ৯/৪৬০; ফাতাওয়া তাতারখানিয়া, জাকারিয়া, ১৭/৪১৯; ফাতাওয়া হিন্দিয়া, ৫/২৯৫; ফাতাওয়া রহীমিয়া, জাকারিয়া, ১০/৩৯; জামেউল ফাতাওয়া, ৪/৪৫৯; মাসায়েলে কুরবানি ও আকিকা, ১৪

৩. ফাতাওয়া হিন্দিয়া, ৫/২৯৬; বাদায়েউস সানায়ে, জাকারিয়া, ৪/২১৩; ফাতাওয়া তাতারখানিয়া, জাকারিয়া, ১৭/৪২২; ফাতাওয়া ওয়াল ওয়ালিজিয়াহ, ৩/৭৯

কোনো কারণে ঈদের নামাজ পড়া অসম্ভব হলে

কোনো শহরে দাঙ্গা বা কারফিউ কিংবা অন্য কোনো কারণে ঈদের নামাজ পড়া অসম্ভব হলে সূর্য হেলে পড়া পর্যন্ত দেরি করে কুরবানি করা ভালো। তবে কেউ আগে করে ফেললে কুরবানি হয়ে যাবে।

بلدة فيها فتنة فلم يصلوا وضحوا بعد طلوع الفجر جاز في المختار (الدر المختار) لأن
البلدة صارت في هذا الحكم كالسواد وفي التتارخانية وعليه الفتوى^١۔

কোনো কারণে ঈদের নামাজ না পড়া হলে

কোনো ওজর, ধরুন, প্রবল বৃষ্টি ইত্যাদির কারণে ১০ জিলহজ ঈদের নামাজ পড়া যায়নি। এ ক্ষেত্রে ঈদের নামাজের সময় শেষ হওয়ার পর অর্থাৎ সূর্য হেলে পড়ার পর কুরবানি করা যাবে, এর আগে করা যাবে না।

وبعد مضي وقتها لو لم يصلوا لعذر (الدر المختار) وقت الصلاة من الارتفاع
إلى الزوال^২۔

১১ জিলহজ ঈদের নামাজ পড়লে

কোনো ওজরের কারণে ১০ জিলহজের পরিবর্তে ১১ কিংবা ১২ জিলহজ ঈদের নামাজ পড়া হল। এ ক্ষেত্রে নামাজের আগেও কুরবানি করতে পারবে।

و يجوز في الغد وبعده قبل الصلاة^৩۔

গ্রামে সোবহে সাদেকের পরই কুরবানি করা যাবে

যে সব গ্রামে ঈদের নামাজ পড়া বৈধ নয়, সেখানে ঈদের দিন সোবহে সাদেকের পরপরই কুরবানি করা যাবে। এমনকি গ্রামের কিছু লোক ঈদের নামাজ পড়ার

১. দুররে মুখতার, বৈরুত, ৯/৩৮৭; দুররে মুখতার, জাকারিয়া, ৯/৪৬২; ফাতাওয়া হিন্দিয়া, ১/২৯৫; আল-বাহরুর রায়েক, জাকারিয়া, ৯/৩২২; বাদায়েউস সানায়ে, জাকারিয়া, ৪/২১৩

২. দুররে মুখতার, বৈরুত, ৯/৩৮৬; দুররে মুখতার, জাকারিয়া, ৯/৪৬১; বাদায়েউস সানায়ে, জাকারিয়া, ৪/২১৩; আল-বাহরুর রায়েক, জাকারিয়া, ৯/৩২২; ফাতাওয়া হিন্দিয়া, ৫/২৯৫; জামেউল ফাতাওয়া, ৪/৩৭৫; মাসায়েলে কুরবানি ও আকিকা, ১০

৩. ফাতাওয়া শামি, বৈরুত, ৯/৩৮৬; ফাতাওয়া শামি, জাকারিয়া, ৯/৪৬১; আল-বাহরুর রায়েক, জাকারিয়া, ৯/৩২২; ফাতাওয়া হিন্দিয়া, ৫/২৯৫; ফাতাওয়া তাতারখানিয়া, জাকারিয়া, ১৭/৪১৮; দুররে মুনতাকা, বৈরুত, ৪/১৬৯

জন্য শহরে গেলে তাদের ফিরে আসার আগেই বাড়ির লোকজন কুরবানি করতে পারবে, কোনো অসুবিধা নেই।

لو أن رجلا في أهل السواد دخل مصر لصلاة الأضحى وأمر أهله أن يضحوا عنه جاز أن يذبحوا عنه بعد طلوع الفجر^١.

কুরবানির পশু গ্রামে পাঠিয়ে দিলে

শহরের কোনো ব্যক্তি তার কুরবানির পশু গ্রামে পাঠিয়ে দিল কিংবা ওখান থেকে কিনে ওখানেই রেখে দিল। এ ক্ষেত্রে তার কুরবানিও সোবহে সাদেকের পরপরই করা যাবে। শহরের নামাজ শেষ হওয়ার অপেক্ষা করতে হবে না।

حيلة: مصري أراد التعجيل أن يخرجها خارج مصر فيضحى بها إذا طلع الفجر^٢.
والمعتبر مكان الأضحى لو كانت في السواد و المضحى في مصر جازت قبل الصلاة^٣.

অন্য শহরে পশুর দাম কম হওয়ায় সেখানে কুরবানি দেওয়া

অন্য শহরে পশুর দাম কম। তাই কেউ নিজ শহরে কুরবানি না করে ওখানে করতে চাচ্ছে। এমন করা যাবে। কোনো অসুবিধা নেই। তবে মনে রাখতে হবে, ইবাদতের ক্ষেত্রে যত বেশি অর্থ খরচ করা হয়, সওয়াবও তত বেশি হয়।

سبعة من الرجال اشتروا بقرة بخمسين درهما للأضحى و سبعة آخرون اشتروا سبع شياه بمائة درهم تكلموا أن الأفضل هو الأول أو الثاني ؟ و المختار أن الأفضل هو الثاني^٤.

১. ফাতাওয়া হিন্দিয়া, ৫/২৯৬; ফাতাওয়া তাতারখানিয়া, জাকারিয়া, ১৭/৪২২; ফাতাওয়া ওয়াল ওয়ালিজিয়াহ: ৩/৭৯

২. দুররে মুখতার, জাকারিয়া, ৯/৪৬১; আনহুর, ৪/১৭০; আল-বাহরুর রায়েক, জাকারিয়া, ৯/৩২১; ফাতাওয়া হিন্দিয়া, ৫/২৯৬; হেদায়া, ৪/৪৩০; ফাতাওয়া তাতারখানিয়া, জাকারিয়া, ১৭/৪২২;

ফাতাওয়া ওয়াল ওয়ালিজিয়াহ, ৩/৭৯; ফাতাওয়া মাহমুদিয়া, ১৭/৪৫২; ফাতাওয়া রহিমিয়া, ১০/৪০

৩. ফাতাওয়া শামি, জাকারিয়া, ৯/৪৬১; আনহুর, ৪/১৭০; বাদায়েউস সানায়ে, জাকারিয়া, ৪/২১৩; হেদায়া, ৪/৪৩০; মাসায়েলে কুরবানি, ৭১৪

৪. ফাতাওয়া হিন্দিয়া, ৫/২৯৯; ফাতাওয়া খানিয়া, ৩/৩৪৯; ফাতাওয়া শামি, জাকারিয়া, ৯/৪৬৬;

ফাতাওয়া ওয়াল ওয়ালিজিয়াহ, ৩/৮১; ফাতাওয়া মাহমুদিয়া, ডাভেল, ১৭/৩৫৫; কিতাবুল ফাতাওয়া, ৪/৪৩৯; জামেউল ফাতাওয়া, ৪/৪১৯; মাসায়েলে কুরবানি ও আকিকা, ২২

লোকদেখানোর জন্য দামি পশু ক্রয় করা

আজকাল কিছু লোক শুধু মানুষকে দেখানোর জন্য দামি পশু ক্রয় করে। অন্যদের কাছে তা বলেও বেড়ায়। এ ধরনের লোকদেখানো আমল করে সওয়াবের আশা করা প্রতারণা ছাড়া আর কী! আল্লাহ তায়ালা সেই আমলই কবুল করেন, যা একমাত্র তাঁর সম্ভ্রষ্ট লাভের উদ্দেশ্যে করা হয়। লোকদেখানোর উদ্দেশ্যে কুরবানি করা হলে আল্লাহর কাছে এর কোনো মূল্য নেই—হোক তা অনেক মূল্যবান। আল্লাহ তায়ালা বলেন,

لَنْ يَنَالَ اللَّهُ لُحُومُهَا وَلَا دِمَآؤُهَا وَلَكِنْ يَنَالُهُ التَّقْوَىٰ مِنْكُمْ ۚ

আল্লাহর কাছে পশুর গোশত, রক্ত কিছুই পৌঁছয় না। তাঁর কাছে পৌঁছয় কেবল তোমাদের তাকওয়া—আল্লাহভীতি ও ইখলাস।^১

কুরবানি ওয়াজিব হওয়ার শর্ত

কুরবানি করা ওয়াজিব। তবে এর জন্য কিছু শর্ত রয়েছে। যাদের মধ্যে এ শর্তগুলো পাওয়া যাবে, কেবল তাদের উপরই কুরবানি করা ওয়াজিব হবে।

এক. স্বাধীন হওয়া।

দুই. মুসলমান হওয়া।

তিন. কুরবানির দিনগুলোতে মুকিম হওয়া, মুসাফির না হওয়া।

চার. কুরবানির দিনগুলোতে মৌলিক প্রয়োজনের অতিরিক্ত জাকাতের নেসাব পরিমাণ যে কোনো সম্পদ—নগদ টাকা, সোনা-রূপার অলংকার কিংবা ব্যবসার পণ্য ইত্যাদির মালিক হওয়া।

২(নেসাব হল, কুরবানির দিনগুলোতে জীবনযাপনের মৌলিক প্রয়োজনের অতিরিক্ত সাড়ে সাত তোলা স্বর্ণ অথবা সাড়ে বায়ান্ন তোলা রূপার সমমূল্যের সম্পদ থাকা। সে ক্ষেত্রে কারও কাছে স্বর্ণ-রূপা নেসাবের চেয়ে কম থাকলে এবং একই সাথে অন্য কোনো সম্পদ বা অর্থ থাকলে উভয়টি মিলে যদি রূপার নেসাব পরিমাণ হয় কিংবা কিছু স্বর্ণ ও কিছু রূপা মিলেও যদি রূপার নেসাব পরিমাণ হয়, এ ক্ষেত্রেও কুরবানি আবশ্যিক হবে।

১. সূরা হজ : ৩৭

২. প্রথম বন্ধনীতে উল্লেখিত রচনা-অংশ সম্পাদকের পক্ষ থেকে সংযোজিত।

উল্লেখ্য, কুরবানি একটি ইবাদত। আর হারাম অর্থ দিয়ে আদায়কৃত ইবাদত গ্রহণযোগ্য নয়। তাই সম্পূর্ণ হালাল অর্থ দিয়ে কুরবানি করতে হবে। শরিকে কুরবানি করলে সকল শরিকের অর্থ হালাল হতে হবে। উল্লেখ্য, দান বা উপহারপ্রাপ্ত পশু দিয়েও কুরবানি করা যাবে।)

وإنما تجب على حر مسلم مقيم موسر^١.

وشرائطها : الإسلام و الإقامة و اليسار الذي يتعلق به وجوب صدقة الفطر .
(الدرالمختار) بأن ملك مأتى درهم أو عرضا يساويها^٢

কুরবানি ওয়াজিব হওয়ার সময়

কুরবানি ওয়াজিব হওয়ার সময় জিলহজের ১০, ১১ ও ১২ তারিখ। এ তিন দিনের যে কোনো দিন কারও মাঝে কুরবানি ওয়াজিব হওয়ার শর্ত পাওয়া গেলে তার উপর কুরবানি ওয়াজিব হবে। এ সময়ের আগে পাওয়া গেলেও ওয়াজিব হবে না, পরে হলেও না।

وأما وقت الوجوب في أيام النهر فلا تجب قبل دخول الوقت^٣....

কোন দেশের তারিখ ধরা হবে?

কোনো ব্যক্তি এক দেশে থেকে অন্য দেশের কাউকে তার পক্ষ থেকে কুরবানি করার জন্য উকিল বানাল। এ ক্ষেত্রে কুরবানি করার সময় পশু যেখানে থাকবে, সেখানকার সময় ধরা হবে। শহরে থাকলে ঈদগাহ বা মসজিদের নামাজ শেষ হওয়ার পর। গ্রামে থাকলে সোবহে সাদেকের পরপরই পারবে। কিন্তু তারিখের ক্ষেত্রে যার পক্ষ থেকে কুরবানি দেওয়া হচ্ছে, সে যে দেশে আছে সে দেশের তারিখের সোবহে সাদেক হতে হবে। কেননা, ১০ জিলহজ সোবহে সাদেকের সময় সামর্থ্যবান থাকাটাই কারও উপর কুরবানি ওয়াজিব হওয়ার কারণ। অতএব এ সময়টি আসার আগে তার উপর কুরবানি ওয়াজিবই হয়নি। আদায় করলে

১. আনহুর, ৪/১৬৬

২. দূররে মুখতার, জাকারিয়া, ৯/৪৫২; বাদায়েউস সানায়ে, জাকারিয়া, ৪/১৯৫; ফাতাওয়া হিন্দিয়া, ৫/২৯২; ফাতাওয়া তাতারখানিয়া, ৩/৩৪৪; আপকে মাসায়েল, ৪/১৭৩; জাওয়াহেরুল ফিকহ, ১/৪৪৮; তোহফায়ে রমজান, ১০৬; মাসায়েলে কুরবানি ও আকিকা, ১৩

৩. বাদায়েউস সানায়ে, ৪/১৭৮; দূররে মুখতার, জাকারিয়া, ৯/৪৫৩; ফাতহুল কাদির, জাকারিয়া, ৯/৫১৯; আল-বাহরুর রায়েক, জাকারিয়া, ৯/৩১৭; ফাতাওয়া তাতারখানিয়া, জাকারিয়া, ১৭/৪০৪

আদায় হবে কীভাবে? উদাহরণত, কেউ বাংলাদেশে থেকে সৌদি আরবে অবস্থানরত একজনকে তার পক্ষ থেকে কুরবানি করার জন্য উকিল বানাল। এ ক্ষেত্রে ভারতে যতক্ষণ পর্যন্ত ১০ জিলহজের সোবহে সাদেক না হবে, ততক্ষণ পর্যন্ত সৌদি আরবে তার পক্ষ থেকে কুরবানি করা যাবে না। হ্যাঁ, বাংলাদেশে ১০ জিলহজ হয়ে গেলে সৌদি আরবের যে শহরে কুরবানি করবে, সেখানকার ঈদের নামাজের পর করলেই হবে। এ ক্ষেত্রে বাংলাদেশের সময় দেখা হবে না। আর যদি কেউ সৌদি আরব থেকে বাংলাদেশে অবস্থানরত কাউকে কুরবানি করার জন্য উকিল বানায়, তাহলে সৌদি আরবে যেহেতু এক দিন আগেই ১০ জিলহজ হয়ে যায়, তাই এ ক্ষেত্রে ভারতে ১০ জিলহজ ঈদের নামাজের পরপরই কুরবানি করে ফেলতে পারবে। কারণ, কুরবানিদাতার উপর এক দিন আগেই কুরবানি ওয়াজিব হয়ে গেছে। ফোকাহায়ে কেরামের এ সংক্রান্ত সমস্ত আলোচনা অধ্যয়ন করে এই বিষয়টিই অগ্রগণ্য মনে হয়, যা উপরে উল্লেখ করা হল। যারা এর বিপরীত বলেছেন, তাদের কথা এ ক্ষেত্রে সঠিক নয়।

إن سبب وجوب الأضحية الوقت وهو أيام النحر والغنى شرط الوجوب^১.

ويعتبر مكان المذبح لا مكان المالك^২.

وأما وقت الوجوب فأيام النحر فلا تجب قبل دخول الوقت؛ لأن الواجبات المؤقتة لا تجب قبل أوقاتها كالصلاة والصوم ونحوهما، وأيام النحر ثلاثة : يوم الأضحى - وهو اليوم العاشر من ذي الحجة - والحادي عشر، والثاني عشر^৩.

وأما شرائط أدائها فمنها الوقت في حق المصري بعد صلاة الإمام والمعتبر مكان الأضحية لا مكان المضحي وسببها طلوع فجر يوم النحر^৪.

الدليل على سببية الوقت امتناع التقديم عليه كامتناع تقديم الصلاة وإنما لم تجب على الفقير لفقد الشرط وهو الغنى وإن وجد السبب^৫.

১. ফাতহুল কাদির, জাকারিয়া, ৯/৫১৯

২. তাতারখানিয়া, ৩/৩৪৫

৩. বাদায়েউস সানায়ে, ৪/১৯৮

৪. আল-বাহরুর রায়েক, করাচি, ৮/১৭৩; আনওয়ারে রহমত, ৩৯১

৫. ফাতাওয়া শামি, বৈরুত, ৯/৩৭৯; ফাতাওয়া শামি, জাকারিয়া, ৯/৪৫৯

কুরবানির দিন আসার আগেই গরিব হয়ে গেলে

সামর্থ্যবান কোনো ব্যক্তি কুরবানির বেশ কিছু দিন আগেই কুরবানির পশু ক্রয় করেছে। কিন্তু কুরবানির দিন আসার আগেই তার পশুটি মারা গেছে বা হারিয়ে গেছে। কোনো কারণে সে নিজেও নিঃস্ব হয়ে গেছে। কুরবানির দিন তার কাছে নেসাব পরিমাণ সম্পদও নেই। এ ক্ষেত্রে তার উপর কুরবানি ওয়াজিব হবে না।

لا إن ارتد أو أعسر أو سافر في آخره^১.

ولو اشترى الموسر شاة للأضحية فضاعت حتى انتقص نصابه و صار فقيرا فجاءت أيام النحر فليس عليه أن يشتري شاة أخرى^২.

কুরবানির দিন সামর্থ্যবান হয়ে গেলে

কেউ গরিব ছিল, কিন্তু কুরবানির তিন দিনের কোনো এক দিন সামর্থ্যবান হয়ে গেল। এ ক্ষেত্রে তার উপর কুরবানি করা ওয়াজিব হবে।

وعليه يتخرج ما إذا صار أهلا للوجوب في آخره بأن أسلم أو أعتق أو أيسر أو أقام تلزمه^৩.

ولا يشترط أن يكون غنيا في جميع الوقت حتى لو كان فقيرا في أول الوقت ثم أيسر في آخره تجب عليه^৪.

কুরবানি করার পর সামর্থ্যবান হলে

কুরবানি ওয়াজিব নয় এমন কেউ কুরবানি করল। কুরবানি করার পর হঠাৎ সে সামর্থ্যবান হয়ে গেল। এ ক্ষেত্রে তাকে আবার কুরবানি করতে হবে। কারণ, আগের কুরবানিটি ছিল নফল। তখন তার উপর তা ওয়াজিবই হয়নি।

ولو ضحى الفقير ثم أيسر في آخره عليه الإعادة في الصحيح^৫.

১. ফাতাওয়া শামি, জাকারিয়া, ৯/৪৫৮; ফাতাওয়া শামি, করাচি, ৬/৩১৬

২. ফাতাওয়া হিন্দিয়া, ৫/২৯২; জামেউল ফাতাওয়া, ৪/৩৮৬

৩. ফাতাওয়া শামি, জাকারিয়া, ৯/৪৫৮; ফাতাওয়া শামি, করাচি, ৬/৩১৬; ফাতাওয়া হিন্দিয়া, ৫/২৯৩

৪. ফাতাওয়া হিন্দিয়া, ৫/২৯২; জামেউল ফাতাওয়া, ৪/৩৯২

৫. ফাতাওয়া শামি, জাকারিয়া, ৯/৪৫৮; ফাতাওয়া শামি, করাচি, ৬/৩১৬; ফাতাওয়া তাতারখানিয়া, জাকারিয়া, ১৭/৪১৪; ফাতাওয়া হিন্দিয়া, ৫/২৯৩

সামর্থ্যবান ব্যক্তির কুরবানির পশু হারিয়ে গেলে

কুরবানি ওয়াজিব এমন কেউ কুরবানি করার জন্য পশু ক্রয় করল। কিন্তু কুরবানি করার আগেই পশুটি হারিয়ে গেল। তাকে আরেকটি পশু ক্রয় করে কুরবানি করতে হবে।

أن المنذورة لو هلكت أو ضاعت تسقط التضحية بسبب النذر غير أنه إن كان موسراً تلزمه أخرى بإيجاب الشرع ابتداءً.

সামর্থ্যবান ব্যক্তির কুরবানির পশু মারা গেলে

সামর্থ্যবান কোনো ব্যক্তি কুরবানি করার জন্য পশু ক্রয় করল। কিন্তু কুরবানি করার আগেই পশুটি মারা গেল। তাকে আরেকটি পশু ক্রয় করে কুরবানি করতে হবে।

وكذا لو ماتت فعلى الغني غيرها للفقير.

সামর্থ্যবান ব্যক্তির কুরবানির পশু বাচ্চা প্রসব করলে

সামর্থ্যবান কোনো ব্যক্তি কুরবানি করার জন্য পশু ক্রয় করল। কুরবানির আগে পশুটি বাচ্চা দিল। এ ক্ষেত্রে সেই বাচ্চাটি কুরবানি করা তার উপর আবশ্যিক নয়।

أما في الموسر فلا يلزمه ذبح الولد يوم الأضحى فإن ذبح الولد يوم الأضحى قبل الأم أو بعدها جاز؛ ولو لم يذبحه وتصدق به حيا جاز.

^৪(কুরবানির পশু জবাই করার পর এর পেটে জীবিত বাচ্চা পাওয়া গেলে তাকেও জবেহ করে দেবে এবং এর গোশতও খেতে পারবে। সদকাও করতে পারবে। আর কুরবানির পশু খরিদ করার পর জবাইয়ের আগে এর বাচ্চা হলে উক্ত

১. ফাতাওয়া শামি, জাকারিয়া, ৯/৪৭১; জামেউল ফাতাওয়া, ৪/৪১১; মাজমাউল আনহর, বৈরুত, ৪/১৭৩; বাদায়েউস সানায়ে, জাকারিয়া, ৪/২১৬; ফাতাওয়া হিন্দিয়া, ৫/২৯৯

২. দুররে মুখতার, বৈরুত, ৯/৩৯৪; দুররে মুখতার, জাকারিয়া, ৯/৪৭১; মাজমাউল আনহর, বৈরুত, ৪/১৭৩; বাদায়েউস সানায়ে, জাকারিয়া, ৪/৪১৬; ফাতাওয়া হিন্দিয়া, ৫/২৯৯

৩. ফাতাওয়া হিন্দিয়া, ৫/৩০১; দুররে মুখতার, জাকারিয়া, ৯/৪৬৭; দুররে মুখতার, করাচি, ৬/৩২৩; ফাতাওয়া বাজজাজিয়াহ, ৬/২৯৪

৪. প্রথম বন্ধনীতে উল্লেখিত রচনা-অংশ সম্পাদকের পক্ষ থেকে সংযোজিত।

বাচ্চাকে জীবিত সদকা করে দেবে। কিন্তু যদি জবাই করে এর গোশত খেয়ে ফেলে, তবে বাচ্চাটির মূল্য সদকা করে দিতে হবে।^{১)}

সামর্থ্যবান ব্যক্তি পশু পরিবর্তন করতে পারবে

সামর্থ্যবান কোনো ব্যক্তি কুরবানি করার জন্য পশু ক্রয় করল। সে চাইলে সেই পশুর পরিবর্তে অন্য পশু দিয়েও কুরবানি করতে পারে। কারণ, সামর্থ্যবান ব্যক্তি কুরবানির উদ্দেশ্যে পশু ক্রয় করলে তা কুরবানির জন্য নির্ধারিত হয়ে যায় না।

وأما الذي يجب على الفقير دون الغني فالمشترى للأضحية إذا كان المشتري فقيرا بأن اشترى فقير شاة ينوي أن يضحي بها وإن كان غنيا لا تجب عليه بشراء شيء^{২)}.

কুরবানি করা আবশ্যিক হয়ে যায়

সামর্থ্যহীন কোনো ব্যক্তি কুরবানির নিয়তে কোনো পশু ক্রয় করল। এ ক্ষেত্রে ঠিক সেই পশুটি কুরবানি করা তার উপর আবশ্যিক হয়ে যাবে।

وإن كان فقيرا أجزأه ذلك لأنها إنما تعينت بالشراء في حقه^{৩)}.

هل تصير الأضحية واجبة بالشراء بنية الأضحية ... إن كان المشتري فقيرا ...
تصير واجبة^{৪)}.

সামর্থ্যহীন ব্যক্তির কুরবানির পশু হারিয়ে গেলে

কুরবানি ওয়াজিব নয় এমন কোনো ব্যক্তি কুরবানি করার নিয়তে পশু ক্রয় করল। কিন্তু কুরবানি করার আগেই পশুটি হারিয়ে গেল। তাহলে তার উপর আরেকটি পশু ক্রয় করে কুরবানি করা আবশ্যিক হবে না।

১ খুলাসাতুল ফাতাওয়া ৪/৩২২, আল-মুহিতুল বুরহানি, ৮/৪৭১, ফাতাওয়া হিন্দিয়া ৫/৩০১, রদুল মুহতার ৬/৬২২
২. ফাতাওয়া হিন্দিয়া, ৫/২৯১; আল-বাহরুর রায়েক, জাকারিয়া, ৯/৩২০; ফাতাওয়া তাতারখানিয়া, জাকারিয়া, ১৭/৪১১; ফাতাওয়া ওয়াল ওয়ালিজিয়াহ : ৩/৮২; আল-মুহিতুল বুরহানি, ৮/৪৫৯; আহসানুল ফাতাওয়া, ৪/৪৮৮; মাসায়েলে কুরবানি ও আকিকা, ২৭
৩ ফাতাওয়া শামি, জাকারিয়া, ৯/৪৭১; ফাতাওয়া শামি, করাচি, ৬/৩২৫
৪. ফাতাওয়া তাতারখানিয়া, জাকারিয়া, ১৭/৪১১; ফাতাওয়া হিন্দিয়া, ৫/২৯১; ফাতাওয়া মাহমুদিয়া, ডাভেল, ১৭/৩১৫

لو اشترى شاة للأضحية وهو معسر... ثم ضلت فلا شيء عليه ولا يجب عليه شيء آخر.^٧

সামর্থ্যহীন ব্যক্তির কুরবানির পশু মারা গেলে

সামর্থ্যহীন কোনো ব্যক্তি কুরবানি করার উদ্দেশ্যে পশু ক্রয় করল কিংবা কোনো পশু কুরবানি করার মান্নত করল। কিন্তু কুরবানি করার আগেই পশুটি মারা গেল। এ ক্ষেত্রে তার উপর আরেকটি পশু ক্রয় করে কুরবানি করা আবশ্যিক হবে না।

وكذا لو ماتت فعلى الغني غيرها للفقير.^٨

সামর্থ্যহীন ব্যক্তির কুরবানির পশু বাচ্চা প্রসব করলে

সামর্থ্যহীন কোনো ব্যক্তি কুরবানি করার জন্য একটি পশু নির্ধারণ করল। কুরবানি করার আগে সেই পশুটি বাচ্চা দিল। সেই বাচ্চাটিও কুরবানি করতে হবে। তবে বাচ্চার গোশত নিজেরা খেতে পারবে না। পুরোটা সদকা করে দিতে হবে।

ولدت الأضحية ولدا قبل الذبح يذبح الولد معها فإن خرج من بطنها حيا فالعامة أنه يفعل به ما يفعل بالأم إلا أنه لا يأكل منه بل يتصدق به.^٩

সামর্থ্যহীন ব্যক্তি পশু পরিবর্তন করতে পারবে না

সামর্থ্যহীন ব্যক্তি কুরবানি করার জন্য একটি পশু নির্ধারণ করল। এ ক্ষেত্রে সেই পশুটিই কুরবানি করতে হবে। এর পরিবর্তে অন্য কোনো পশু কুরবানি করতে পারবে না।

أما الذي يجب على الفقير دون الغني فالمشترى للأضحية.^{١٠}

-
১. বাদায়েউস সানায়ে, জাকারিয়া, ৪/২০০; ফাতাওয়া হিন্দিয়া, ৫/২৯৯; ফাতাওয়া তাতারখানিয়া, জাকারিয়া, ১৭/৪১৩; তাবয়িনুল হাকায়েক, জাকারিয়া, ৬/৪৮২; জামেউল ফাতাওয়া, ৪/৪১২
 ২. দূররে মুখতার, বৈরুত, ৯/৩৯৪; দূররে মুখতার, জাকারিয়া, ৯/৪৭১; ফাতাওয়া হিন্দিয়া, ৫/২৯৯; তাবয়িনুল হাকায়েক, জাকারিয়া, ৬/৪৮২
 ৩. দূররে মুখতার, জাকারিয়া, ৯/৪৬৭; দূররে মুখতার, করাচি, ৬/৩২২; ফাতাওয়া হিন্দিয়া, ৫/৩০২; ফাতাওয়া তাতারখানিয়া, ৬/২৯৪; জাওয়াহেরুল ফিকহ, ১/১৫১; আপকে মাসায়েল, ৪/১৯৩
 ৪. ফাতাওয়া হিন্দিয়া, ৫/২৯১; আল-বাহরুর রায়েক, জাকারিয়া, ৯/৩২০; ফাতাওয়া তাতারখানিয়া, জাকারিয়া, ১৭/৪১১; ফাতাওয়া ওয়াল ওয়ালিজিয়াহ, ৩/৮২; আল-মুহিতুল বুরহানি, ৮/৪৫৯; আহসানুল ফাতাওয়া, ৪/৪৮৮; জামেউল ফাতাওয়া, ৪/৩৮৯; মাসায়েলে কুরবানি ও আকিকা, ২৭

হারিয়ে যাওয়ার পর পাওয়া গেলে

সামর্থ্যবান ব্যক্তির কুরবানির পশু হারিয়ে যাওয়ার পর পাওয়া গেলে ঠিক সেই পশুটিই কুরবানি করা জরুরি নয়। ওটাও করতে পারে। ওটা রেখে অন্য কোনোটাও করতে পারে। কিন্তু সামর্থ্যহীন কারও কুরবানির পশু হারিয়ে যাওয়ার পর পাওয়া গেলে ঠিক সেই পশুটিই কুরবানি করতে হবে। ওটা রেখে অন্যটা করলে হবে না। যদি হারিয়ে যাওয়ার পর আরেকটি পশু কেনে, এরপর প্রথমটিও ফিরে পায়—এ ক্ষেত্রে উভয়টি কুরবানি করতে হবে।

ولو ضلت أو سرت فشرى أخرى فظهرت فعلى الغني إحداهما.^১
ولو كان معسرا فاشترى شاة وأوجبها ثم وجد الأولى قالوا عليه أن يضحي بهما.^২

অপ্রাপ্তবয়স্ক ও পাগলের কুরবানি

অপ্রাপ্তবয়স্ক ও পাগলের উপর কুরবানি করা ওয়াজিব নয়—হোক তারা সম্পদশালী। তাদের পক্ষ থেকে তাদের অভিভাবকদের উপরও কুরবানি করা জরুরি নয়। যদি তবুও করে, তাহলে ভালো।

وأما البلوغ والعقل فليس من شرائط الوجوب في قولهما وعند محمد من الشرائط حتى لا تجب الأضحية في مالهما لو موسرين.^৩
لا تجب الأضحية في مال المجنون.^৪
والأصح أنه لا يجب ذلك وليس له أن يفعل من ماله ... والمجنون في هذا بمنزلة الصبي.^৫
ويستحب عن أولاده الصغار وعن ممتلكاته ويكون قربة.^৬

-
১. দূররে মুখতার, জাকারিয়া, ৯/৪৭১; ফাতাওয়া হিন্দিয়া, ৫/২৯৪; ফাতাওয়া তাতারখানিয়া, জাকারিয়া, ১৭/৪১৩; বাদায়েউস সানায়ে, জাকারিয়া, ৪/১৯৯; আপকে মাসায়েল, ৪/১৯৩
 ২. ফাতাওয়া তাতারখানিয়া, জাকারিয়া, ১৭/৪১৩; ফাতাওয়া হিন্দিয়া, ৫/২৯৪; দূররে মুখতার, জাকারিয়া, ৮/৪৭১; দূররে মুনতাকা, ৪/১৭২; আপকে মাসায়েল, ৪/১৯৩; ফাতাওয়া মাহমুদিয়া, ১৭/৩১৪
 ৩. ফাতাওয়া শামি, জাকারিয়া, ৯/৪৫৮; ফাতাওয়া শামি, করাচি, ৬/৩১৬
 ৪. ফাতাওয়া তাতারখানিয়া, জাকারিয়া, ১৭/৪০৯
 ৫. ফাতাওয়া হিন্দিয়া, ৫/২৯৩; ফাতাওয়া তাতারখানিয়া, ৫/২৯৩
 ৬. ফাতাওয়া তাতারখানিয়া, জাকারিয়া, ১৭/৪০৭; আহসানুল ফাতাওয়া, ৭/৪৯৭; জামেউল ফাতাওয়া, ৪/১৩২

পাওনা ঋণের কুরবানি^১

কারও প্রয়োজনের অতিরিক্ত নেসাব পরিমাণ সম্পদ থাকলে এবং হাতে নগদ টাকা না থাকলে, বরং কারও কাছে ঋণস্বরূপ থাকলে করণীয় হল :—যার কাছ থেকে ঋণ পাওনা আছে, তার কাছ থেকে এ পরিমাণ টাকা ফেরত চাওয়া, যা দিয়ে কুরবানি করা যায়। যদি তিনি তা দেন, তাহলে তা দিয়ে কুরবানি করা ওয়াজিব হবে। আর যদি তিনি তা না দেন আর কোনো জায়গা থেকে কুরবানির সমপরিমাণ টাকা হস্তগতও না হয়, তাহলে কুরবানির শেষ সময় পর্যন্ত অপেক্ষা করতে হবে। শেষ পর্যন্ত যদি কুরবানি দেওয়ার মত কোনো সম্পদ হাতে না আসে, তাহলে ধার নিয়ে কুরবানি করা আবশ্যিক হবে না। তদ্রূপ কারও যদি অনেক সম্পদ থাকে, কিন্তু নিজের হাতে না থাকে, বরং শরিকের কাছে থাকে, এমতাবস্থায় তার হাতে কুরবানির পণ্ড কেনার মতো নগদ সম্পদ না থাকলে কুরবানি আবশ্যিক হবে না।^২

পরিবারের সদস্যদের পক্ষ থেকে কুরবানি করা

পরিবারের কর্তা—উদাহরণত, বাবা—প্রতি বছর পরিবারের ছোট-বড় সকল সদস্যদের পক্ষ থেকে কুরবানি দেন। এ ক্ষেত্রে সবার পক্ষ থেকেই কুরবানি হয়ে যাবে। সবার কাছ থেকে অনুমতি নেওয়া হোক বা না হোক।

لو ضحى عن أولاده الكبار و زوجته لا يجوز إلا بإذنهم، وعن الثاني أنه يجوز استحسانا بلا إذنهم ... و لعله ذهب إلى أن العادة إذا جرت من الأب في كل سنة صار كالإذن منهم.^৩

১. ‘পাওনা ঋণের কুরবানি’ এই শিরোনামের অধীনে উল্লেখিত রচনা-অংশ সম্পাদকের পক্ষ থেকে সংযোজিত।

২. বাদায়েউস সানায়ে ৪/১৯৬; ফাতাওয়া বাজজাজিয়াহ ৬/২৮৬; ফাতাওয়া তাতারখানিয়া ১৭/৪৬৪; ফাতাওয়া হিন্দিয়া ৫/৩০৭; রদ্দুল মুহতার ৬/৩১৬; ফাতাওয়ায়ে আলমগিরি, ৫/৩৫৫

৩. ফাতাওয়া শামি, জাকারিয়া, ৯/৪৫৭; ফাতাওয়া তাতারখানিয়া, জাকারিয়া, ১৭/৪৪৪; ফাতাওয়া শামি, করাচি, ৬/৩১৫; মাসায়েলে কুরবানি ও আকিকা, ৩৭; আল-মুহিতুল বুরহানি, ৮/৪৭৩; ফাতাওয়া বাজজাজিয়াহ, ৬/২৯৫

কুরবানি করার পূর্বে ইন্তেকাল করলে

সামর্থ্যবান ব্যক্তি কুরবানির দিনগুলোতে কুরবানি করার পূর্বেই ইন্তেকাল করল। এ ক্ষেত্রে তার উপর থেকে কুরবানি করার হুকুম উঠে যাবে। অতএব তার উপর মৃত্যুর পূর্বে কুরবানি করার ওসিয়ত করা জরুরি নয় এবং অভিভাবকদের উপরও তার পক্ষ থেকে কুরবানি করা জরুরি নয়।

لو كان موسرا في أيام النهر فلم يذبح حتى مات قبل أيام النحر سقطت عنه الأضحية حتى لا يجب عليه الإيضاء.^১

কুরবানির দিনগুলো পার হওয়ার পর ইন্তেকাল করলে

সামর্থ্যবান কোনো ব্যক্তি কুরবানির দিনগুলোতে কুরবানি দেয়নি। কুরবানির দিনগুলো পার হওয়ার পর সে ইন্তেকাল করল। এ ক্ষেত্রে তার পক্ষ থেকে একটি ছাগল বা এর মূল্য সদকা করার ওসিয়ত করে যাওয়া তার উপর কর্তব্য হবে।

ولو مات بعد مضي أيام النحر لم يسقط التصديق بقيمة الشاة حتى يلزمه الإيضاء به.^২

কোনো শরিক ইন্তেকাল করলে

কুরবানির পশুর কোনো শরিক কুরবানির পূর্বে ইন্তেকাল করল। তার ওয়ারিশরা সবাই প্রাপ্তবয়স্ক ও সুস্থ মস্তিষ্কসম্পন্ন। তারা সবাই তার পক্ষ থেকে কুরবানি করার অনুমতি দিল। এ ক্ষেত্রে কুরবানি করা যাবে। যদি ওয়ারিশদের কেউ অপ্রাপ্তবয়স্ক কিংবা পাগল হয় অথবা তাদের কেউ অনুমতি না দেয়, তাহলে তার পক্ষ থেকে কুরবানি করা যাবে না। অন্যান্য শরিকদের উপর কর্তব্য হবে, তার অংশের টাকা তার ওয়ারিশদেরকে ফেরত দেওয়া। যদি তারা না করে, তাহলে তাদের কারও কুরবানিই হবে না। তারা চাইলে মৃত ব্যক্তির স্থলে নতুন কাউকে শরিক করে নিতে পারবে।

১. ফাতাওয়া হিন্দিয়া, ৫/২৯৩-২৯৭; ফাতাওয়া তাতারখানিয়া, ৩/৩৪৭; আল-মুহিতুল বুরহানি, ৮/৪৫৭; বাদায়েউস সানায়ে, জাকারিয়া, ৪/২০৩; মাসায়েলে কুরবানি ও আকিকা, ৩০

২. ফাতাওয়া হিন্দিয়া, ৫/২৯৩; ফাতাওয়া তাতারখানিয়া, ৩/৩৪৭; আল-মুহিতুল বুরহানি, ৮/৪৫৭; বাদায়েউস সানায়ে, জাকারিয়া, ৪/২০৩; মাসায়েলে কুরবানি ও আকিকা, ৩০

وإن مات أحد السبعة المشتركين في البدنة وقال الورثة اذبحوا عنه و عنكم
صح عن الكل استحسانا لقصد القرية من الكل و لو ذبحوها بلا إذن الورثة لم
يجزهم لأن بعضها لم يقع قرية^٥.

মৃত ব্যক্তির নামে কুরবানি করা

কেউ তার মৃত আত্মীয়ের নামে নফল কুরবানি করতে চাইলে করতে পারে।
কোনো অসুবিধা নেই। এর গোশত নিজেরাও খেতে পারবে। ধনী-গরিব সবাইকে
খাওয়াতে পারবে।

لوضحي عن ميت وارثه ... وأن تبرع بها عنه له الأكل لأنه يقع على ملك الذابح
والثواب للميت^٦.

রাসুলুল্লাহ সাল্লাল্লাহু আলাইহি ওয়া সাল্লামের নামে কুরবানি করা

কেউ চাইলে রাসুল সাল্লাল্লাহু আলাইহি ওয়া সাল্লামের নামে কুরবানি করতে
পারে। কোনো অসুবিধা নেই। বরং এটি বিরাট সৌভাগ্যের বিষয়। (এর গোশত
নিজেরাও খেতে পারবে। ধনী-গরিব সবাইকে খাওয়াতে পারবে। এই গোশত
গরিবদের মাঝে বিলিয়ে দেওয়া জরুরি নয়।)^৭

وختم ابن السراج عنه صلى الله عليه وسلم أكثر من عشرة آلاف ختمة وضحي
عنه مثل ذلك ... و قول علمائنا له أن يجعل ثواب عمله لغيره، يدخل فيه النبي
صلى الله عليه وسلم فإنه أحق بذلك^٨.

১. দূররে মুখতার, জাকারিয়া, ৯/৪৭১; ফাতাওয়া তাতারখানিয়া, ৩/৩৫১; তাবয়িনুল হাকায়েক,
জাকারিয়া, ৬/৪৮৪

২. ফাতাওয়া শামি, জাকারিয়া, ৯/৪৮৪; ফাতাওয়া তাতারখানিয়া, ৩/৩৫২

৩. প্রথম বন্ধনীতে উল্লেখিত রচনা-অংশ সম্পাদকের পক্ষ থেকে সংযোজিত।

৪. ফাতাওয়া শামি, জাকারিয়া, ৩/১৫৩; এলাউস সুনান, ১৭/২৭২; ফাতাওয়া মাহমুদিয়া, ডাভেল,
১৭/৩৩২; জামেউল ফাতাওয়া, ৪/৪৩২

কুরবানির কাজা

সামর্থ্যবান কোনো ব্যক্তি সময়মতো কুরবানি করতে পারেনি। পশু আগে থেকে কেনা থাকলে সেই পশুটিকে জীবিত সদকা করে দিতে হবে। আগে থেকে কেনা না থাকলে একটি ছাগলের মূল্যপরিমাণ অর্থ সদকা করতে হবে।

ومنها أنها تقضى إذا فاتت عن وقتها ثم قضائها قد يكون بالتصدق بعين الشاة حية وقد يكون بالتصدق بقيمة الشاة^১.

أما إذا اشترى وهو مخير بين التصديق بالقيمة أو التصديق بها حية^২.
وقضائها بعد مضي وقتها بالتصدق بعينها أو بقيمتها^৩.

একটি ছাগলের মূল্যপরিমাণ অর্থ সদকা করতে হবে

সামর্থ্যবান কোনো ব্যক্তি কুরবানির দিনগুলোতে কুরবানি দেয়নি। কোনো পশু ক্রয়ও করেনি। এ ক্ষেত্রে তাকে একটি ছাগলের মূল্য সদকা করতে হবে। বড় পশুর সাত ভাগের এক ভাগ পরিমাণ অর্থ সদকা করলে হবে না।

وقضائها بعد مضي وقتها بالتصدق بعينها أو بقيمتها إن كان المضحي غنيا ولم
يوجب على نفسه شاة بعينها تصديق بقيمة شاة اشترى أو لم يشتر^৪.

ولو نذر أن يضحي ولم يسم شيئا يقع على الشاة^৫.

কয়েক বছরের কুরবানি ছুটে গেলে

সামর্থ্য থাকা সত্ত্বেও কেউ কয়েক বছরের কুরবানি দেয়নি। এ ক্ষেত্রে প্রত্যেক বছরের কুরবানির পরিবর্তে এক-একটি ছাগলের মূল্যপরিমাণ অর্থ সদকা করতে হবে।

১. ফাতাওয়া হিন্দিয়া, ৫/২৯৪; আল-মুহিতুল বুরহানি, ৮/৪৬৪

২. ফাতাওয়া শামি, জাকারিয়া, ৯/৪৬৫

৩. ফাতহুল কাদির, ৮/৪৩৬; কিতাবুল ফাতাওয়া, ৪/১৪০, ১৬৫; ফাতাওয়া রহিমিয়া, ১০/২৫; মাসায়েলে কুরবানি ও আকিকা, ৩৩; রমযান ক্যায়সে গুজাও, ১৮০

৪. ফাতাওয়া হিন্দিয়া, ৫/২৯৬

৫. আনহুর, ৪/১৭০; ফাতহুল কাদির, ৮/৪৩৬

ولو تركت التضحية ومضت أيامها تصدق بها حية ناذر (تنوير الأبصار) وفي الشامي : وإن لم يشتر مثلها حتى مضت أيامها تصدق بقيمتها ... وقال قبلها وإذا فاتت عن وقتها فإنها مضمونة بالجزاء.

তিনটি ভুল ধারণা^২

- অনেকে মনে করেন, ঈদুল ফিতরে সাদাকাতুল ফিতর আদায় না করলে ঈদুল আজহায় তার কুরবানি আদায় হয় না।
 - অনেকের ধারণা, কারও আকিকা আদায় করা না হলে তার কুরবানি হয় না। এ জন্য আকিকা আদায় করা না থাকলে আগে আকিকা আদায় করতে হবে, পরে কুরবানি দিতে হবে।
 - অনেকের ধারণা রয়েছে, বিগত বছরগুলোতে আবশ্যক হয়ে থাকা কুরবানি আদায় না করে থাকলে আগে কাজা কুরবানি আদায় করতে হবে। কাজা কুরবানি আদায় না করলে নতুন কুরবানি আদায় হবে না।
- ✓ এই সবগুলো ধারণাই ভুল।

১. ফাতাওয়া শামি, বৈরুত, ৯/৩৮৮; ফাতাওয়া শামি, জাকারিয়া, ৯/৪৬৩; বাদায়েউস সানায়ে, জাকারিয়া, ৪/২০২; ফাতাওয়া হিন্দিয়া, ৫/২৯৬; জামেউল ফাতাওয়া, ৪/৩৮৮
২. 'তিনটি ভুল ধারণা' এই শিরোনামের অধীনে উল্লেখিত রচনা-অংশ সম্পাদকের পক্ষ থেকে সংযোজিত।

কুরবানির পশু-সংক্রান্ত মাসায়েল

কোন কোন পশু কুরবানি করা যায়

নিম্নে উল্লেখিত পশুগুলো কুরবানি করা যায়। এ ছাড়া অন্য কোনো পশু কুরবানি করা যায় না।

- ছাগল, খাসি, ভেড়া ও দুগা।
- উট, উষ্ট্রী।
- ঘাড়া, গাভি, মহিষ।

فهو أن يكون من الأجناس الثلاثة الغنم أو الإبل أو البقر ويدخل في كل جنس نوعه والذكر والأنثى منه^১।

মহিষের কুরবানি

মহিষের কুরবানি করা যায়, কোনো অসুবিধা নেই।

تجوز بالجواموس لأنه نوع من البقر^২।

কুরবানির দিনে হাঁস-মুরগি জবাই^৩

কুরবানির দিনসমূহে হাঁস-মুরগি জবাই করা জায়েজ। তবে কুরবানির নিয়তে করবে না।^৪

১. ফাতাওয়া হিন্দিয়া, ৫/২৯৭; তাবয়িনুল হাকায়েক, জাকারিয়া, ৬/৪৮৩; দুররে মুখতার, জাকারিয়া, ৯/৪৬৬; বাদায়েউস সানায়ে, জাকারিয়া, ৪/২০৫

২. আল-বাহরুর রায়েক, জাকারিয়া, ৯/৩২৪; ফাতাওয়া তাতারখানিয়া, জাকারিয়া, ১৭/৪৩৪; ফাতাওয়া শামি, জাকারিয়া, ৯/৪৬৬; ফাতাওয়া বাজজাজিয়াহ, ৬/২৮৯; আল-মুহিতুল বুরহানি, ৮/৪৬৮; ফাতাওয়া মাহমুদিয়া, ডাভেল, ১৭/৩৪৯

৩. 'কুরবানির দিনে হাঁস-মুরগি জবাই' এই শিরোনামের অধীনে উল্লেখিত রচনা-অংশ সম্পাদকের পক্ষ থেকে সংযোজিত।

৪. ফাতাওয়া হিন্দিয়া ৫/৩০০; খুলাসাতুল ফাতাওয়া ৪/৩১৪; ফাতাওয়া বাযযাযিয়া ৬/২৯০; রদ্দুল মুহতার ৬/৩১৩

দাঙ্গার আশঙ্কায় গরু কুরবানি না করা

গরু কুরবানি করা নিঃসন্দেহে বৈধ। তা করতে না দেওয়া নিঃসন্দেহে অন্যায়-জুলুম। তবে কোথাও তা করলে দাঙ্গার আশঙ্কা হলে না করার অবকাশ আছে। এ ক্ষেত্রে অন্য কিছু দিয়ে কুরবানি করবে।

ما يؤدي إلى الشر شرًا.

إن الطاعة إذا أدت إلى معصية راجحة وجب تركها لأن ما يؤدي إلى الشر شرًا.

রাষ্ট্রীয় নিষেধাজ্ঞা সত্ত্বেও করা বৈধ

কোথাও গরু কুরবানি করার ব্যাপারে রাষ্ট্রীয় নিষেধাজ্ঞা আছে। তবুও কেউ তা করলে কুরবানি হয়ে যাবে। এর গোশত খাওয়া যাবে। কারণ, গরু কুরবানি করতে শরিয়তের দৃষ্টিতে কোনো বাধা নেই। ইসলাম কোনো জিনিসকে বৈধ ঘোষণা করলে মানবরচিত আইনের কারণে তা কখনোই অবৈধ হয় না।^৩

কুরবানির পশুর বয়স

কুরবানির পশুর বয়স কত হবে, এ ব্যাপারে একটু ব্যাখ্যা আছে।

খাসি ও ছাগলের বয়স পূর্ণ এক বছর হতে হবে। ভেড়া বা দুগ্ধা যদি এটুকু মোটাতাজা হয়—দেখতে এক বছরের মনে হয়, তাহলে পূর্ণ এক বছর না হলেও ছয় মাস পার হলেই কুরবানি করা যাবে।

وصح الجزع ذو ستة أشهر من الضأن إن كان بحيث لو خلط بالثنايا لا يمكن التميز من بعد^৪.

গরু ও মহিষের বয়স দু বছর পূর্ণ হতে হবে। উটের বয়স পূর্ণ পাঁচ বছর হতে হবে।

والثني من الغنم الذي تم له سنة و طعن في الثانية و من البقر الذي تم له سنتان و طعن في الثالثة و من الإبل الذي تم له خمس سنين و طعن في السادسة^৫.

১. তাফসিরে রুহুল মাআনি, সূরা আনআম : ১০৮; ফাতাওয়া মাহমুদিয়া, ডাভেল, ১৭/৩৩৩, ৩৩৯; ইমদাদুল আহকাম, ৪/১৯১

২. তাফসিরে মাজহারি, ৩/২৭৬

৩. ফাতাওয়া মাহমুদিয়া, ডাভেল, ১৭/৩৪৫-৩৪৭

৪. দুররে মুখতার, ৯/৪৬৫

৫. ফাতাওয়া তাতারখানিয়া, জাকারিয়া, ১৭/৪২৫; দুররে মুখতার, জাকারিয়া, ৯/৪৬৬; তাবয়িনুল হাকায়েক, জাকারিয়া, ৬/৪৮৪; বাদায়েউস সানায়ে, জাকারিয়া, ৪/২০৬; মাসায়েলে কুরবানি ও আকিকা, ১৮

যে পশুতে সাতজন শরিক হতে পারে

উট, মহিষ ও গরুতে সর্বোচ্চ সাতজন শরিক হতে পারবে (এবং সাতের কম সংখ্যক যে কোনো সংখ্যক শরিকও হতে পারবে)^১। ছাগল, ভেড়া ও দুগ্ধাতে একাধিক শরিক হতে পারবে না। একটি একজনের পক্ষ থেকে হতে হবে।

وهي شاة أو بدنة أو سبع بدنة بأن اشترك مع ستة في بقرة أو بعير^২.

শরিকদের সবার নিয়ত বিশুদ্ধ হতে হবে

শরিকদের সবার নিয়ত বিশুদ্ধ হতে হবে। কুরবানি, ওলিমা কিংবা আকিকা—এ সব ইবাদতের কোনোটির নিয়ত থাকতে হবে। শরিকদের কেউ ইবাদত ছাড়া ভিন্ন কোনো নিয়ত—যেমন, দোকানে গোশত বিক্রি করা—এমন নিয়তে শরিক হলে কারও কুরবানিই হবে না।

وكذا لو أراد بعضهم العقيقة عن ولد قد ولد له من قبل لأن ذلك جهة التقرب بالشكر على نعمة الولد ذكره محمد ولم يذكر الوليمة، وينبغي أن تجوز لأنها تقام شكرا لله تعالى على نعمة النكاح ووردت بها السنة^৩.

كل يريد القرية وهو من أهلها ... فلو أراد أحدهم بنصيبه اللحم ... لا يجوز عن واحد منهم^৪.

কয়েকজন মিলে নফল কুরবানি করা

নফল কুরবানির নিয়তে কয়েকজন মিলে একটি পশু ক্রয় করল বা বড় পশুর একটি অংশে শরিক হল। উদ্দেশ্য, এর সওয়াব মৃত বা জীবিত কোনো ব্যক্তির আমলনামায় পৌঁছানো। এতে কোনো অসুবিধা নেই। করতে পারে। এ কারণে অন্যান্য শরিকদের কুরবানিতে কোনো প্রভাব পড়বে না। তাদের কুরবানি হয়ে যাবে। কারণ, কয়েকজন মিলে যে অংশে শরিক হয়েছে, তা দ্বারা ওয়াজিব কুরবানি উদ্দেশ্য নয়।^৫

১. প্রথম বন্ধনীতে উল্লেখিত রচনা-অংশ সম্পাদকের পক্ষ থেকে সংযোজিত।

২. মুলতাকাল আবহর, ৪/১৬৭; তাবয়িনুল হাকায়েক, জাকারিয়া, ৬/৪৭৬; বাদায়েউস সানায়ে, ৪/২০৭; জামেউল ফাতাওয়া, ৪/৪২২; মাসায়েলে কুরবানি ও আকিকা, ১৮

৩. ফাতাওয়া শামি, জাকারিয়া, ৯/৪৭২

৪. মুলতাকাল আবহর, ৪/১৬৮; ফাতাওয়া শামি, জাকারিয়া, ৯/৪৭২; ফাতাওয়া হিন্দিয়া, ৫/৩০৪; ফাতাওয়া তাতারখানিয়া, জাকারিয়া, ১৭/৪৫০; মাসায়েলে কুরবানি ও আকিকা, ১৯

৫. ফাতাওয়া মাহমুদিয়া, ডাবেল, ১৭/৪০৭; মাসায়েলে কুরবানি ও আকিকা, ৫১

১(উল্লেখ্য, বিভিন্ন জায়গায় কুরবানির সামর্থ্য না থাকায় সাতের অধিক লোকজন মিলে চাঁদা তুলে কুরবানির দিনে গরু জবাই করে থাকে। এ ধরনের আয়োজন করা যেতে পারে। তবে এতে কুরবানির নিয়ত করা যাবে না এবং এর মাধ্যমে কুরবানির ফজিলত পাওয়া যাবে না।)

কুরবানির সঙ্গে ওলিমা

ওলিমা করা সুন্নত বিধায় একটি সওয়াবের কাজ। তাই কুরবানি পশুতে কেউ ওলিমার নিয়তে শরিক হতে পারে। এতে অন্যান্য শরিকদের কুরবানিতে কোনো প্রকার প্রভাব পড়বে না।

ولم يذكر الوليمة وينبغي أن تجوز^২.

কুরবানির সাথে আকিকা

কুরবানির সাথে আকিকার নিয়তে শরিক হওয়া যাবে।

وكذا لو أراد بعضهم العقيقة عن ولد قد ولد له من قبل^৩.

গোশত মেপে বণ্টন করা

কয়েকজন মিলে কুরবানি দিলে গোশত মেপে বণ্টন করা উচিত, যেন প্রত্যেকে নিজ নিজ অংশ পুরোপুরি পায়। একজনের অংশ যেন অন্যজনের কাছে না যায়। তবে সবাই এ ব্যাপারে সম্মত হলে, একজনের অংশ অন্যজনের কাছে চলে গেলে কোনো অসুবিধা নেই। এ ক্ষেত্রে মেপে বণ্টন করা জরুরি নয়।

ويقسم لحمها وزنا لا جزافا^৪.

১. প্রথম বন্ধনীতে উল্লেখিত রচনা-অংশ সম্পাদকের পক্ষ থেকে সংযোজিত।

২. ফাতাওয়া শামি, জাকারিয়া, ৯/৪৭২; বাদায়েউস সানায়ে, ৪/২০৯; ফাতাওয়া হিন্দিয়া, ৫/৩০৪; আহসানুল ফাতাওয়া, ৭/৫৩৬; ফাতাওয়া মাহমুদিয়া, ১৭/৪২২; মাসায়েলে কুরবানি ও আকিকা, ১৭

৩. ফাতাওয়া শামি, জাকারিয়া, ৯/৪৭২; বাদায়েউস সানায়ে, জাকারিয়া, ৪/২০; ফাতাওয়া হিন্দিয়া, ৫/৩০৪; আহসানুল ফাতাওয়া, ৭/৫৩৬; ফাতাওয়া রহিমিয়া, ১০/২৫; কিতাবুল ফাতাওয়া, ৪/১৬৮; মাসায়েলে কুরবানি ও আকিকা, ১৭

৪. মূলতাকাল আবহর, ৪/১৬৮; দুররে মুখতার, জাকারিয়া, ৯/৪৬০; ফাতাওয়া তাতারখানিয়া, জাকারিয়া, ১৭/৪৫৫; ফাতাওয়া হিন্দিয়া, ৫/৩০৬; ফাতাওয়া খানিয়া, ৩/৩৫১; ফাতাওয়া বাজজাজিয়াহ, ৬/২৯০; জাওয়াহেরুল ফিকহ, ১/৪৫১; ফাতাওয়া মাহমুদিয়া, ডাভেল, ১৭/৪২৬; আপকে মাসায়েল, ৪/২০৭

শরিকদের সবাই একই পরিবারের সদস্য হলে

শরিকদের সবাই একই পরিবারের সদস্য কিংবা বন্ধু ও আপনজন। প্রত্যেকেই অন্যকে তার নিজের অংশের ব্যাপারে পূর্ণ অনুমতি দিয়ে রেখেছে। এমন হলে মেপে বণ্টন করার প্রয়োজন নেই। যার যতটুকু প্রয়োজন, সে ততটুকু নিয়ে নেবে।

ولو اشترى لنفسه و زوجته و أولاده الكبار بدنة و لم يقسموا لها تجزيهم^১.
ونحو ذلك لا بأس إذا حلل بعضهم بعضا^২.

মান্নতের কুরবানির গোশত

কেউ বড় পশুতে মান্নতের কুরবানি আদায়ের নিয়তে শরিক হল। তার অংশ মেপে আলাদা করা জরুরি। কারণ, মান্নতের কুরবানির গোশত মান্নতকারী নিজে খেতে পারে না। সামর্থ্যবান কাউকে খাওয়াতেও পারে না। পুরোটাই গরিব-মিসকিনদের মাঝে বিলিয়ে দিতে হয়।

مستفاد : وإنما وجبت بالنذر فليس لصاحبها أن يأكل منها شيئا ولا أن يطعم غيره من الأغنياء ... لأن سبيلها التصدق^৩.
إذا نذر ذبح شاة لا يأكل منها الناذر، ولو أكل فعليه قيمة ما أكل^৪.
التي لا يؤكل منها هي المنذورة ابتداء^৫.

জবাইয়ের সময় শরিকদের নাম নেওয়া

কোনো পশুতে কয়েকজন শরিক হল। পশুটি জবাই করার সময় সবার নাম নেওয়া জরুরি নয়। জবাই করলেই সবার কুরবানি হয়ে যাবে।

ذبح المشتراة لها بلا نية الأضحية جازت اكتفاء بالنية عند الشراء^৬.
إن الفعل إنما يصير قرابة من كل واحد بنيته ... فعدم النية من أحدهم لا يقدر
في قرابة الباقيين^৭.

১. দূররে মুখতার, জাকারিয়া, ৯/৪৬০; দূররে মুখতার, করাচি, ৬/৩১৭

২. ফাতাওয়া তাতারখানিয়া, জাকারিয়া, ৯/৪৫৫; ফাতাওয়া মাহমুদিয়া, ডাভেল, ১৭/৪২৪

৩. আল-বাহরুর রায়েক, জাকারিয়া, ৯/৩২৭; দূররে মুখতার, জাকারিয়া, ৯/৪৬০

৪. ফাতাওয়া তাতারখানিয়া, জাকারিয়া, ১৭/৪১৫; কিতাবুল ফাতাওয়া, ৪/১৪৭

৫. দূররে মুখতার, জাকারিয়া, ৯/৪৭৪

৬. ফাতাওয়া হিন্দিয়া, ৫/২৯৪; আনহুর, ৪/১৭৫

৭. বাদায়েউস সানায়ে, জাকারিয়া, ৪/২০৯; আল-আশবাহ, ৪০

ত্রুটিযুক্ত পশু-সংক্রান্ত মাসায়েল

শিং ভেঙে গেলে

কোনো পশুর শিং উপর থেকে সামান্য ভেঙে গেছে, মাথায় এর কোনো প্রভাব পড়েনি—এমন পশু কুরবানি করতে কোনো অসুবিধা নেই। মাথায় কোনো প্রভাব পড়লে—ধরুন, মাথা ছিদ্র হয়ে গেল—কুরবানি করা যাবে না।

ويضحي بالجماء هي التي لا قرن لها خلقة وكذا العظماء التي ذهب بعض قرننها بالكسر أو غيره فإن بلغ الكسر إلى المخ لم يجز^١.

জন্মগতভাবেই শিং না থাকলে

কোনো পশুর জন্মগতভাবেই শিং নেই কিংবা ছোট থাকতেই তার শিংয়ের জায়গাটি আগুন দিয়ে পুড়ে দেওয়া হয়েছে, ফলে আর শিং গজায়নি। এমন পশু কুরবানি করতে কোনো মানা নেই।

ويضحي بالجماء هي التي لا قرن لها خلقة وكذا العظماء التي ذهب بعض قرننها بالكسر^٢.

কান-কাটা পশুর কুরবানি

কোনো পশুর কান সামান্য কাটা। অর্ধেক বা তারও কম। কুরবানি করা যাবে।

ومقطوع أكثر الأذن لو ذهب بعض الأذن... إن كان كثيرا يمنع وإن يسيرا لا يمنع^٣.

১. ফাতাওয়া শামি, জাকারিয়া, ৯/৪৬৭; আনহুর, ৪/১৭১; বাদায়েউস সানায়ে, জাকারিয়া, ৪/২১৬; ফাতাওয়া হিন্দিয়া, ৫/২৯৭; আল-বাহরুর রায়েক, জাকারিয়া, ৯/৩২৩; ফাতাওয়া মাহমুদিয়া, ডাভেল, ১৭/৩৮৪; কিতাবুল ফাতাওয়া, ১৪/১৪১; ফাতাওয়া রহিমিয়া, ১০/৪৯; আপকে মাসায়েল, ৪/১৯০; জামেউল ফাতাওয়া, ৪/৪০৯

২. ফাতাওয়া শামি, জাকারিয়া, ৯/৪৬৭; ফাতাওয়া হিন্দিয়া, ৫/৪৯৭; জামেউল ফাতাওয়া, ৪/৪০৭

৩. ফাতাওয়া শামি, জাকারিয়া, ৯/৪৬৮; ফাতাওয়া হিন্দিয়া, ৫/২৯৭; আল-বাহরুর রায়েক, জাকারিয়া, ৯/৩২৩; ফাতাওয়া তাতারখানিয়া, জাকারিয়া, ১৭/৪২৯; জাওয়াহেরুল ফিকহ, ১/৪৫০; ফাতাওয়া রহিমিয়া, ১০/৪৮; আপকে মাসায়েল, ৪/১৮৮; জামেউল ফাতাওয়া, ৪/৪০৭

যে পশুর কান নেই

যে পশুর জন্মগতভাবে কানই নেই, তা কুরবানি করা বৈধ নয়।

والسكاء التي لا أذن لها خلقة و لا تجوز مقطوعة إحدى الأذنين بكمالها و التي لها أذن واحدة خلقة^১।

যে পশুর দৃষ্টিশক্তি নেই

যে পশুর দৃষ্টিশক্তি সম্পূর্ণই নষ্ট হয়ে গেছে কিংবা অধিকাংশই নষ্ট হয়ে গেছে, তা কুরবানি করা বৈধ নয়।

ومقطوع أكثر العين أي التي ذهب أكثر نور عينها^২।

যে পশুর দাঁত নেই

যে পশুর কোনো দাঁতই নেই কিংবা অধিকাংশগুলো পড়ে গেছে বা ভেঙে গেছে, এমন পশু কুরবানি করা বৈধ নয়। যদি দু-চারটা দাঁত না থাকে আর এ কারণে ঘাস খেতে তেমন কোনো অসুবিধা না হয়, তাহলে করতে পারবে।

ولا بالاهتمام التي لا أسنان لها ويكفي بقاء الأكثر^৩।

وأما الاهتمام وهي التي لا أسنان لها فإن كانت ترعى وتعتلف جازت وإلا فلا^৪।

যে পশুর জিভ কাটা

যে পশুর জিভ কাটা, তা কুরবানি করা বৈধ নয়।

وقطع اللسان في الثور يمنع و في الشاة اختلاف ... ولو كانت الشاة مقطوعة اللسان هل تجوز التضحية بها؟ فقال نعم إن كان لا يخل بالاعتلاف وإن كان يخل به لا تجوز التضحية بها^৫।

১. দূররে মুখতার, জাকারিয়া, ৯/৪৬৯; ফাতাওয়া তাতারখানিয়া, জাকারিয়া, ১৭/৪২৬; ফাতাওয়া হিন্দিয়া, ৫/২৯৭; জামেউল ফাতাওয়া, ৪/৪০৭

২. দূররে মুখতার, জাকারিয়া, ৯/৪৬৮; ফাতাওয়া হিন্দিয়া, ৫/২৯৭; ফাতাওয়া হিন্দিয়া, ৫/২৯৮; আল-বাহরুর রায়েক, ৯/৩২৩; ফাতাওয়া তাতারখানিয়া, জাকারিয়া, ১৭/৪২৯; আপকে মাসায়েল, ৪/১৮৮

৩. দূররে মুখতার, জাকারিয়া, ৯/৪৬৯

৪. ফাতাওয়া হিন্দিয়া, ৫/২৯৮; আল-বাহরুর রায়েক, জাকারিয়া, ৯/৩২৩; ফাতাওয়া তাতারখানিয়া, জাকারিয়া, ১৭/৪২৮; জাওয়াহেরুল ফিকহ, ১/৪৫০; আপকে মাসায়েল, ৪/১৮৮; জামেউল ফাতাওয়া, ৪/৪০২; মাসায়েলে কুরবানি ও আকিকা, ৩১

৫. ফাতাওয়া হিন্দিয়া, ৫/২৯৮; ফাতাওয়া তাতারখানিয়া, জাকারিয়া, ১৭/৪২৮; ফাতাওয়া শামি, জাকারিয়া, ৯/৪৭০; মাসায়েলে কুরবানি ও আকিকা, ৩১

যে পশুর লেজ কাটা

লেজের বেশির ভাগ কাটা হলে এমন পশু কুরবানি করা বৈধ নয়। সামান্য কাটা হলে করা যাবে।

و مقطوع أكثر الذنب لو ذهب بعض الذنب... إن كان كثيرا يمنع وإن يسيرا لا يمنع^১।

জন্মগতভাবেই লেজ না থাকলে

যে পশুর জন্মগতভাবেই লেজ নেই ইমাম আবু হানীফা রহ.-এর মতে এমন পশু কুরবানি করা বৈধ। কিন্তু ইমাম মুহাম্মদ রহ.-এর মতে বৈধ নয়। সতর্কতার খাতিরে এমন পশু কুরবানি করা উচিত না।

الشاة إذا لم يكن لها أذن ولا ذنب خلقة قال محمد لا يكون هذا ولو كان لا يجوز؛ وذكر في الأصل عن أبي حنيفة أنه يجوز. خانية^২।

যে পশু খোঁড়া

যে পশু এ পরিমাণ খোঁড়া যে, তিন পা মাটিতে রাখতে পারে। এক পা রাখতেই পারে না। এমন পশু কুরবানি করা বৈধ নয়। যদি চতুর্থ পা মাটিতে রেখে কিছুটা ভর দিয়ে হলেও হাঁটতে পারে, তাহলে বৈধ হবে।

العرجاء التي لا تمشي إلى المنسك أي التي لا يمكنها المشي برجلها العرجاء إنما تمشي بثلاث قوائم حتى لو كانت تضع الرابعة على الأرض وتستعين بها جاز^৩।

স্তন শুকিয়ে গেলে

ছাগলের দুই স্তনের একটি শুকিয়ে গেলে কিংবা কেটে ফেলা হলে তা কুরবানি করা বৈধ হবে না। গরু ও উটের ক্ষেত্রে চার স্তনের মধ্যে দুটি শুকিয়ে গেলে বা কেটে ফেলা হলে কুরবানি করা বৈধ হবে না। মাত্র একটি হলে বৈধ হবে।

১. ফাতাওয়া শামি, জাকারিয়া, ৯/৪৬৮; ফাতাওয়া হিন্দিয়া, ৫/২৯৭; ফাতাওয়া তাতারখানিয়া, জাকারিয়া, ১৭/৪২৯; জাওয়াহেরুল ফিকহ, ১/৪৫০; ফাতাওয়া রহিমিয়া, ১০/৪৮; আপকে মাসায়েল, ৪/১৮৮; জামেউল ফাতাওয়া, ৪/৪০৮

২. ফাতাওয়া শামি, জাকারিয়া, ৯/৪৭০; ফাতাওয়া শামি, বৈরুত, ৯/৩৯৩; আহসানুল ফাতাওয়া, ৭/৫১৭

৩. দুররে মুখতার, জাকারিয়া, ৯/৪৬৮; ফাতাওয়া তাতারখানিয়া, জাকারিয়া, ১/৪২৬; ফাতাওয়া হিন্দিয়া, ৫/২৯৭; আল-বাহরুর রায়েক, জাকারিয়া, ৯/৩২৩; ফাতাওয়া মাহমুদিয়া, ডাভেল, ১৭/৩৭৬; জামেউল ফাতাওয়া, ৪/৪১১

والجذاء مقطوعة رؤوس ضرعها أو يابستها.^١
والشطور لا يجزئ وهي من الشاة ما قطع اللبن عن إحدى درعها ومن الإبل
والبقرة إذا انقطع اللبن من ضرعيها.^٢

গর্ভবতী পশুর কুরবানি

বাচ্চা প্রসবের সময় নিকটবর্তী হলে গর্ভবতী পশু কুরবানি করা মাকরুহ।
إن تقاربت الولادة يكره ذبحها.^٣

খাসি কুরবানি করা

খাসি ও ঝাঁড় কুরবানি করা শুধু বৈধ নয়, বরং উত্তম ও সুন্নত।
والخصي أفضل من الفحل لأنه أطيب لحماً.^٤
ويضحي بالجماء والخصي.^٥

হিজড়া পশুর কুরবানি

হিজড়া পশু কুরবানি করা বৈধ নয়।

ولا بالخنثى لأن لحمها لا ينضج.^٦

যে পশু কেবল ময়লা-আর্বজনা খায়

যে পশু ঘাস-লতাপাতা তেমন খায় না, কেবল ময়লা আর্বজনা খায়—এমন পশু
কুরবানি করা বৈধ নয়।

-
১. দূররে মুখতার, জাকারিয়া, ৯/৪৬৯-৪৭০; ফাতাওয়া হিন্দিয়া, ৫/২৯৮; জামেউল ফাতাওয়া, ৪/৪১৭; মাসায়েলে কুরবানি ও আকিকা, ২৮
 ২. ফাতাওয়া তাতারখানিয়া, জাকারিয়া, ১৭/৪৩০; তাবয়িনুল হাকায়েক, জাকারিয়া, ৬/৪৮২
 ৩. ফাতাওয়া শামি, জাকারিয়া, ৯/৪৪১; ফাতাওয়া হিন্দিয়া, ৫/২৮৭; ফাতাওয়া তাতারখানিয়া, ৩/৩৬৭; ফাতাওয়া মাহমুদিয়া, ১৭/৩১৯; মাসায়েলে কুরবানি ও আকিকা, ২৭
 ৪. ফাতাওয়া হিন্দিয়া, ৫/২৯৯
 ৫. দূররে মুখতার, জাকারিয়া, ৯/৪৬৭; আল-বাহরুর রায়েক, জাকারিয়া, ৯/৩২৩; ফাতাওয়া বাজজাবিয়া : ৬/২৮৯; আনহুর, ৪/১৭১; জাওয়াহেরুল ফিকহ, ১/৪৪৯; কিতাবুল ফাতাওয়া, ৪/১৪২; ফাতাওয়া মাহমুদিয়া, ডাভেল, ১৭/৩৪০; জামেউল ফাতাওয়া, ৪/৪১৮; মাসায়েলে কুরবানি ও আকিকা, ২৩
 ৬. দূররে মুখতার, জাকারিয়া, ৯/৪৭০; ফাতাওয়া হিন্দিয়া, ৫/২৯৯; ফাতাওয়া মাহমুদিয়া, ডাভেল, ১৭/৩৭৯; ফাতাওয়া রহিমিয়া, ১০/৫৪; জামেউল ফাতাওয়া, ৪/৪১৮; মাসায়েলে কুরবানি ও আকিকা, ৩০

ولا الجلالة التي لا تأكل العذرة ولا تأكل غيرها^١.

বন্য পশুর কুরবানি

বন্য পশু—যেমন : হরিণ, বনগরু ইত্যাদি—কুরবানি করা বৈধ নয়।

ولا يجوز في الأضاحي شيء من الوحشي^٢.

ক্রয় করার পর ক্রটি দেখা দিলে

কেউ কুরবানি করার নিয়তে পশু ক্রয় করল। ক্রয় করার সময় পশুর গায়ে কোনো ক্রটি ছিল না। পরে এমন ক্রটি দেখা দিল, যার ফলে এ পশু দিয়ে আর কুরবানি করা বৈধ হবে না। লোকটি সামর্থ্যবান হলে আরেকটি পশু ক্রয় করে কুরবানি করা তার উপর আবশ্যিক হবে। সামর্থ্যহীন হলে ওটাই কুরবানি করবে। অন্য পশু ক্রয় করা আবশ্যিক হবে না।

ولو اشتراها سليمة ثم تعيبت بعيب مانع فعليه إقامة غيرها مقامها إن كان غنيا وإن كان فقيرا أجزأه ذلك^٣.

কুরবানি করার সময় ক্রটিযুক্ত হয়ে গেলে

পশুর গায়ে কোনো ক্রটি ছিল না, সম্পূর্ণ সুস্থ-সবল। কিন্তু জবাই করার সময় কোনো কারণে ক্রটি যুক্ত হয়ে গেল, এতে কোনো অসুবিধা হবে না। কুরবানি হয়ে যাবে।

ولا يضر تعيبها من اضطرابها عند الذبح^٤.

১. দুররে মুখতার, জাকারিয়া, ৯/৪৭০; ফাতাওয়া হিন্দিয়া, ৫/২৯৮; আল-বাহরুর রায়েক, জাকারিয়া, ৯/৩২৩; কিতাবুল ফাতাওয়া, ৪/১৪২; মাসায়েলে কুরবানি ও আকিকা, ৩২

২. ফাতাওয়া হিন্দিয়া, ৫/২৯৭; আল-বাহরুর রায়েক, জাকারিয়া, ৯/৩২৪; ফাতাওয়া তাতারখানিয়া, জাকারিয়া, ১৭/৪৩৩; আল-মুহিতুল বুরহানি, ৮/৪৬৮; ফাতাওয়া মাহমুদিয়া, ডাভেল, ১৭/৩৫৬; মাসায়েলে কুরবানি ও আকিকা, ২৯

৩. দুররে মুখতার, জাকারিয়া, ৯/৪৭১; ফাতাওয়া তাতারখানিয়া, জাকারিয়া, ১৭/৪৩২; আনহুর, ৪/১৭৩; বাদায়েউস সানায়ে, জাকারিয়া, ৪/২১৬; জাওয়াহেরুল ফিকহ, ১/৪৫০; আপকে মাসায়েল, ৪/১৬৯

৪. দুররে মুখতার, জাকারিয়া, ৯/৪৭১; আল-বাহরুর রায়েক, জাকারিয়া, ৯/৩২৪; ফাতাওয়া তাতারখানিয়া, জাকারিয়া, ১৭/৪৩২; আনহুর, ৪/১৭২; হেদায়া, ৪/৪৩২; বাদায়েউস সানায়ে, জাকারিয়া, ৪/২১৬; ফাতাওয়া হিন্দিয়া, ৫/২৯৯; আল-মুহিতুল বুরহানি, ৮/৬৭; ফাতাওয়া মাহমুদিয়া, ডাভেল, ১৭/৩৮৭; মাসায়েলে কুরবানি ও আকিকা, ৩১

আপনি কীভাবে কুরবানি করবেন?

কুরবানি করার পদ্ধতি

সুন্নাহসম্মত উপায়ে কুরবানি করার পদ্ধতি নিম্নরূপ—

- নিজের কুরবানি নিজে করা।

ونذب أن يذبح بيده إن علم ذلك^১.

- নিজে না করলে কমপক্ষে কুরবানি করার সময় কাছে থাকা।

وإلا شهدها^২.

- পশুকে মাটিতে শোয়ানোর আগেই ছুরি খুব ভালোভাবে ধার দিয়ে নেওয়া, যেন জবাই করার সময় পশুর অতিরিক্ত কোনো কষ্ট না হয়।

ونذب إحداً شفرته قبل الإضجاع^৩.

- পশুকে বাম কাতের উপর কেবলামুখী করে শোয়াবে। পাগুলো কেবলার দিকে রাখবে। এরপর জবাইকারী পশুর বুকের উপর ডান পা রেখে দ্রুত জবাই করে ফেলবে।

ومنها أن يكون الذابح مستقبل القبلة و الذبيحة موجهة إلى القبلة^৪.

- জবাই করার সময় মনে মনে কুরবানির নিয়ত করবে, মুখে বলা জরুরি নয়।

وأما ركنها فذبح ما يجوز ذبحه في الأضحية بنية الأضحية في أيامها^৫.

১. দূররে মুখতার, জাকারিয়া, ৯/৪৭৪; ফাতাওয়া হিন্দিয়া, ৫/৩০০; ফাতহুল কাদির, জাকারিয়া, ৯/৫৩৩; মাবসুত সারাখসি, বৈরুত, ১২/১৮

২. দূররে মুখতার, জাকারিয়া, ৯/৪৭৪

৩. তানবিরুল আবসার, বৈরুত, ৯/৩৫৭; তানবিরুল আবসার, জাকারিয়া, ৯/৪২৬; ফাতাওয়া হিন্দিয়া, ৫/২৮৭; আল-বাহরুর রায়েক, জাকারিয়া, ৯/৩১১; বাদায়েউস সানায়ে, ৪/১৯০; ফাতাওয়া তাতারখানিয়া, জাকারিয়া, ১৭/৩৯৬

৪. বাদায়েউস সানায়ে, জাকারিয়া, ৪/১৮৮; ইলাউস সুনান, করাচি, ১৭/১৩৭; মাবসুত সারাখসি, বৈরুত, ১২/৩; আল-মাউসুয়াতুল ফিকহিয়াহ, বৈরুত, ২১/১৯৬

৫. ফাতাওয়া হিন্দিয়া, ৫/২৯১

জবাই করার পূর্বে ‘বিসমিল্লাহি আল্লাহু আকবার’ বলবে।

وَيَنْبَغِي أَنْ يُسَمَّى مُتَّصِلًا بِالذَّبْحِ^১ .

জবাই করার সময় নিম্নোক্ত আয়াতগুলো পড়ার কথাও কোনো কোনো হাদিসে এসেছে,

إِنِّي وَجَّهْتُ وَجْهِيَ لِلَّذِي فَطَرَ السَّمَوَاتِ وَالْأَرْضَ حَنِيفًا وَمَا أَنَا مِنَ الْمُشْرِكِينَ ٥١

আমি একমুখী হয়ে নিজের চেহারা ওই সত্তার দিকে ফেরালাম, যিনি নভোমণ্ডল ও ভূমণ্ডল সৃষ্টি করেছেন। আমি মুশরিক নই।^২

قُلْ إِنْ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ ١٦٢ لَا شَرِيكَ لَهُ وَبِذَلِكَ أُمِرْتُ وَأَنَا أَوَّلُ الْمُسْلِمِينَ ١٦٣

আপনি বলুন, আমার নামাজ-কুরবানি, জীবন-মরণ সবই বিশ্বজাহানের প্রতিপালক আল্লাহর জন্য, তাঁর কোনো শরিক নেই। আমাকে এ নির্দেশই দেওয়া হয়েছে এবং আমি প্রথম মুসলমান।^৩

● জবাই করার সময় নিম্নোক্ত দোয়া পড়া—

اللَّهُمَّ تَقَبَّلْ مِنِّي كَمَا تَقَبَّلْتَ مِنْ حَبِيبِكَ مُحَمَّدٍ صَلَّى اللَّهُ عَلَيْهِ وَسَلَّمَ وَمِنْ خَلِيلِكَ إِبْرَاهِيمَ عَلَيْهِمُ السَّلَام.

হে আল্লাহ, আপনি আমার পক্ষ থেকে (এ কুরবানি) কবুল করুন, যেমন কবুল করেছেন আপনার হাবিব হজরত মুহাম্মদ সাল্লাল্লাহু আলাইহি ওয়া সাল্লামের পক্ষ থেকে এবং আপনার খলিল হজরত ইবরাহিম আলাইহিস সালামের পক্ষ থেকে।^৪

জবাইয়ের সময় জিকিরের কোনো বাক্য বলা

জবাই করার সময় এমন কোনো বাক্য উচ্চারণ করা জরুরি, যা আল্লাহ তায়ালার যিকির বা তার হামদ-ছানা বোঝায়। যেমন : বিসমিল্লাহ, সুবহানাল্লাহ, আল-হামদুলিল্লাহ।

১. ফাতাওয়া তাতারখানিয়া, জাকারিয়া, ১৭/৩৯৮; ফাতাওয়া হিন্দিয়া, ৫/২৮৫

২. সূরা আনআম : ৭৯

৩. সূরা আনআম : ১৬২-১৬৩; সুনানে আবু দাউদ, ২/৩৮৬; বাদায়েউস সানায়ে, জাকারিয়া, ৪/২২২; মাসায়েলে কুরবানি ও আকিকা, ৫০

৪. ফাতাওয়া তাতারখানিয়া, জাকারিয়া, ১৭/৪০০; মাসায়েলে কুরবানি ও আকিকা, ৫০

الشرط في التسمية هو الذكر الخالص عن شوب الدعاء وغيره فلا يحل بقوله اللهم اغفر لي لأنه دعاء وسؤال بخلاف الحمد لله أو سبحان الله مريدا به التسمية^١.

বাংলায় আল্লাহর নাম নিলে

কেউ জবাই করার সময় বাংলায় বলল, ‘আমি আল্লাহর নামে জবাই করছি’, তাহলেও হবে। আরবিতে বলা জরুরি নয়।

بالعربية أولا ولو قادرا عليها^٢.

জবাইয়ের সময় দোয়ার বাক্য বললে

জবাই করার সময় বিসমিল্লাহর পরিবর্তে দোয়ার কোনো বাক্য—যেমন, اللهم اغفر لي ‘হে আল্লাহ, আমাকে ক্ষমা করো’—বললে জবাইকৃত পশু হালাল হবে না। অতএব কুরবানিও হবে না।

اللهم اغفر لي لأنه دعاء وسؤال^٣.

একবার বিসমিল্লাহ বলে কয়েকটি পশু জবাই করা

যদি দুটি পশু এমনভাবে শোয়ানো হয়, একটির গলার ঠিক উপরই অপরটির গলা—তাহলে একবার বিসমিল্লাহ বলে একসাথে উভয়টি জবাই করলে উভয়টি হালাল হবে। পক্ষান্তরে যদি দুটি পশু ভিন্ন ভিন্ন জায়গায় শোয়ানো হয় কিংবা একই জায়গায় একটি জবাই করার পর অপরটি আনা হয়, তাহলে একবার বিসমিল্লাহ বললে যথেষ্ট হবে না। বরং প্রত্যেকটির জন্য আলাদা আলাদা বিসমিল্লাহ বলতে হবে। তা না হলে প্রথমটি ছাড়া সবগুলো হারাম হবে।

১. দূররে মুখতার, বৈরুত, ৯/৩৬৪; দূররে মুখতার, জাকারিয়া, ৯/৪৩৭; ফাতাওয়া হিন্দিয়া, ৫/২৮৬; আল-বাহরুর রায়েক, জাকারিয়া, ৯/৩০৯; বাদায়েউস সানায়ে, জাকারিয়া, ৪/২২২; মাবসুতে সারাখসি, বৈরুত, ১২/৫

২. ফাতাওয়া শামি, বৈরুত, ৯/৩৬৪; ফাতাওয়া শামি, জাকারিয়া, ৯/৪৩৭; ফাতাওয়া হিন্দিয়া, ৫/২৮৫; আল-বাহরুর রায়েক, জাকারিয়া, ৯/৩০৮; ফাতাওয়া তাতারখানিয়া, জাকারিয়া, ১৭/৩৯৮

৩. দূররে মুখতার, বৈরুত, ৯/৩৬৪; দূররে মুখতার, জাকারিয়া, ৯/৪৩৭; ফাতাওয়া হিন্দিয়া, ৫/২৮৬; আল-বাহরুর রায়েক, ৯/৩০৯; ফাতাওয়া তাতারখানিয়া, জাকারিয়া, ১৭/৩৯৮

والمعتبر الذبح عقب التسمية قبل تبدل المجلس حتى لو أضحج شاتين إحداهما فوق الأخرى فذبحهما ذبحة واحدة بتسمية واحدة حلا؛ بخلاف ما لو ذبحهما على التعاقب لأن الفعل يتعدد فتعدد التسمية^٥.

সাহায্যকারীও বিসমিল্লাহ বলবে

কেউ ছুরি ধরে জবাইকারীকে জবাইয়ের কাজে সাহায্য করলে তাকেও বিসমিল্লাহ বলতে হবে।

وفيها أراد التضحية فوضع يده مع يد القصاب في الذبح وأعانه على الذبح سمى كل وجوبا^٦.

বিসমিল্লাহ বলতে ভুলে গেলে

কোনো মুসলমান জবাই করার সময় বিসমিল্লাহ বলতে ভুলে গেল। তবুও পশু হালাল হবে। কুরবানি হয়ে যাবে। ইচ্ছে করে বিসমিল্লাহ না বললে পশু হারাম হবে। কুরবানিও হবে না।

وتارك تسمية عمدا فإن تركها ناسيا حل^٧.

জবাইয়ের সময় কুরবানির নিয়ত করা

যে পশু কুরবানি করার জন্যই ক্রয় করা হয়েছে কিংবা নির্দিষ্ট করা হয়েছে, তা জবাই করার সময় আলাদা করে কুরবানির নিয়ত করা জরুরি নয়। কুরবানির নিয়তে ক্রয় করা বা নির্দিষ্ট করাই যথেষ্ট।

ذبح المشتراة لها بلا نية الأضحية جازت اكتفاء بالنية عند الشراء^٨.

১. দূররে মুখতার, বৈরুত, ৯/৩৬৬; দূররে মুখতার, জাকারিয়া, ৯/৪৩৯; ফাতাওয়া হিন্দিয়া, ৫/২৮৯; আল-বাহরুর রায়েক, জাকারিয়া, ৯/৩০৭

২. দূররে মুখতার, বৈরুত, ৯/৪০৫; দূররে মুখতার, জাকারিয়া, ৯/৪৮২

৩. তানবিরুল আবসার, বৈরুত, ৯/৩৬২; ফাতাওয়া হিন্দিয়া, ৫/২৮৮; আল-বাহরুর রায়েক, জাকারিয়া, ৯/৩০৬; ফাতাওয়া তাতারখানিয়া, জাকারিয়া, ১৭/৪০১; আহসানুল ফাতাওয়া, ৭/৪০৩; জামেউল ফাতাওয়া, ৪/৩৫০

৪. ফাতাওয়া হিন্দিয়া, ৫/২৯৪; আনহুর, ৪/১৭৫; আল-আশবাহ, ৪০

অন্যের পশু নিজের নামে জবাই করলে

কেউ কোনো পশু নিজের পক্ষ থেকে কুরবানি করার জন্য ঠিক করল। কিন্তু জবাই করার সময় জবাইকারী নিজের পক্ষ থেকে কুরবানির নিয়তে জবাই করল। তবুও মালিকের পক্ষ থেকেই আদায় হবে।

رجل دعا قصابا ليضحي له فضحى القصاب عن نفسه فهو عن الأمر^১.

لو شراها بنية الأضحية فذبحها غيره بلا إذنه فإن أخذها مذبوحة ولم يضمه أجزاءه؛ وإن ضمته لا تجزئه، وهذا إذا ذبحها عن نفسه^২.

তিনটি নালি কাটতে হবে

প্রত্যেক পশুর গলায় চারটি নালি বা শিরা থাকে। একটি শ্বাসনালি, যা দিয়ে শ্বাস নেয়। একটি খাদ্যনালি, যা দিয়ে খাদ্য ও পানীয় গ্রহণ করে। দুটি নালি, যা দিয়ে রক্ত চলাচল করে। কোনো পশু জবাই করার সময় যখন এই চারটি নালির কমপক্ষে তিনটি কাটা হয়, তখন জবাই সম্পন্ন হয় এবং পশুটি হালাল হয়। তা না হলে হালাল হয় না।

أصح الأجوبة في الأكثر عنه إذا قطع الحلقوم والمرئي والأكثر من كل ودجين يؤكل وما لا فلا^৩.

গলার কোন জায়গায় জবাই করবে?

গলার যে কোনো জায়গায় জবাই করা যায়। মাঝে, উপরে বা নিচে।

وفي الجامع الصغير: لا بأس بالذبح في الحلق كله وسطه وأعلى وأسفله؛ والأصل فيه قوله عليه السلام: الذكاة ما بين اللبة واللحين^৪.

১. ফাতাওয়া হিন্দিয়া, ৫/৩০৩; দূররে মুখতার, জাকারিয়া, ৯/৪৭৭; আনহুর, ৪০

২. দূররে মুখতার, বৈরুত, ৯/৪০০; দূররে মুখতার, জাকারিয়া, ৯/৪৭৭

৩. ফাতাওয়া শামি, বৈরুত, ৯/৩৫৬; ফাতাওয়া শামি, জাকারিয়া, ৯/৪২৬; ফাতাওয়া হিন্দিয়া, ৫/২৮৭; আল-বাহরুর রায়েক, জাকারিয়া, ৯/৩১০; ফাতাওয়া তাতারখানিয়া, জাকারিয়া, ১৭/৩৯৩

৪. ফাতাওয়া শামি, বৈরুত, ৯/৩৫৫; ফাতাওয়া শামি, জাকারিয়া, ৯/৪২৪; আল-বাহরুর রায়েক, জাকারিয়া, ৯/৩০৯; ফাতাওয়া তাতারখানিয়া, জাকারিয়া, ১৭/৩৯২

উট জবাই করার পদ্ধতি

উট হালাল করার উত্তম পদ্ধতি হল, নহর করা। নহর হল, দাঁড়ানো অবস্থায় উটের সামনের বাম পা বেঁধে গলার নিচের দিকে বর্ষা (বা ছুরি) দিয়ে আঘাত করা, যেন গলার শিরাগুলো কেটে রক্ত বের হতে শুরু করে। রক্ত ঝরতে ঝরতে এক সময় নিচে পড়ে যাবে। আর উটকে গরু-মহিষের মতো শোয়ায়ে জবাই করলেও হালাল হবে। তবে তা অনুত্তম।

قال البركتي : هو قطع عروق الإبل الكائنة في أسفل عنقها عند صدورها^১.
يستحب في النحر أن تكون الإبل قائمة على ثلاث معقولة اليد اليسرى فإن أضجعها جاز^২.

আরব দেশগুলোতে এখনো উটকে সাধারণত নহরই করা হয়। ওখানে এটাই প্রচলিত। কিন্তু আমাদের দেশে যেহেতু উট কুরবানি খুব একটা হয় না, তাই এখানে সাধারণত নহর করা হয় না। গরু-মহিষের মতো মাটিতে শুইয়ে জবাই করা হয়। কোনো কোনো এলাকার ব্যাপারে শুনেছি, ওখানে উট জবাই করার সময় গলার তিন জায়গায় ছুরি চালানোকে জরুরি মনে করা হয়। এটা একদমই ভিত্তিহীন। গলার এক জায়গায় ছুরি চালিয়ে নালিগুলো কেটে ফেললে অন্য জায়গায় ছুরি চালানোর কোনোই প্রয়োজন নেই।

ঘাড়ের দিকে জবাই করা

গলার পরিবর্তে ঘাড়ের দিকে জবাই করা মাকরুহ। তবে শিরাগুলো কেটে গেলে জবাই হয়ে যাবে।

وكره بعده كالجر برجلها إلى المذبح وذبحها من قفاها^৩.

নারীদের জবাইকৃত পশু

নারীরা পশু জবাই দিতে পারবে। নিঃসন্দেহে তাদের জবাইকৃত পশু হালাল।

فتحل ذبيحتها ولو الذابح مجنوناً أو امرأة^৪.

১. আল-মাউসুয়াতুল ফিকহিয়াহ, ৪০/১২০

২. আল-মাউসুয়াতুল ফিকহিয়াহ, ৪০/১২২

৩. দূররে মুখতার, বৈরুত, ৯/৩৫৭; দূররে মুখতার, জাকারিয়া, ৯/৪২৬; ফাতাওয়া হিন্দিয়া, ৫/২৮৭; আল-বাহরুর রায়েক, জাকারিয়া, ৯/৩১১; বাদায়েউস সানায়ে, ৪/১৮৯;

৪. দূররে মুখতার, বৈরুত, ৯/৩৫৯; দূররে মুখতার, জাকারিয়া, ৯/৪৩০; আল-বাহরুর রায়েক, জাকারিয়া, ৯/৩১১; এলাউস সুনান, ১৭/৯২; মাবসুতে সারাখসি, বৈরুত, ১২/৫

অপ্রাপ্তবয়স্ক বাচ্চার জবাইকৃত পশু

অপ্রাপ্তবয়স্ক বুঝদার বাচ্চা 'বিসমিল্লাহ' বলে জবাই করতে সক্ষম হলে তার জবাইকৃত পশু নিঃসন্দেহে হালাল।

فتحل ذبيحتها ولو الذابح مجنوناً أو امرأة أو صبياً يعقل التسمية والذبح^১।

বোবার জবাইকৃত পশু

বোবা মুসলমান হলে তার জবাইকৃত পশু হালাল। কারণ, সে ওজরের কারণে বিসমিল্লাহ বলতে অক্ষম। তাই তার মুসলমান হওয়াই যথেষ্ট।

وأخرس (الدر المختار) مسلماً أو كتابياً لأن عجزه عن التسمية لا يمنع صحة ذكاته كصلاته^২।

হিজড়ার জবাইকৃত পশু

হিজড়া মুসলমান হলে তার জবাইকৃত পশু হালাল।

الخنثى والمخنث تجوز ذبيحتهما^৩।

কাদিয়ানির জবাইকৃত পশু

কাদিয়ানির অমুসলিম। তাই তাদের জবাইকৃত পশু হারাম। তারা যদি বিসমিল্লাহ বলে জবাই করে, তবুও হারাম। কারণ, কোনো অমুসলিম বিসমিল্লাহ বললেও পশু হালাল হয় না। তাদের জবাইকৃত পশুর হুকুম ঠিক মৃত জন্তুর মতো।

وشرط كون الذابح مسلماً حلالاً^৪।

মেশিনে পশু জবাই^৫

মেশিনে পশু জবাইয়ের ক্ষেত্রে লক্ষণীয় হল—সুইচ টিপ দেওয়ার সময় বিসমিল্লাহ পড়তে হবে, সুইচ টিপদাতা মুসলমান হতে হবে এবং উপরোল্লিখিত রূগণগুলো

১. দুররে মুখতার, বৈরুত, ৯/৩৫৯; দুররে মুখতার, জাকারিয়া, ৯/৪৩০; ফাতাওয়া হিন্দিয়া, ৫/২৮৫; আল-বাহরুর রায়েক, জাকারিয়া, ৯/৩০৬; ফাতাওয়া সিরাজিয়াহ, ৩৮১

২. ফাতাওয়া শামি, বৈরুত, ৯/৩৬০; ফাতাওয়া শামি, জাকারিয়া, ৯/৪৩১; ফাতাওয়া হিন্দিয়া, ৫/২৮৬; আল-বাহরুর রায়েক, জাকারিয়া, ৯/৩০৬; ফাতাওয়া সিরাজিয়াহ, ৩৮০

৩. ফাতাওয়া হিন্দিয়া, ৫/২৮৬; মাসায়েলে কুরবানি ও আকিকা, ৪২

৪. ফাতাওয়া শামি, জাকারিয়া, ৯/৪২৭; ফাতাওয়া হিন্দিয়া, ৫/২৮৫; আহসানুল ফাতাওয়া, ৭/৪০২; ফাতাওয়া মাহমুদিয়া, ডাভেল, ১৭/২৩৫; জামেউল ফাতাওয়া, ৪/৩৬৩; আপকে মাসায়েল, ৪/২১৮; আজিজুল ফাতাওয়া, ৬৯৭; মাসায়েলে কুরবানি ও আকিকা, ৪২

৫. 'মেশিনে পশু জবাই' এই শিরোনামের অধীনে উল্লেখিত রচনা-অংশ সম্পাদকের পক্ষ থেকে সংযোজিত।

কাটা যেতে হবে। যদি মেশিনের মাধ্যমে কোনোরূপ বৈদ্যুতিক শক, ভারী আঘাত, গুলি বা মেডিসিন পুশ করার মাধ্যমে পশুকে নিস্তেজ করা হয়, তাহলে তা পশু জবাই হবে না, পশু হত্যা বলে বিবেচিত হবে। এ ক্ষেত্রে উক্ত পশু খাওয়া যাবে না এবং কুরবানির ক্ষেত্রে কুরবানিও আদায় হবে না।^১

কুরবানির পশুর সাথে আচরণ^২

উল্লেখ্য, কুরবানির পশুর সাথে অবশ্যই ভালো আচরণ করতে হবে। তাই জবাইয়ের ক্ষেত্রে পশুকে অতিরিক্ত কষ্ট দেওয়া থেকে বিরত থাকতে হবে। এ জন্য জবাইয়ের ছুরি আগেই ভালোভাবে শান দিতে হবে, পশুকে পাশে শুইয়ে রেখে তা ধার দেবে না। ছুরির মাথা দিয়ে জবাইয়ের স্থানে অযথাই খোঁচাখুঁচি করা থেকে বিরত থাকতে হবে। অস্থি যেন না কাটে, সেদিকে খেয়াল রাখতে হবে। মাথা যেন বিচ্ছিন্ন না হয়, সেদিকে খেয়াল রাখতে হবে। পশুকে শক্ত করে বেঁধে নিতে হবে। পশুকে এক জায়গায় শুইয়ে সেখান থেকে আরেক জায়গায় টেনে-হিঁচড়ে নেওয়া থেকে বিরত থাকতে হবে। পশু জবাইয়ের পর নিস্তেজ হওয়ার আগেই চামড়া ছিলা, কোনো অঙ্গ কর্তন করা এবং চামড়া ছিলানো থেকে বিরত থাকতে হবে।

এক পশুর সামনে আরেক পশু জবাই থেকে যথাসম্ভব বিরত থাকতে হবে। প্রয়োজন ছাড়া এমনটি মাকরুহ। শহরে জায়গার সংকট থাকায় একই গ্যারেজে একাধারে অনেক পশু জবাই হতে দেখা যায়। কসাইয়ের স্বল্পতায় এক পশু জবাইয়ের পর সেটির কাটাকাটি শেষ হওয়া পর্যন্ত আরেক পশু জবাইয়ের জন্য অপেক্ষা করতে হয় এবং অন্যান্য পশুর সামনেই জবাইকৃত পশু কাটাকাটি করা হয়। এ সব জীবিত পশুর জন্য কষ্টকর। এ সব সংকট থেকে বের হওয়ার ব্যবস্থা নিজেদেরই করতে হবে। যেমন : পাশাপাশি বা সামনাসামনি দুই ভবন-মালিক কথা বলে জীবিত পশুগুলোকে এক গ্যারেজে রেখে আরেক গ্যারেজে পশু জবাই করা; বড় পর্দার ব্যবস্থা করে জীবিত পশুগুলোকে পর্দার আড়ালে রাখা; কোনো পশু এখনই জবাই না করলে সেটিকে বাইরে নিয়ে রাখা এবং সেটির সামনে অন্য পশু জবাই ও কাটাকাটি না করা ইত্যাদি।

১. ফাতাওয়া শামি ৩/৩২৬; ফাতাওয়া আলমগিরি, ১/২৮০

২. 'কুরবানির পশুর সাথে আচরণ' এই শিরোনামের অধীনে উল্লেখিত রচনা-অংশ সম্পাদকের পক্ষ থেকে সংযোজিত।

কুরবানিতে উৎসাহ, অতিউৎসাহ^১

কুরবানির পশু নিয়ে আমাদের উৎসাহের শেষ থাকে না। উৎসাহ থাকা মন্দ নয়। তবে সেই উৎসাহ যেন অতিউৎসাহ না হয়, সেদিকে খেয়াল রাখতে হবে। পশুর ছবি সামাজিক যোগাযোগ মাধ্যমে পোস্ট করে নিজের কুরবানিকে লোকদেখানো প্রচার ও প্রদর্শনের কুরবানিতে যেন পরিণত ন ফেলি, সেদিকে খেয়াল রাখতে হবে। পশুসজ্জায় যেন বাড়াবাড়ি ও অপচয় না হয়, তাও খেয়াল রাখতে হবে। অনেক জায়গায় পশু জবাইয়ের পর রক্ত নিয়ে গায়ে-মুখে মাখতে দেখা যায়—এই কাজ অত্যন্ত গর্হিত; পরন্তু নাপাক রক্ত গায়ে মাখাকে বরকতের কারণ মনে করার কোনোই কারণ নেই। এ সব অতিউৎসাহ থেকে আমাদের বেঁচে থাকতে হবে।

অতিউৎসাহের আরেক মাত্রা লক্ষ করা যায় পশুর হাটে। যারা হাটের আয়োজন করেন, তাদেরকে মনে রাখতে হবে—মহিমাবিত একটি ইবাদতের সূত্র ধরেই পশুর এই হাট বসানো হয়েছে। সেই হিসেবে পশুর হাট কুরবানির একটি আগাম-উপসর্গ এবং ইবাদতের উপলক্ষ্য। যারা হাটে আসেন, পবিত্র একটি ইবাদতের প্রকৃতি নিতেই হাটে আসেন। তাদের মধ্যে অনেক পরহেজগার-মুত্তাকি মানুষও থাকেন। তাই পশুর হাটে শরিয়তগর্হিত কর্মকাণ্ড বন্ধ রাখা খুবই জরুরি। গান-বাজনা সব সময়ই ভয়াবহ গুনাহের কাজ। পশুর হাটে উচ্চ আওয়াজে গান-বাজনার আয়োজন আরও গর্হিত কাজ। হাটের আয়োজকগণকে এই ধরনের অন্যায় উদ্যোগ থেকে বিরত থাকতে হবে। এলাকার গণ্যমান্য প্রভাবশালী ব্যক্তিবর্গ ও ইমাম সাহেবগণকেও হাটের আয়োজকদের বুঝিয়ে-শুনিয়ে পশুর হাটে গানবাজনা বন্ধ করানোর জন্য ভূমিকা রাখতে হবে। বলাবাহুল্য, এখন অনেক সুন্দর ও শ্রুতিমধুর ইসলামি সংগীত অহরহ পাওয়া যাচ্ছে। গানবাজনার পরিবর্তে তাদেরকে ইসলামি সংগীত চালানোর পরামর্শ দেওয়া যেতে পারে।

পশু কাটাকাটি শেষে করণীয়^২

পশু জবাইয়ের পর অত্যন্ত গুরুত্বপূর্ণ একটি লক্ষণীয় বিষয় হল পরিচ্ছন্নতা। ইসলামে পরিষ্কার-পরিচ্ছন্নতার গুরুত্ব অনেক। আর ইসলামের একটি বিধান পালন করতে গিয়ে পরিবেশ অপরিচ্ছন্ন করে রাখা সাধারণ বিবেকেই একটি গর্হিত কাজ। তাই কুরবানিদাতা ও স্থানীয় প্রশাসনের গুরুদায়িত্ব হল, কুরবানি শেষে সব ধরনের বর্জ্য পরিষ্কার করে রাখা এবং পরিবেশ দুর্গন্ধমুক্ত রাখা।

১. ‘কুরবানিতে উৎসাহ, অতিউৎসাহ’ এই শিরোনামের রচনা-অংশ সম্পাদকের পক্ষ থেকে সংযোজিত।

২. ‘পশু কাটাকাটি শেষে করণীয়’ এই শিরোনামের রচনা-অংশ সম্পাদকের পক্ষ থেকে সংযোজিত।

কুরবানির গোশত ও চামড়া-সংক্রান্ত মাসায়েল

কুরবানির গোশত কীভাবে বণ্টন করবে?

সবচেয়ে উত্তম হল, কুরবানির গোশত তিন ভাগে ভাগ করবে। এক ভাগ গরিব-মিসকিনকে দেবে। আরেক ভাগ আত্মীয়স্বজন ও বন্ধুবান্ধবদের দেবে। আরেক ভাগ নিজের পরিবার-পরিজনের জন্য রাখবে। কুরবানির গোশত নিজেরা খাওয়াও মুস্তাহাব ও সওয়াবের কাজ। কারও যদি প্রয়োজন হয়, তাহলে কুরবানির গোশতের পুরোটাই নিজের পরিবারের জন্য রাখতে পারে। আবার কেউ চাইলে পুরোটাই সদকা করে দিতে পারে।

والأفضل أن يتصدق بالثلث ويتخذ الثلث ضيافة لأقربائه وأصدقائه ويدخر الثلث، ويستحب أن يأكل منها ولو حبس الكل لنفسه جاز^১ .
ونحب ألا تنقص الصدقة من الثلث^২ .

কুরবানি গোশত দিয়ে ওলিমার দাওয়াত

কুরবানির গোশত দিয়ে আত্মীয়স্বজন, বন্ধুবান্ধবকে ওলিমার দাওয়াত খাওয়ানো যায়।

والأفضل أن يتصدق بالثلث ويتخذ الثلث ضيافة لأقربائه وأصدقائه ويدخر الثلث، ويستحب أن يأكل منها ولو حبس الكل لنفسه جاز^৩ .

১. ফাতাওয়া শামি, জাকারিয়া, ৯/৪৭৪; বাদায়েউস সানায়ে, জাকারিয়া, ৪/২২৪; ফাতাওয়া হিন্দিয়া, ৫/৩০০; ফাতাওয়া তাতারখানিয়া, জাকারিয়া, ১৭/৪৩৭; জাওয়াহেরুল ফিকহ, ১/৪৫১; ফাতাওয়া মাহমুদিয়া, ১৭/৪৩০; আপকে মাসায়েল, ৪/২০৭

২. মাজমাউল আনহুর, ৪/১৭৪

৩. ফাতাওয়া শামি, জাকারিয়া, ৯/৪৭৪

ولم يذكر الوليمة وينبغي أن تجوز لأنها تقام شكراً لله تعالى على نعمة النكاح
وردت بها السنة^١.

অমুসলিমকে কুরবানির গোশত দেওয়া

কুরবানির গোশত অমুসলিমদেরও দেওয়া যায়।

ويهب منها ما شاء للغني والفقير والمسلم والذمي^٢.
وللمضحي أن يهب كل ذلك أو يتصدق لغني أو فقير مسلم أو كافر^٣.

ওসিয়তকৃত কুরবানির গোশত

কেউ মৃত্যুর সময় তার পক্ষ থেকে কুরবানি করার ওসিয়ত করে গেল। এ ক্ষেত্রে সেই কুরবানির গোশত পুরোটা সদকা করে দেওয়া জরুরি। গরিব-মিসকিন ছাড়া অন্য কারও জন্য খাওয়া বৈধ নয়।

لوضحي عن ميت وأرثه بأمره ألزمه بالتصدق بها وعدم الأكل منها^٤.

কুরবানির গোশত বিক্রি করা

সাধারণভাবে কুরবানির গোশত বিক্রি করা বৈধ নয়। হয় নিজেরা খাবে, না হয় আত্মীয়স্বজন ও গরিব-মিসকিনদের দেবে। তবে গোশত যদি পরিমাণে এত বেশি হয়, দেওয়ার পরও রয়ে গেছে, এখন তা নষ্ট হওয়ার আশঙ্কা—তাহলে নষ্ট করার তুলনায় বিক্রি করে সেই টাকা গরিব-মিসকিনদের দিয়ে দেওয়া ভালো।

وفيه اللحم ولا يجوز أصلاً سواء باع بشيء ينتفع به أو بشيء لا ينتفع به^٥.

১. ফাতাওয়া শামি, জাকারিয়া, ৯/৪৭২

২. ফাতাওয়া হিন্দিয়া, ৫/৩০০; ফাতাওয়া তাতারখানিয়া, জাকারিয়া, ১৭/৪৩৭

৩. এনাউস সুনান, ১৭/২৫৮; আপকে মাসায়েল, ৪/২০৭; ফাতাওয়া মাহমুদিয়া, ১৭/৪৩০; কিতাবুল ফাতাওয়া, ৪/১৪৯

৪. ফাতাওয়া শামি, জাকারিয়া, ৯/৪৮৪; ফাতাওয়া তাতারখানিয়া, ৩/৩৫২; জামেউল ফাতাওয়া, ৪/৪৫৫

৫. ফাতাওয়া তাতারখানিয়া, জাকারিয়া, ১৭/৪৪১; দুররে মুখতার, জাকারিয়া, ৯/৪৭৫; মুলতাকাল আবহর, ৪/১৭৪; জাওয়াহেকুল ফিকহ, ১/৪৫২; মাসায়েলে কুরবানি ও আকিকা, ৪৪

কুরবানির চামড়া

কুরবানির চামড়া সদকা করে দেওয়াই সবচেয়ে ভালো। তবে কেউ চাইলে ওষুধ ইত্যাদির মাধ্যমে শুকিয়ে নিজের কাজেও লাগাতে পারে কিংবা কাঁচা চামড়া কাউকে দিয়ে এর পরিবর্তে দীর্ঘ সময় থাকবে এমন কোনো জিনিস—যেমন : প্লেট, বাটি ইত্যাদি—নিয়ে তা নিজে ব্যবহার করতে পারবে। টাকার বিনিময়ে বিক্রি করলে সে টাকা অবশ্যই সদকা করে দিতে হবে।

ويتصدق بجلدها أو يعمل منه نحو غربال وجراب وقربة وسفرة ودلو أو يبدله بما ينتفع به باقيا كما مر لا بمستهلك كخل ولحم ونحوه كدراهم فإن بيع اللحم أو الجلد به أي بمستهلك أو بدراهم تصدق بثمنه.^১

কুরবানির চামড়া বিক্রি করা হলে

কুরবানির চামড়া, গোশত ইত্যাদি বিক্রি করা হলে সেই টাকা সদকা করে দেওয়া ওয়াজিব। (উল্লেখ্য, অনেক জায়গায় পশু জবাইয়ের আগেই চামড়া বিক্রি হতে দেখা যায়। এ ধরনের বেচাকেনা শুদ্ধ নয়।)^২

فإن بيع اللحم أو الجلد به أي بمستهلك أو بدراهم تصدق بثمنه.^৩
فإن بدل اللحم أو الجلد به يتصدق به.^৪

কুরবানির চামড়া মাদরাসায় দান করা

কুরবানির চামড়া মাদরাসার গরিব ছাত্রদের জন্য দান করা যায়। এতে দ্বিগুণ সওয়াব হবে। একটি সদকার, অপরটি ইলমে দ্বীন প্রচারের কাজে সহায়তা করার।^৫

১. দুররে মুখতার, বৈরুত, ৯/৩৭৮; দুররে মুখতার, জাকারিয়া, ৯/৪৭৫; বাদায়েউস সানায়ে, জাকারিয়া, ৪/২২৫; তাবয়িনুল হাকায়েক, জাকারিয়া, ৬/৪৮৬; মাবসুত, সারাখসি, ১২/১৪; মাসায়েলে কুরবানি ও আকিকা, ৪৫

২. প্রথম বন্ধনীতে উল্লেখিত রচনা-অংশ সম্পাদকের পক্ষ থেকে সংযোজিত।

৩. দুররে মুখতার, জাকারিয়া, ৯/৪৭৫; হেদায়া, ৪/৪৩৪;

৪. মুলতাকাল আবহর, ৪/১৭৪; আহসানুল ফাতাওয়া, ৭/৪৮৬; কিতাবুল ফাতাওয়া, ৪/১৫১; মাসায়েলে কুরবানি ও আকিকা, ৪৩

৫. ফাতাওয়া মাহমুদিয়া, ১৭/৪৬২; কিতাবুল ফাতাওয়া, ৪/১৫২; জাওয়াহেরুল ফিকহ, ১/৪৫২

কুরবানির চামড়া মসজিদে দান করা

কুরবানির চামড়া এ উদ্দেশ্যে মসজিদে দান করা বৈধ নয় যে, তা বিক্রি করে মসজিদের কাজে লাগানো হবে। তেমনভাবে মসজিদের ইমাম, মুয়াজ্জিন বা খাদেমকে বেতন বাবদ কুরবানির চামড়া দেওয়া বৈধ নয়।^১

চামড়ার টাকা দিয়ে বেতন দেওয়া

কুরবানির চামড়ার বিক্রিলব্ধ টাকা সরাসরি মাদরাসার শিক্ষক-কর্মচারীদের বেতন বাবদ খরচ করা বৈধ নয়।^২

মাদরাসার মুহতামিমকে মালিক বানিয়ে দিলে

কুরবানিদাতা মাদরাসার মুহতামিমকে চামড়ার সম্পূর্ণ মালিক বানিয়ে দিল। তিনি সে চামড়া নিজ কজায় নিয়ে কারও কাছে বিক্রি করলেন। সেই টাকা তিনি মাদরাসার যে কোনো কাজে—শিক্ষকদের বেতন প্রদান, ভবন নির্মাণ ইত্যাদিতে—সরাসরি খরচ করতে পারবেন।^৩

وللمضحي أن يهب كل ذلك أو يتصدق به أو يهديه بغني أو فقير مسلم أو كافر^৪.

বি. দ্র. : যদি মুহতামিম সাহেবকে চামড়ার মালিক না বানানো হয়, তা বিক্রি করার জন্য শুধু উকিল বা প্রতিনিধি বানানো হয় (সাধারণত যা হয়), তাহলে এ টাকা শুধু গরিব ছাত্রদের পেছনেই ব্যয় করতে হবে। অন্য কোনো কাজে ব্যয় করা যাবে না।^৫

কাউকে চামড়া দিয়ে কাপড় নেওয়া

কুরবানিদাতা কাউকে কুরবানির চামড়া বা গোশত দিয়ে এর পরিবর্তে তার কাছ থেকে কিছু কাপড় নিল। সেই কাপড় ব্যবহার করা তার জন্য বৈধ হবে। এর মূল্য সদকা করতে হবে না।

১. ফাতাওয়া মাহমুদিয়া, মিরাস, ২৬/৩৭৮-৩৭৯

২. জাওয়াহেরুল ফিকহ, ১/৪৫২

৩. ফাতাওয়া মাহমুদিয়া, ১৪/২৫৬, ২৭৯

৪. এলাউস সুনান, ১৭/২৬২

৫. ফাতাওয়া দারুল উলুম দেওবন্দ, ১৫/৫৮৭

والصحيح كما في الهداية وشروحها أنهما سواء في جواز بيعهما بما ينتفع بعينه دون ما يستهلك، وأيده في الكفاية بما روى ابن سماعة عن محمد : لو اشترى باللحم ثوبا فلا بأس بلبسه^٧.

কাউকে গোশত দিয়ে ফলমূল নেওয়া

কুরবানিদাতা কাউকে কুরবানির গোশত দিয়ে এর পরিবর্তে তার কাছ থেকে ফলমূল কিংবা খাবারজাতীয় অন্য কিছু নিলে তা খাওয়া তার জন্য বৈধ হবে।

اشترى بلحمها مأكولا فأكله لم يجب عليه التصدق بقيمته استحسانا^٨.

কুরবানি চামড়া হাদিয়া দেওয়া

কুরবানি চামড়া কাউকে হাদিয়া হিসেবে দেওয়া যায়। গরিবদের যেমন দেওয়া যায়, ধনীদেরও দেওয়া যায়।

مستفاد : لكن إذا دفع لغنى ثم دفع إليه بنيتها يحسب^٩.

কুরবানির পশু দুধ দিলে

কুরবানি পশু দুধ দিলে তা নিজেরা খেতে পারবে না। দোহনই করবে না। দোহন করলে সদকা করে দিতে হবে।

ويكره الانتفاع بلبنها فإن كانت التضحية قريبا نضح ضرعها بالماء البارد وإلا حلب به وتصدق به^٨.

বি. দ্র. এ বিধান তখনই, যখন পশুকে বাড়িতে ঘাস ইত্যাদি দিতে না হয়। মাঠে-ময়দানে ঘুরে ঘুরে নিজেই পেট ভরে নেয়। পক্ষান্তরে যদি বাড়িতে তার

১. ফাতাওয়া শামি, বৈরুত, ৯/৩৯৮; ফাতাওয়া শামি, জাকারিয়া, ৯/৪৭৫; ফাতাওয়া তাতারখানিয়া, জাকারিয়া, ১৭/৪৪১; এলাউস সুনান, ১৭/২৮৬

২. ফাতাওয়া শামি, বৈরুত, ৯/৩৯৮; ফাতাওয়া শামি, জাকারিয়া, ৯/৪৭৫; ফাতাওয়া তাতারখানিয়া, ১৭/৪৪১; ফাতাওয়া হিন্দিয়া, ৫/৩০১; দুররে মুনতাকা, ৪/১৭৫

৩. ফাতাওয়া শামি, বৈরুত, ৯/৩৯৮; ফাতাওয়া শামি, জাকারিয়া, ৯/৩৭৫; দুররে মুনতাকা, বৈরুত, ৪/১৭৫; কেফয়াতুল মুফতি, ৮/২৪৩

৪. ফাতাওয়া শামি, বৈরুত, ৯/৩৯৯; ফাতাওয়া শামি, জাকারিয়া, ৯/৪৭৬

ঘাস ইত্যাদির ব্যবস্থা করতে হয় (সাধারণত এমনই হয়), তাহলে তার দুধ সদকা করা জরুরি নয়, নিজেরাও খেতে পারবে।

ولو اشترى بقرة حلوبة وأوجئها أضحية فاكسب مالا من لبنها ليتصدق بمثل ما اكتسب ويتصدق بروثها؛ فإن كان يعلفها فما اكتسب من لبنها أو انتفع من روثها فهو له ولا يتصدق بشيء كذا في محيط السرخسي^১.

কুরবানির পশুর উপর আরোহণ করা

কুরবানির জন্য নির্ধারিত পশুর উপর আরোহণ করা, বোঝা বহন করা, তাকে দিয়ে গাড়ি টানানো ইত্যাদি কোনোটাই বৈধ নয়।

ولا يركبها ولا يحمل عليها شيئاً^২.

কোনো কাজের জন্য কুরবানির পশু ভাড়া দেওয়া

কোনো কাজের জন্য কুরবানির পশু ভাড়া দেওয়া বৈধ নয়। যদি দেওয়া হয়, তাহলে সেই অর্থ অবশ্যই সদকা করে দিতে হবে।

ولا يؤاجرها فإن فعل تصدق بالأجرة^৩.

কুরবানির পশুর রশি

কুরবানির চামড়ার সাথে রশিও সদকা করে দেওয়া উচিত।

ويتصدق بجلدها وكذا بجلالها وقلائدها^৪.

কসাইয়ের পারিশ্রমিক

কুরবানির পশু জবাইকারীর পারিশ্রমিক এবং কসাইয়ের পারিশ্রমিক আলাদাভাবে দেওয়া উচিত। চামড়া কিংবা গোশত দিয়ে তা দেওয়া বৈধ নয়।

১. ফাতাওয়া আলমগিরি, ৫/৩০১

২. দুররে মুখতার, বৈরুত, ৯/৩৯৯

৩. দুররে মুখতার, বৈরুত, ৯/৩৯৯

৪. ফাতাওয়া শামি, জাকারিয়া, ৯/৪৭৪; ফাতাওয়া হিন্দিয়া, ৫/৩০০; ফাতাওয়া তাতারখানিয়া জাকারিয়া, ১৭/৪৪২

ولا يعطي أجر الجزار منها لأنه كبيع ... والبيع مكروه فكذا ما في معناه.^১

চুল-নখ ইত্যাদি কাটবে না

যার কুরবানি করার ইচ্ছা আছে, তার জন্য উত্তম হল, জিলহজের চাঁদ ওঠার পর থেকে কুরবানি করা পর্যন্ত চুল-নখ ইত্যাদি না কাটা।

قال رسول الله صلى الله عليه وسلم: إذا رأيتم هلال ذي الحجة وأراد أحدكم أن يضحى فليمسك عن شعره وأظفاره.^২

قال العثماني في إعلاء السنن: والنهي محمول عندنا على خلاف الأولى.^৩

গরিবদের গোশত দানের ক্ষেত্রে লক্ষণীয়ঃ

গোশত বণ্টনের সুন্নত হল, তিন ভাগে বণ্টন করা। এক ভাগ নিজের জন্য, এক ভাগ আত্মীয়দের জন্য, এক ভাগ গরিবদের জন্য।

এই বণ্টনের ক্ষেত্রে কিছু বিষয় লক্ষণীয়—

এক. অনেক অস্বচ্ছল আছেন, যারা হাত পাতেন। অনেকে চক্ষুলজ্জায় হাত পাতেন না। যারা চক্ষুলজ্জায় হাত পাতেন না, তাদের খোঁজ নিয়ে তাদের ঘরে ঘরে গোশত পৌঁছে দেওয়া।

দুই. যারা হাত পাতেন, গোশত কাটাকাটির সময় সেখানে ভিড় করেন অথবা দুয়ারে দুয়ারে ঘোরেন, তাদের হাতে নিজের দায়িত্ব হিসেবে গোশত তুলে দেওয়া। এ ক্ষেত্রে তাদের সঙ্গে রাগারাগি করা, তাদের তুচ্ছ-তাচ্ছিল্য করা, এখন নয় একটু পর—এভাবে তাদের বারবার ঘোরাতে থাকা এবং অপেক্ষা করাতে থাকা, বিশালাকারে ভিক্ষুক জমায়েত করে একটি জামিদারি ও প্রভুসুলভ ভাবভঙ্গিমা নিয়ে গোশত বিতরণ করতে থাকা, ভিক্ষুকদের হাতে গোশত তুলে দেওয়ার সময় যে কোনোভাবে নিজের অহংবোধ প্রকাশ করা কিছুতেই ইসলামের আদর্শ ও সুমহান শিক্ষা নয়। বিশেষত কুরবানির গোশতের ক্ষেত্রে, যা আমার

১. দূররে মুখতার জাকারিয়া, ৯/৪৭৫; আল-বাহরুর রায়েক, ৯/৩২৭; ফাতাওয়া তাতারখানিয়া, ১৭/৪৪২; ফাতাওয়া হিন্দিয়া, ৪/৪৩৪; জাওয়াহেরুল ফিকহ, ১/৪৫২

২. সহিহ মুসলিম, ২/১৬০

৩. এনাউস সুনান, ৭/২০৮; আহাম মাসায়েল, ১৬৯

৪. 'গরিবদের গোশত দানের ক্ষেত্রে লক্ষণীয়' এই শিরোনামের অধীনে উল্লেখিত রচনা-অংশ সম্পাদকের পক্ষ থেকে সংযোজিত।

জন্য খাওয়ার সুযোগই না থাকার কথা ছিল, যা কেবলই আল্লাহর জন্য উৎসর্গ করা হয় এবং যা নিজের গোশত খাওয়ার নিয়তে জবাই-ই করা যায় না, সেই ইবাদতের ক্ষেত্রে গরিবদের হাতে গোশত তুলে দেওয়ার সময় নিজের অহমকে প্রশয় দেওয়া এবং নিজেকে মহান দাতা ও করুণাময় ভাবনা করা একজন প্রকৃত মুসলমানের জন্য নিতান্তই লজ্জাজনক!

মনে রাখতে হবে, কুরবানি করা এবং কুরবানির গোশত বিতরণ একটি ইবাদত। এই ইবাদতের লক্ষ্য হল, নিজের আত্মবোধ ও বড়ত্বকে ধুয়েমুছে ফেলা। সুতরাং যেখানে নিজেকে বিলীন করতে হবে, নিজের ভিতর বিনয়-বিন্দ্রতা সৃষ্টি করতে হবে, সেখানে যেন অহমের অসংগত চর্চা না হয়। ইবাদতের লক্ষ্যই যেনো হতছাড়া না হয়ে যায়।

তিন. সামাজিক বণ্টন।

বিভিন্ন জায়গায় গোশতের সামাজিক বণ্টনের বিভিন্ন প্রথা চালু আছে। সকল প্রথার সারাংশ হল, সমাজের নেতৃস্থানীয় মানুষের তত্ত্বাবধানে কুরবানিদাতাদের থেকে গোশত উঠিয়ে একত্র করে সেগুলো গরিবদের এবং কুরবানি দিতে না পারা মধ্যবিত্ত পরিবারে পৌঁছে দেওয়া। শরিয়তের দৃষ্টিতে এ ধরনের সামাজিক বণ্টন বৈধ হওয়ার প্রক্রিয়া খুবই জটিল। বিষয়টি বোঝার জন্য এ ধরনের সামাজিক বণ্টনের সমস্যাগুলো আগে বুঝতে হবে।

কুরবানির গোশত বণ্টন কোনো সামাজিক বা সঙ্ঘবদ্ধ ইবাদত নয়। এটি ব্যক্তিগত ইবাদত। রাসুল সাল্লাল্লাহু আলাইহি ওয়া সাল্লাম এবং সাহাবায়ে কেরাম কুরবানির গোশতের সামাজিক বণ্টন করেননি। সঙ্ঘবদ্ধভাবে নামাজ আদায় করলেও পশু জবাই এবং গোশত বণ্টন সঙ্ঘবদ্ধভাবে হয়নি তাদের সময়ে। কারণ, কুরবানির গোশত ব্যক্তিগত বণ্টনে নিজের চাহিদামতো বণ্টন করা যায়। নিজের কতটুকু রাখা প্রয়োজন, কাকে কতটুকু দেওয়া প্রয়োজন, বিশেষ সম্পর্কীয় অভাবীকে একটু বেশি দেওয়ার প্রয়োজন ইত্যাদি বিষয় স্বাধীনভাবে বিবেচনা করা যায়। ব্যক্তিগত বণ্টন হলে অপছন্দের মানুষের এবং হারাম উপার্জনকারীর গোশত গ্রহণ থেকে বেঁচে থাকা যায়। শরিয়ত এ সব কল্যাণকর দিক বিবেচনা করেই গোশত বণ্টনকে ব্যক্তিগত ইবাদতের পর্যায়ে রেখেছে। কিন্তু সামাজিক বণ্টনের মাধ্যমে এই ইবাদাত আর ব্যক্তিগত ইবাদত থাকে না। এ কর্মপন্থা শরিয়তের নির্দেশনা ও চাহিদাবিরোধী। পরন্তু সামাজিক বণ্টনের মাধ্যমে কুরবানিদাতার মনে সুষম বণ্টনের তৃপ্তি না আসার সম্ভাবনা থাকে। অনেক পরিবার নিজেদের অভাব-অনটন চক্ষুলজ্জায় এবং আরও বিবিধ কারণে

লুকিয়ে রাখে। এই ধরনের পরিবারকে পাশ্চবর্তী বা বিশেষ সম্পর্কীয় পরিবার যতটুকু ব্যক্তিগতভাবে চেনে, সমাজসঙ্ঘ সেভাবে না-ই চিনতে পারে। সে ক্ষেত্রে এমনও হয়ে থাকে, ব্যক্তিগত বন্টনে পরিবারটি যতটুকু ও যেভাবে সম্মানের সঙ্গে পাওয়ার কথা ছিল, সামাজিক বন্টনে ততটুকু ও সেভাবে সম্মানের সঙ্গে পায় না। তা ছাড়া সামাজিক বন্টনে পক্ষপাতমূলক বন্টনের সম্ভাবনাও প্রবল থাকে, আবার এতে সবার স্বতঃস্ফূর্ততাও থাকে না। অনেকে বাধ্য হয়ে সমাজসঙ্ঘে অংশগ্রহণ করেন, অনেকে আবার সমাজ রক্ষার ভয়ে সমাজসঙ্ঘে অংশগ্রহণ করেন।

কুরবানির গোশতের সামাজিক বন্টনের ক্ষেত্রে উপরিউক্ত সমস্যাগুলো সামনে দাঁড়ায়। সামাজিক বন্টন বৈধ হওয়ার জন্য এ সকল সমস্যা থেকে বেঁচে থাকতে হবে। মনে রাখতে হবে, যে কোনো কাজের লক্ষ্য মহৎ হলেই হবে না, কাজের প্রক্রিয়া ও পদ্ধতিও শুদ্ধ হতে হবে।

তাকবিরে তাশরিক

৯ জিলহজের ফজর থেকে ১৩ জিলহজের আসর পর্যন্ত প্রত্যেক ফরজ নামাজের পর ইমাম, মুক্তাদি, একা নামাজ আদায়কারী, নারী-পুরুষ সবার উপর (একবার) তাকবির তাশরিক বলা ওয়াজিব।

وأما وقته فأوله عقيب صلاة الفجر من يوم عرفة وآخره في قول أبي يوسف ومحمد عقيب صلاة العصر من آخر أيام التشريق^১۔

তাকবিরে তাশরিকের বাক্য

তাকবিরে তাশরিক প্রত্যেক ফরজ নামাজের পর একবার পড়া। এর বাক্যগুলো হল—

اللَّهُ أَكْبَرُ اللَّهُ أَكْبَرُ لَا إِلَهَ إِلَّا اللَّهُ وَاللَّهُ أَكْبَرُ اللَّهُ أَكْبَرُ وَلِلَّهِ الْحَمْدُ^২۔

কীভাবে বলবে?

পুরুষরা উচ্চৈঃস্বরে এবং নারীরা নিম্নস্বরে বলবে।

والمرأة تخافت بالتكبير لأن صوتها عورة^৩۔

মাসবুকও তাকবিরে তাশরিক বলবে

মাসবুক—যার নামাজের প্রথম দিকে এক বা একাধিক রাকাত ছুটে গেছে—ছুটে যাওয়া রাকাত পূর্ণ করে যখন সালাম ফেরাবে, তখন তাকবিরে তাশরিক বলবে। (এবং ইমাম তাকবির না বললেও মুক্তাদিরা তাকবির বলবে।)

১. ফাতাওয়া হিন্দিয়া, ১/১৫২; তাবয়িনুল হাকায়েক, ১/৫৪৫; হালবি কাবির, ৫৭৪; আল-বাহরুল আমিক, ৩/১৪২৭

২. ফাতাওয়া শামি, জাকারিয়া, ৩/৬২; আল-বাহরুল আমিক, ৩/১৪৩১; ফাতাওয়া হিন্দিয়া, ১/১৫২; তাবয়িনুল হাকায়েক, ১/৫৪৫; হালবি কাবির, ৫৭৫

৩. তাবয়িনুল হাকায়েক, ১/৫৪৬; আল-বাহরুল আমিক, ৩/১৪৩৪; ফাতাওয়া হিন্দিয়া, ১/১৫২; দূররে মুখতার, জাকারিয়া, ৩/৬৪

وكذا يجب على المسبوق ويكبر بعد ما قضى ما فاته^١.

তাকবিরে তাশরিক বলার আগে কথা বলে ফেললে

তাকবিরে তাশরিক বলার আগে কথা বলে ফেললে আর তাকবির বলার সুযোগ থাকে না। তাই কথা বলার আগেই তাকবির বলা উচিত।

فلو خرج من المسجد أو تكلم عامداً أو ساهياً أو أحدث عامداً سقط عنه التكبير^٢.

তাকবিরে তাশরিক বলার আগে ওজু নষ্ট করে ফেললে

তাকবিরে তাশরিক বলার আগে ইচ্ছে করে ওজু নষ্ট করে ফেললে আর তাকবির বলার সুযোগ থাকে না। অর্থাৎ এরপর আর তাকবির বলাটা ওয়াজিব হিসেবে অবশিষ্ট থাকে না।

فلو خرج من المسجد أو تكلم عامداً أو ساهياً أو أحدث عامداً سقط عنه التكبير^٣.

তাকবিরে তাশরিক বলা ছাড়া মসজিদ থেকে বের হয়ে গেলে

কেউ মসজিদে নামাজ পড়ে তাকবিরে তাশরিক বলা ছাড়াই মসজিদ থেকে বের হয়ে গেল, তাহলে তাকবির বলার আর সুযোগ নেই। এ ক্ষেত্রে তাকবির বলা আর ওয়াজিব নয়।

فلو خرج من المسجد أو تكلم عامداً أو ساهياً أو أحدث عامداً سقط عنه التكبير^٤.

১. ফাতাওয়া হিন্দিয়া, ১/১৫২; তাবয়িনুল হাকায়েক, ১/৫৪৬; দূররে মুখতার, জাকারিয়া, ৩/৬৫; আল-বাহরুল আমিক, ৩/১৪৩৪

২. ফাতাওয়া শামি, জাকারিয়া, ৩/৬৩

৩. ফাতাওয়া শামি, জাকারিয়া, ৩/৬৩

৪. ফাতাওয়া শামি, জাকারিয়া, ৩/৬৩

তাকবির বলার আগে কেবলার দিক থেকে বুক ঘুরে গেলে

কেউ সালাম ফেরানোর পর তাকবিরে তাশরিক বলার আগেই বুক কেবলার দিক থেকে ঘুরিয়ে ফেলল। এ অবস্থায় তাকবির বলবে কি না? এ ব্যাপারে দু ধরনের বর্ণনা পাওয়া যায়। সর্তকতার দাবি হল, পড়ে নেওয়া।

وفي استقبال القبلة روايتان^১ .

তাকবির বলার আগে ওজু নষ্ট হয়ে গেলে

সালাম ফেরানোর পর তাকবির বলার আগে অনিচ্ছায় ওজু নষ্ট হয়ে গেল। তাহলে এ অবস্থাতেই তাকবির বলবে। তাকবির বলার জন্য নতুন করে ওজু করা জরুরি নয়।

ولو أحدث ناسيا بعد السلام الأصح أنه يكبر ولا يخرج للطهارة^২ .

তাকবিরে তাশরিক ও কাজা নামাজ^৩

৯ জিলহজের ফজর থেকে ১৩ জিলহজের আসর পর্যন্ত তাকবির পাঠের সময়ের মধ্যে বিগত দিনের কাজা নামাজ আদায় করলে কাজা নামাজের পর তাকবিরে তাশরিক পড়তে হবে না। আর এই সময়ের কোনো নামাজ কাজা হয়ে গেলে এবং তা এই সময়ের ভেতরেই কাজা আদায় করলে নামাজ শেষে তাকবিরে তাশরিক পড়তে হবে। তবে এই দিনগুলোর কাজা নামাজ এই দিনগুলো শেষ হওয়ার পরে আদায় করলে তখন আর তাকবিরে তাশরিক পড়তে হবে না।^৪

১. ফাতাওয়া শামি, জাকারিয়া, ৩/৬৩

২. ফাতাওয়া শামি, জাকারিয়া, ৩/৬৩

৩. 'তাকবিরে তাশরিক ও কাজা নামাজ' এই শিরোনামের অধীনে উল্লেখিত রচনা-অংশ সম্পাদকের পক্ষ থেকে সংযোজিত।

৪. খুলাসাতুল ফাতাওয়া, ১/২১৬; আন-নাহরুল ফায়েক, ১/৩৭৩; রদুল মুহতার, ২/১৭৯; ফাতহুল কাদিও, ২/৫৮; আল-বাহরুর রায়েক, ২/১৬৬

আকিকা

আকিকা কী?

কেউ সন্তান লাভ করলে শুকরিয়াস্বরূপ নবজাতকের পক্ষ থেকে যে পশু জবাই করা হয়, তাকেই আকিকা বলা হয়।

العقيقة في الاصطلاح : ما يذكى عن المولود شكرا لله تعالى بنية وشرائط مخصوصة^১।

নামকরণের কারণ

আকিকা শব্দটি ‘আকিক’ থেকে এসেছে। আকিক অর্থ ওই চুল যা জন্মের সময় শিশুর মাথায় থাকে। শিশুর পক্ষ থেকে পশু জবাই করার কাজটি যেহেতু সাধারণত সেই দিনই করা হয়, যে দিন তার মাথার চুল মুগুন করা হয়। এ কারণেই একে আকিকা বলে নামকরণ করা হয়েছে।

سميت بذلك لأنها تذبح حين يحلق عقيقه وهو الشعر الذي يكون على المولود حين يولد من العق وهو القطع لأنه يحلق ولا يترك؛ ذكره القاضي^২।

আকিকার হুকুম

আকিকা করা মুস্তাহাব, ওয়াজিব নয়।

وإنما أخذ أصحابنا الحنفية في ذلك بقول الجمهور وقالوا باستحباب العقيقة^৩।

আকিকা কে করবে?

শিশুর পিতাই তার আকিকা করবে, এটাই নিয়ম। তবে শিশুর নানা কিংবা নানার বাড়ির লোকজন করলে তাতেও কোনো অসুবিধা নেই। যেমন, রাসুলুল্লাহ

১. আল-মাউসুয়াতুল ফিকহিয়াহ, ৩০/২৭৬; মিরকাত শরহে মেশকাত, ৮/৭

২. মিরকাত শরহে মেশকাত, ৮/৭৪

৩. এলাউস সুনান : ১৭/১১৩; হাশিয়ায়ে তিরমিজি, ১/২৭৭; ফাতাওয়া দারুল উলুম, ১৫/৬০৫; মাসায়েলে কুরবানি, ৫৩

সাল্লাল্লাহু আলাইহি ওয়া সাল্লাম তাঁর নাতি হজরত হুসাইন রাজি.-এর পক্ষ থেকে আকিকা করেছিলেন।

قال رسول الله صلى الله عليه وسلم : من ولد له غلام فليعق عنه عن الإبل أو البقر أو الغنم^১.

عن عائشة رضي الله عنها قالت : عق رسول الله صلى الله عليه وسلم عن الحسن والحسين يوم السابع^২ ...

কয়টি পশু জবাই করবে?

ছেলে শিশুর পক্ষ থেকে দুটি আর মেয়ে শিশুর পক্ষ থেকে একটি খাসি বা ছাগল।

عن أم كرز قالت : سمعت النبي صلى الله عليه وسلم يقول : عن الغلام شاتان مكافئتان وعن الجارية شاة^৩.

দুটি খাসির সামর্থ্য না থাকলে

ছেলে শিশুর পক্ষ থেকে দুটি খাসি বা ছাগল জবাই করার সামর্থ্য না থাকলে একটি করলেও আকিকা হবে। আকিকা করার সামর্থ্য একদমই না থাকলে তাতেও কোনো সমস্যা নেই। কারণ, আকিকা করা ওয়াজিব নয়।

وأما الغلام ويحتمل أن يكون أقل النذب في حقه عقيقة واحدة و كماله ثنتان والحديث يحتمل أنه لبيان الجواز في الاكتفاء بالأقل^৪.

দুটি খাসি একসাথে জবাই করা জরুরি?

দুটি খাসি একসাথে জবাই করা জরুরি নয়। আজ একটি, সপ্তাহখানেক পর আরেকটি—এভাবে করলেও হবে।

১. এলাউস সুনান, ১৭/১২৮

২. এলাউস সুনান, ১৭/১১৫

৩. সুনানে ইবনে মাজা, ২২৮; জামে তিরমিজি, ১/২৭৮; মুসান্নাফে ইবনে আবি শায়বা, ১২/৩২২; এলাউস সুনান, ১৭/১১৫; সুনানে নাসায়ি, ২/১৬৭

৪. মিরকাত শরহে মেশকাত, ৮/৭৯-৮০; বেহেশতি জেওর, ৩/৪২; ফাতাওয়া দারুল উলুম, ১৫/৬০

أو دلالة على أنه لا يلزم من ذبح الشاتين أن يكون في يوم السابع فيمكن أنه ذبح عنه في يوم الولادة كبشا وفي السابع كبشا^١.

কুরবানির সাথে আকিকা

কুরবানির পশুতে আকিকার নিয়তে শরিক হওয়া যায়। কোনো অসুবিধা নেই। তবে সামর্থ্য থাকলে আকিকার জন্য খাসি কিংবা ছাগল জবাই করাই ভালো। وكذا لو أراد بعضهم العقيقة عن ولد ولد له من قبل^٢.

والكلام إنما هو في الإجزاء وأما الأفضلية فلا شك أنها في الغنم لحديث عائشة رضي الله عنها^٣.

কুরবানি ছাড়া অন্য সময় একটি বড় পশুতে কয়েকজনের আকিকা

কুরবানি ছাড়া অন্য সময় একটি বড় পশুতে কয়েকজনের আকিকা দেওয়া যায় কি না?—এ ব্যাপারে উলামায়ে কেরামের দু ধরনের অভিমতই রয়েছে। তবে গ্রহণযোগ্য মত হল, কুরবানির সময় যেমন বড় পশুতে কয়েকজনের আকিকা দেওয়া যায়, কুরবানি ছাড়া অন্য সময়ও দেওয়া যায়।^৪

আকিকা করলে বিপদ-আপদ কাটে

শিশুদের আকিকা করা হলে তাদের উপর থেকে বিপদাপদ কেটে যায়।

قال رسول الله صلى الله عليه وسلم: الغلام مرتهن بعقيقته يعني أنه محبوس سلامته عن الآفات بها ... والمعنى أنه كالشيء المرهون لا يتم الانتفاع والاستمتاع به دون فكه^٥.

ومعنى مرتهن ورهين قيل لا ينمو نمو مثله حتى يعق عنه^٦.

১. মিরকাত শরহে মেশকাত, ৮/৮০

২. ফাতাওয়া শামি, জাকারিয়া, ৯/৪৭২; ফাতাওয়া মাহমুদিয়া, মিরার্থ, ২৬/৪১২

৩. এলাউস সুনান, ১৭/১৩০

৪. কেফায়াতুল মুফতি, ৮/২৩৪; ফাতাওয়া দারুল উলুম, ১৫/৬১০; আপকে মাসায়েল, ৪/২৩৩; মাসায়েলে কুরবানি, ৫৮

৫. মিরকাত শরহে মেশকাত, ৮/৭৮

৬. আল-মাউসুয়াতুল ফিকহিয়াহ, ৩০/২৭৭; ফাতাওয়া রহিমিয়াহ, ২/৯০

কোন দিন আকিকা করবে?

বাচ্চার জন্মের সপ্তম দিন আকিকা করা উত্তম। যেমন, জুমার দিন জন্ম হলে পরবর্তী বৃহস্পতিবার।

عن سمرة رضي الله عنه عن النبي صلى الله عليه وسلم قال : كل غلام مرتين بعقيقته تذبح عنه يوم السابع ويحلق رأسه ويسمى^১.

বাচ্চার জন্ম রাতে হলে

বাচ্চার জন্ম রাতে হলে পরবর্তী দিন থেকে সাত দিন হিসাব করবে। যেমন, বুধবার দিবাগত রাতে জন্ম হলে পরের দিন বৃহস্পতিবার থেকে সাত দিন হিসাব করে পরবর্তী বুধবার আকিকা করবে।

وذهب جمهور الفقهاء إلى أن يوم الولادة يحسب من السبعة ولا تحسب الليلة إن ولد ليلا بل يحسب اليوم الذي يليها^২.

সপ্তম দিন আকিকা করতে না পারলে

কোনো কারণে সপ্তম দিন আকিকা করতে না পারলে চৌদ্দতম দিনে করবে। তাও না পারলে একুশতম দিনে করবে। তাও না পারলে যখনই করবে, দিনের হিসেবে সপ্তম দিন করবে। (অর্থাৎ সপ্তাহের যে দিন জন্মগ্রহণ করেছে, পরবর্তীতে যখনই আকিকা করবে, সে দিনের আগের দিন আকিকা করবে। যেমন, বুধবারে জন্ম হলে মঙ্গলবার। মঙ্গলবারে হলে সোমবার।

إنها إن لم تذبح في السابع ذبحت في الرابع عشر وإلا ففي الحادي والعشرين ثم هكذا في الأسابيع^৩.

বাচ্চা হাসপাতালে থাকলে

বাচ্চা হাসপাতালে থাকলেও বাড়িতে তার আকিকা করা যাবে। আকিকার জন্য বাচ্চা কাছে থাকা শর্ত নয়।

১. সুনানে ইবনে মাজা, ২২৮; মুসান্নাফে ইবনে আবি শায়বা, ১২/৩২৬; এলাউস সুনান, ১৭/১১৯; জামে তিরমিজি, ১/২৭৮; সুনানে নাসায়ি, ২/১৬৭

২. আশ-মাউসুয়াতুল ফিকহিয়াহ, ৩০/২৭৮

৩. এলাউস সুনান, ১৭/১১৭; জামে তিরমিজি, ১/২৭৮; বেহেশতি জেওর, আখতারি, ৩/৪২

পশু জবাই করার পরে বা আগে হাসপাতালেই তার মাথা মুণ্ডন করে দেবে।^১

বাচ্চা এক শহরে, আকিকা অন্য শহরে

বাচ্চা এক শহরে আছে। তার আকিকা অন্য শহরে করা হল। কোনো অসুবিধা নেই। কিংবা একটি খাসি এক শহরে, আরেকটি অন্য শহরে জবাই করা হল। তাতেও কোনো অসুবিধা নেই। বাচ্চা যেখানেই থাক, তার মাথা মুণ্ডন করে দেবে।^২

প্রাপ্তবয়স্কদের আকিকা

জন্মের পরপর কারও আকিকা করা হয়নি। তাহলে প্রাপ্তবয়স্ক হওয়ার পরও আকিকা করতে পারবে। তবে যথাসময়ে করার ফজিলতটা পাবে না।

عن محمد ابن سيرين قال لو أعلم أنه لم يعق عني لعققت عن نفسي.^৩
عن الحسن البصري إذا لم يعق عنك فعق عن نفسك وإن كنت رجلاً.^৪
ونص الشافعية على أن العقيقة لا تفوت بتأخيرها لكن يستحب أن لا يؤخر
عن سن البلوغ.^৫

আকিকায় মেহমান দাওয়াত দেওয়া জরুরি?

আকিকায় মেহমান দাওয়াত দেওয়া জরুরি নয়। কেউ চাইলে গরিব-মিসকিন, প্রতিবেশী ও আত্মীয়-স্বজনের বাড়িতে কাঁচা গোশত পাঠিয়ে দিতে পারে। চাইলে রান্না করেও পাঠাতে পারে। আবার চাইলে (লোকদেখানোর উদ্দেশ্য ছাড়া) তাদেরকে নিজের বাড়িতে দাওয়াত দিয়েও খাওয়াতে পারে। সবগুলোরই অবকাশ আছে।

ولو دعا إليها قوماً جاز.^৬

১. ফাতাওয়া দারুল উলুম দেওবন্দ, ১৫/৬১৯

২. ফাতাওয়া দারুল উলুম, ১৫/৬১৭

৩. মুসান্নাফে ইবনে আব্বি শায়বা, ১২/৩১৯

৪. এলাউস সুনান, ১৭/১২১; হাশিয়া ফাতাওয়া মাহমুদিয়া, ডাভেল, ১৭/৫১১

৫. আল-মাউসুয়াতুল ফিকহিয়াহ, ৩০/২৭৯

৬. এলাউস সুনান, ১৭/১২০

سواء فرق لحمها نيئاً أو طبخه بمحوضة أو بدونها^১.

আকিকার গোশত খাওয়ানোর উত্তম পদ্ধতি^২

সাধারণ অবস্থায় আকিকার গোশত হাদিয়া দেওয়ার চেয়ে রান্না করে খাওয়ানো উত্তম। উম্মুল মুমিনিন আয়েশা রাজি. আকিকার গোশতের হুকুম বর্ণনা করতে গিয়ে বলেন,

تُجْعَلُ جُدُولاً، فَيُطَبَخُ، فَيَأْكُلُ وَيُطْعِمُ.

টুকরো টুকরো করে কেটে রান্না করে নিজে খাবে এবং অন্যকে খাওয়াবে।^৩

ইমাম নববি রহ. বলেন,

قال جمهور أصحابنا يستحب أن لا يتصدق بلحمها نياً بل يطبخه.

মুস্তাহাব হল আকিকার গোশত কাঁচা সদকা করবে না, বরং রান্না করে খাওয়াবে।^৪

ইবনে কুদামা রহ. বলেন,

وإن طبخها، ودعا إخوانه فأكلوها، فحسن.

আকিকার গোশত রান্না করে ভাই-বেরাদার (আত্মীয়-স্বজনকে) দাওয়াত করে খাওয়ানো উত্তম।^৫

উল্লেখ্য, বর্তমানে আকিকার দাওয়াত ও অনুষ্ঠানে বেগানা নারী-পুরুষের একসাথে খাওয়া, একত্রে বসা এবং গিফট ও উপহার দেওয়া-নেওয়ার আয়োজন করা হয়। কোথাও আবার এই প্রচলন জরুরি হয়ে উঠেছে। শরিয়তে এ সবই নিষিদ্ধ। তাই দাওয়াত করে আকিকার গোশত খাওয়াতে চাইলে দাওয়াতের অনুষ্ঠানকে শরিয়তে নিষিদ্ধ সকল কাজ থেকে মুক্ত রাখতে হবে।^৬

১. ফাতাওয়া শামি, জাকারিয়া, ৯/৪৮৫

২. 'আকিকার গোশত খাওয়ানোর উত্তম পদ্ধতি' এই শিরোনামের অধীনে উল্লেখিত রচনা-অংশ সম্পাদকের পক্ষ থেকে সংযোজিত।

৩. মুসান্নাকে ইবনে আব্বি শায়বা, বর্ণনা ২৪৭৪৪

৪. আল মাজমু, ৮/৪১০

৫. আল-মুগনি, ১৩/৪০০

৬. তানকিহুল ফাতাওয়াল হামিদিয়া, ২/২৩৩; এলাউস সুনান, ১৭/১২০

আকিকার দিন মাথা মুগুন করা

আকিকার দিন বাচ্চার মাথা মুগুন করা এবং চুলের ওজন পরিমাণ সোনা বা রূপা কিংবা তার মূল্য সদকা করা মুস্তাহাব।

عن علي قال عرق رسول الله صلى الله عليه وسلم عن الحسن بشاة فقال: يا فاطمة احلقي رأسه وتصدقني بزنة شعره فكان وزنه درهما أو بعض درهم^১.

মাথা মুগুন পশু জবাইয়ের আগে, না পরে?

বাচ্চার মাথা মুগুন পশু জবাইয়ের আগেও করতে পারে, পরেও করতে পারে। একটার সাথে আরেকটার কোনো সম্পর্ক নেই।^২

আকিকা না করলে কী মাথা মুগুন করা যায় না?

আকিকা করার ইচ্ছা থাকলে আকিকার দিন মাথা মুগুন করা মুস্তাহাব। তবে যদি দ্রুত আকিকা করার ইচ্ছা কিংবা সামর্থ্য না থাকে, তাহলেও মাথা মুগুন করতে কোনো অসুবিধা নেই।^৩

মাথা মুগুন করে মাথায় জাফরান মেখে দেওয়া

আকিকার দিন বাচ্চার মাথা মুগুন করে মাথায় জাফরান মেখে দেওয়ার কথাও কোনো কোনো হাদিসে এসেছে। কেউ চাইলে এটাও করতে পারে।

عن بريدة رضي الله عنه قال كنا في الجاهلية إذا ولد لأحدنا غلام ذبح شاة ولطخ رأسه بدمها فلما جاء الإسلام كنا نذبح الشاة يوم السابع ونحلق رأسه ونلطخه بزعفران^৪.

১. মুসান্নাফে ইবনে আবি শায়বা, ১২/৩১৯; জামে তিরমিজি, ১৫১৯; ইলাউস সুনান, ১৭/১১৯; মাসায়েলে কুরবানি ও আকিকা, ৫৩

২. বেহেশতি জেওর, ৩/৪২; ফাতাওয়া দারুল উলুম, ১৫/৬২০

৩. ফাতাওয়া দারুল উলুম দেওবন্দ, ১৫/৬২১

৪. সুনানে আবু দাউদ, ২৮৪৩; মেশকাতুল মাসাবিহ, ৮/৮২

প্রাপ্তবয়স্কদের আকিকায় মাথা মুগুন করা

প্রাপ্তবয়স্কদের আকিকার ক্ষেত্রে মাথা মুগুন করা জরুরি নয়। মেয়েদের বেলায় তো বৈধও নয়।^১

মৃত বাচ্চার আকিকা

আকিকা করার আগেই বাচ্চা মারা গেলে তার পক্ষ থেকে আকিকা করার কোনো বিধান নেই।^২

আকিকার পশুর চামড়া

আকিকার পশুর চামড়ার হুকুম কুরবানির পশুর চামড়ার মতোই। সবচেয়ে ভালো হল, চামড়া সদকা করে দেওয়া। তবে চাইলে বিক্রি করে টাকা সদকা করতে পারে, আবার চাইলে শুকিয়ে নিজের কাজেও লাগাতে পারে।^৩

আকিকার দিন বাচ্চার নাম রাখা

উত্তম হল, যে দিন আকিকা করবে, সে দিন বাচ্চার নামও রাখবে।

في الحديث: تذبح عنه يوم السابع ويسمى ويحلق رأسه^৪.

খৎনা করা সুন্নতে মুয়াক্কাদা

খৎনা করা সুন্নতে মুয়াক্কাদা এবং ইসলামের প্রতীক। ছোট কালেই বাচ্চাদের খৎনা করিয়ে দেওয়া উচিত।

واختلفوا في الختان قيل إنه سنة هو الصحيح^৫.

খৎনা কখন করাবে?

খৎনা করার সুনির্দিষ্ট কোনো সময় নেই। বাচ্চার স্বাস্থ্য ও অন্যান্য বিষয়ের দিকে লক্ষ করে সুবিধামতো সময়ে করিয়ে দেওয়া উচিত। যত কম বয়সে করা যায়, ততই ভালো।

১. ফাতাওয়া দারুল উলুম, ১৫/৬২২; ফাতাওয়া মাহমুদিয়া, ১৭/৫১১; আপকে মাসায়েল, ৪/২৩৮

২. ফাতাওয়া দারুল উলুম, ১৫/৬১৬; মাসায়েলে কুরবানি ও আকিকা, ৫৮

৩. ফাতাওয়া দারুল উলুম, ১৫/৬২৬; মাসায়েলে কুরবানি, ৬১

৪. সুনানে আবু দাউদ, ২৭৩৭; জামে তিরমিজি, ১৫২২

৫. ফাতাওয়া আলমগিরি, ৫/২৫৭

والأشبه عند الحنفية أن العبرة بطاقة الصبي إذ لا تقدير فيه فيترك تقديره إلى الرأي^١ .

বাচ্চার কানে আজান-ইকামত দেওয়া

বাচ্চা ছেলে হোক বা মেয়ে, জন্মগ্রহণের পরপরই তার ডান কানে আজান এবং বাম কানে ইকামতের বাক্যগুলো বলা মুস্তাহাব। নারী-পুরুষ সবাই এটা দিতে পারে।

عن أبي رافع رضي الله عنه قال رأيت رسول الله صلى الله عليه وسلم أذن في أذن الحسن بن علي حين ولدته فاطمة بالصلاة^٢.

قال ملا علي القاري: والمعنى أذن بمثل إذان الصلاة وهذا يدل على سنية الإذان في أذن المولود؛ وفي شرح السنة عن عمر بن عبد العزيز رضي الله عنه كان يؤذن في اليمنى و يقيم في اليسرى إذا ولد الصبي^٣...

আজান-ইকামত দেওয়ার রহস্য

জন্মের পরপরই বাচ্চার কানে আজান ও ইকামতের বাক্যগুলো বলার রহস্য হল, বাচ্চাকে শয়তানের প্রভাব থেকে রক্ষা করা। কারণ, আজানের আওয়াজ শুনলে শয়তান পালিয়ে যায়। তা ছাড়া আজান-ইকামতের বাক্যগুলোতে রয়েছে তাওহিদ ও রেসালাতের স্বীকারোক্তি প্রদানের পাশাপাশি ইসলামের সবচেয়ে গুরুত্বপূর্ণ ইবাদত নামাজের দিকে আহ্বান। পৃথিবীতে আসার সাথে সাথেই একটি বাচ্চার কানে এ বাক্যগুলো পৌঁছে দেওয়া হয়, যেন প্রথম দিনই ঈমান ও আমলের বিষয়গুলো তার অন্তরে বাসা বেঁধে ফেলে।

ولعل مناسبة الآية بالإذان أن الإذان أيضا يطرد الشيطان بقوله صلى الله عليه وسلم إذا نودي للصلاة أدبر الشيطان له ضراط حتى لا يسمع التأمين ... و الأظهر أن حكمة الإذان في الأذن أنه يطرق سمعه أول وهلة ذكر الله تعالى على وجه الدعاء إلى الإيمان والصلاة التي هي أم الأركان^٤.

১. আল-মাউসুয়াতুল ফিকহিয়াহ, ১৯/২৯

২. জামে তিরমিজি, ১৫১৪

৩. মিরকাত শরহে মেশকাত, ৮/১৮

৪. মিরকাত শরহে মেশকাত, ৮/৮১

আজান-ইকামতের সাথে একটি আয়াতও পড়া

বাচ্চার কানে আজান-ইকামতের সাথে শয়তানের হাত থেকে হেফাজতের দোয়া সংবলিত নিম্নোক্ত আয়াতটিও পড়া উচিত।

وَإِنِّي أُعِيذُهَا بِكَ وَذُرِّيَّتَهَا مِنَ الشَّيْطَانِ الرَّجِيمِ ①

আমি তাকে ও তার বংশধরকে বিতাড়িত শয়তানের কবল থেকে আপনার আশ্রয়ে সমর্পণ করছি।^১

قال النووي في الروضة : ويستحب أن يقول في أذنه : إني أعيذها بك وذريتها من الشيطان الرجيم.^২

বাচ্চার তাহনিক করানো

বাচ্চার জন্মের পরপরই কোনো নেককার ব্যক্তির মাধ্যমে সামান্য খেজুর বা মিষ্টিজাতীয় কোনো কিছু চিবিয়ে বাচ্চার তালুতে লাগিয়ে দেওয়া সুন্নত। একেই আরবিতে ‘তাহনিক’ বলা হয়। পাশাপাশি সেই নেককার ব্যক্তির মাধ্যমে বাচ্চার জন্য দোয়া করানো। রাসুলুল্লাহ সাল্লাল্লাহু আলাইহি ওয়া সাল্লামের যুগে সাহাবিদের কারও বাচ্চা হলে, তারা তাকে রাসুলুল্লাহ সাল্লাল্লাহু আলাইহি ওয়া সাল্লামের কাছে নিয়ে আসতেন। তিনি তাদের তাহনিক করাতেন এবং তাদের জন্য দোয়া করতেন।

عن عائشة رضي الله عنها أن رسول الله صلى الله عليه وسلم كان يؤتي بالصبيان فيبرك عليهم ويحنكهم.^৩

قوله ويحنكهم بتشديد النون أي يمضغ التمر أو شيئاً حلوا ثم يدلك به حنكه.^৪

১. সূরা আলে-ইমরান : ৩৬

২. মিরকাত শরহে মেশকাত, ৮/৮২

৩. সহিহ মুসলিম, ২৮৬; সুনানে আবু দাউদ, ২৭৩৭; মিরকাত শরহে মেশকাত, ৮/৭৫; মাসায়েলে কুরবানি ও আকিকা, ৫৮

৪. মিরকাত শরহে মেশকাত, ৮/৭৫

ঈদুল আজহা^১

দিনের সুন্নত ও মুস্তাহাব

খুব ভোরে ঘুম থেকে ওঠা, মিসওয়াক করা, গোসল করা, ভালো পোশাক পরা, সুগন্ধি ব্যবহার করা, ঈদগাহে এক রাস্তা দিয়ে যাওয়া ও আরেক রাস্তা দিয়ে আসা, উচ্চৈশ্বরে তাকবির বলতে বলতে যাওয়া এবং ঈদগাহে গিয়ে তাকবির বলা বন্ধ করা, ঈদের নামাজের আগে কিছু না খেয়ে নামাজের পর নিজের কুরবানির গোশত খাওয়া, ঈদগাহে আগে আগে যাওয়া, কোনো সমস্যা না থাকলে পায়ে হেঁটে ঈদগাহে যাওয়া।

ঈদের নামাজ যাদের উপর ওয়াজিব

যাদের উপর জুমার নামাজ ফরজ, তাদের উপর ঈদের নামাজ ওয়াজিব। অর্থাৎ বালেক, সুস্থ মস্তিষ্কসম্পন্ন এবং ঈদগাহে উপস্থিত হতে সক্ষম পুরুষদের জন্য ঈদের নামাজ ওয়াজিব। তবে নারী এবং মুসাফিরের উপর ঈদের নামাজ ওয়াজিব নয়।^২

ঈদের নামাজ আদায়ের সময়

ঈদুল আজহার নামাজের সময় মূলত ১০ জিলহজের সূর্যোদয়ের আনুমানিক পনেরো মিনিট পর থেকে সূর্য হেলে পড়া পর্যন্ত। এ সময় পড়লে যথাসময়ে আদায় করা হয়েছে বলা হবে। কোনো ওজরের কারণে পরের দিন পড়লে কাজা হবে। উল্লেখ্য, ঈদুল আজহার নামাজ ওয়াক্ত শুরু হওয়ার পর দেরি না করে একটু তাড়াতাড়ি পড়া মুস্তাহাব, যাতে কুরবানির কাজ দ্রুত শুরু করা যায়।^৩

১. 'ঈদুল আজহা' এই শিরোনামের অধীনে উল্লেখিত রচনা-অধ্যায় সম্পাদকের পক্ষ থেকে সংযোজিত।
২. আল-মুহিতুল বুরহানি ২/৪৭৬; বাদায়েউস সানায়ে, ১/৬১৭; শরহুল মুনইয়া, পৃ. ৫৬৫; কিতাবুল আছল, ১/৩২৩; মাবসুত, সারাখসি, ২/৪০; আল-মুহিতুল বুরহানি ২/৪৮৫; বাদায়েউস সানায়ে, ১/৬১৭; আত-তাজরিদ, কুদুরি, ২/৯৮১; বাদায়েউস সানায়ে, ১/৬১৭; আজ-জাখিরাতুল বুরহানিয়া, ২/৩৯৬
৩. সুনানে আবু দাউদ, হাদিস ১১৩৫; আন-নুতাহ ফিল ফাতাওয়া, পৃ. ৬৫; আল-মুহিতুল বুরহানি ২/৪৭৭; বাদায়েউস সানায়ে, ১/৬১৯

ঈদের নামাজের স্থান

ঈদের নামাজ ঈদগাহে ও খোলা মাঠে পড়া সুন্নত। রাসুলুল্লাহ সাল্লাল্লাহু আলাইহি ওয়া সাল্লাম এবং খোলাফায়ে রাশেদিন সকলেই ঈদের নামাজ ঈদগাহে পড়তেন। হজরত আবু সাঈদ খুদরি রাজি. বলেন,

كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يَخْرُجُ يَوْمَ الْفِطْرِ وَالْأَضْحَى إِلَى الْمُصَلَّى.

রাসুলুল্লাহ সাল্লাল্লাহু আলাইহি ওয়া সাল্লাম ঈদুল ফিতর ও ঈদুল আজহার দিন (ঈদের নামাজের জন্য) ঈদগাহে যেতেন।^১

উল্লেখ্য, মাঠে ঈদের নামাজ পড়ার ব্যবস্থা থাকলে প্রয়োজন ছাড়া মসজিদে ঈদের জামাত করা যাবে না। তবে কোথাও বিনা জরুরিতে এমনটি করা হলে ঈদের নামাজ আদায় হয়ে যাবে। ঈদগাহ বা খোলা মাঠের ব্যবস্থা না থাকলে, জায়গা সংকুলান না হলে বা বৃষ্টি ও প্রচণ্ড খরতাপের কারণে মসজিদে ঈদের নামাজ পড়লে সুন্নতের খেলাফ হবে না। ওজরের সময় মসজিদে পড়া হাদিস দ্বারা প্রমাণিত। হজরত আবু হুরায়রা রাজি. থেকে বর্ণিত,

أَصَابَهُمْ مَطَرٌ فِي يَوْمٍ عِيدٍ، فَصَلَّى بِهِمُ النَّبِيُّ صَلَّى اللَّهُ عَلَيْهِ وَسَلَّمَ صَلَاةَ الْعِيدِ فِي الْمَسْجِدِ.

কোনো এক ঈদের দিন বৃষ্টি তাদেরকে পেয়ে বসে। ফলে রাসুলুল্লাহ সাল্লাল্লাহু আলাইহি ওয়া সাল্লাম সাহাবিদের নিয়ে মসজিদে ঈদের নামাজ আদায় করেন।^২

তায়াম্মুম করে ঈদের নামাজ আদায়

ওজু করতে গেলে জামাত ছুটে যাওয়ার আশঙ্কা থাকলে তায়াম্মুম করে ঈদের নামাজ আদায় করা যাবে।

হজরত আব্দুর রহমান ইবনুল কাসিম রহ. থেকে বর্ণিত, তিনি বলেন,

يَتَيَمَّمُ وَيُصَلِّي إِذَا خَافَ.

(ঈদের নামাজ) ছুটে যাওয়ার আশঙ্কা হলে তায়াম্মুম করে নামাজ পড়ে নেবে।^৩

১. সহিহ বুখারি, হাদিস ৯৬৫

২. সুনানে আবু দাউদ, হাদিস ১১৫৩

৩. মুসান্নাফে ইবনে আবি শায়বা, বর্ণনা ৫৮৬৯

ঈদের নামাজে আজান-ইকামত

ঈদের নামাজে আজান-ইকামতের বিধান নেই। হজরত জাবের রাজি. থেকে বর্ণিত, তিনি বলেন,

صَلَّيْتُ مَعَ رَسُولِ اللَّهِ صَلَّى اللَّهُ عَلَيْهِ وَسَلَّمَ الْعِيدَيْنِ، غَيْرَ مَرَّةٍ وَلَا مَرَّتَيْنِ، بِغَيْرِ أَذَانٍ وَلَا إِقَامَةٍ.

আমি রাসুলুল্লাহ সাল্লাল্লাহু আলাইহি ওয়া সাল্লামের সাথে একাধিকবার ঈদের নামাজ পড়েছি এবং আজান-ইকামত ছাড়া পড়েছি।^১

নিয়ত

ঈদের নামাজ আদায়ের জন্য ঈদগাহে উপস্থিত হওয়া এবং মনে মনে ঈদের নামাজ আদায়ের ইচ্ছা থাকাই নিয়ত হিসেবে যথেষ্ট। মুখে বলার প্রয়োজন বা আবশ্যিকতা, কোনোটিই নেই; তবে মুখে বলা নিষেধও নয়। তবে মুখে উচ্চারণের জন্য অতিরিক্ত পেরেশানির কোনো প্রয়োজন নেই। আর কেউ মুখে নিয়ত বললেও মাতৃভাষাতেই বলবে। প্রচলিত আরবি নিয়তের জন্য পেরেশান হওয়ার কোনোই প্রয়োজন নেই।^২

ঈদের নামাজ পড়ার পদ্ধতি

ঈদের নামাজ দুই রাকাত। নিয়ত করে তাকবিরে তাহরিমা বলে নামাজ শুরু করে ছানা পড়বে। ছানা পড়ার পর ‘আল্লাহু আকবার’ ‘আল্লাহু আকবার’ ‘আল্লাহু আকবার’ বলে তিনটি তাকবির বলবে। প্রথম তাকবির বলার সময় উভয় হাত কানের লতি পর্যন্ত উঠিয়ে হাত না বেঁধে ছেড়ে দেবে। দ্বিতীয় তাকবিরও এভাবে আদায় করবে। তৃতীয় তাকবির বলার সময় কানের লতি পর্যন্ত হাত উঠিয়ে বেঁধে নেবে। অতঃপর সুরা-কেরাত পড়ে রুকুতে যাবে। দ্বিতীয় রাকাতে দাঁড়িয়ে সুরা-কেরাত পড়ে রুকুতে যাওয়ার পূর্বে আগের নিয়মে অতিরিক্ত তিনটি তাকবির বলবে। তবে এ সময় অতিরিক্ত তিন তাকবির বলার সময় হাত না বেঁধে ছেড়ে দেবে। অতঃপর চতুর্থ তাকবির বলে রুকু করবে। এরপর অন্যান্য নামাজের ন্যায় যথারীতি নামাজ শেষ করবে।^৩

১. সহিহ মুসলিম, হাদিস ৮৭৮

২. উমদাতুল কারি, ১/৩৩; শরহুল মুনইয়া, পৃ. ২৫৪; আদ-দুররুল মুখতার, ১/৪১৫

৩. কিতাবুল আছল, ১/৩১৯; আল-হাবিল কুদসি, ১/২৪৩

অতিরিক্ত তাকবির-সংক্রান্ত মাসআলা

ঈদের নামাজে অতিরিক্ত তাকবির ছয়টি। তাকবিরের সংখ্যা নিয়ে সাহাবিদের মাঝেও মতবিরোধ ছিল। আমাদের দেশে প্রচলিত হানাফি মাজহাবের ঈদের নামাজের এই পদ্ধতি সুন্নাহসম্মত। গায়রে মুকাল্লিদ ও আহলে হাদিসদের পক্ষ থেকে এই পদ্ধতিকে সুন্নাহবিরোধী বলার কোনো সুযোগ নেই।

তাকবিরের সংখ্যা নিয়ে সন্দেহ হলে

ঈদের অতিরিক্ত তাকবিরের সংখ্যা নিয়ে সন্দেহ হলে কম সংখ্যা ধরে বাকি তাকবির আদায় করবে। যেমন : তিন তাকবির হয়েছে, নাকি দুই তাকবির—এ নিয়ে সন্দেহ হলে দুই তাকবির ধরে অবশিষ্ট একটি তাকবির বলে নেবে।

ভুলে তাকবির না বললে

ইমাম যদি প্রথম রাকাতে ভুলে অতিরিক্ত তাকবির না বলে কেরাত শুরু করে দেয়, তাহলে কেরাত অবস্থায় তাকবিরের কথা স্মরণ হলে কেরাত ছেড়ে অতিরিক্ত তাকবিরগুলো বলে নেবে। অতঃপর পুনরায় কেরাত পড়ে নেবে।

আর কেরাত শেষ হওয়ার পর তাকবিরের কথা স্মরণ হলে তাকবির বলে রুকুতে চলে যাবে।

আর রুকুতে যাওয়ার পর তাকবিরের কথা মনে হলে (চাই প্রথম রাকাতের তাকবির হোক বা দ্বিতীয় রাকাতের) তাকবির বলার জন্য আর রুকু থেকে ফিরে আসবে না এবং রুকুতেও তাকবির বলবে না। এটাই বিশুদ্ধ মত।

কেউ রুকু থেকে ফিরে এলে তার কাজটি ভুল হলেও—বিশুদ্ধ মত অনুযায়ী—তার নামাজ হয়ে যাবে। এ সব ক্ষেত্রে নামাজ শেষে সিজদায়ে সাহু করে নেবে—যদি জামাত ছোট হয়।^১

ভিন্ন মাজহাবের ইমামের পেছনে ঈদের নামাজ আদায়

হানাফি মাজহাবের কেউ অন্য মাজহাবের ইমামের পেছনে নামাজ পড়লে (এবং ইমাম সাহেব বারো তাকবির বা অন্য কোনো সংখ্যা অনুযায়ী নামাজ পড়ালে) ইমামের অনুসরণে সেও অতিরিক্ত তাকবির ইমামের মতোই বলবে।^২

১. আত-তাজরিদ, কুদুরি ২/৯৮৪; আল-মুহিতুর রেজাবি, ১/৪১৭; শরহুল মুনইয়া, পৃ. ৫৭২

২. কিতাবুল আছল, ১/৩২৪; মাবসুত, সারাখসি, ২/৪২; শরহুল মুনইয়া, পৃ. ৫৭২

ঈদের নামাজে মাসবুক হলে

প্রথম রাকাতে ঈদের অতিরিক্ত তাকবির বলার পর কেউ ইমামের সাথে শরিক হলে সে তাকবিরে তাহরিমা বলে নামাজে শরিক হওয়ার পর নিজে নিজে অতিরিক্ত তাকবিরগুলো বলে নেবে; এ ক্ষেত্রে ইমাম সাহেব কেরাত পড়া অবস্থায় থাকলেও নিজে অতিরিক্ত তাকবিরগুলো বলে ইমামের সাথে শরিক হবে। সুফিয়ান সাওরি রহ. থেকে বর্ণিত,

وَلَوْ وَجَدَ الْإِمَامَ يَقْرَأُ كَبَّرَ كَمَا يُكَبِّرُ الْإِمَامُ.

ইমামকে কেরাত অবস্থায় পেলে সে (নিজে নিজে) ইমামের ন্যায় তাকবির বলে নেবে।^১

কিন্তু এ ক্ষেত্রে নামাজে শরিক হওয়ার পর দাঁড়ানো অবস্থায় (রুকুর আগে আগে) তাকবির আদায়ের সুযোগ থাকা সত্ত্বেও যদি আদায় না করে, তাহলে পরে আর রুকুতে তাকবির বলবে না।^২

আর ইমামকে রুকুতে পেলে সে ক্ষেত্রে যদি প্রবল ধারণা হয়, দাঁড়িয়ে অতিরিক্ত তাকবিরগুলো বললেও ইমামের সাথে রুকুতে শরিক হতে পারবে, তাহলে দাঁড়িয়ে অতিরিক্ত তাকবিরগুলো বলে ইমামের সাথে রুকুতে শরিক হবে। তবে যদি প্রবল ধারণা হয়, দাঁড়িয়ে অতিরিক্ত তাকবির বলতে গেলে ইমামকে রুকুতে পাওয়া যাবে না, তাহলে তাকবিরে তাহরিমা বলে রুকুতে চলে যাবে। রুকুতে গিয়ে ছুটে যাওয়া অতিরিক্ত তাকবিরগুলো হাত উঠানো ছাড়া বলে নেবে। এরপর যদি সময় থাকে, তাহলে রুকুর তাসবিহ আদায় করবে।^৩

ইমামের সাথে রুকুতে শরিক হওয়ার পর অতিরিক্ত তাকবির বলার মতো সময় না পেলে আর তাকবির বলতে হবে না। ইমামের সাথে রুকু পাওয়ার কারণে সে ওই রাকাত পেয়েছে এবং সাথে সাথে তাকবিরও পেয়েছে বলে ধর্তব্য হবে।^৪

১. মুসান্নাফে আব্দুর রাজ্জাক, হাদিস ৫৭১৪

২. আল-বাহরুর রায়েক, ২/১৬১; রদ্দুল মুহতার, ২/১৭৪

৩. আত-তাজরিদ, কুদুরি, ২/৯৮৪; আল-মুহিতুল বুরহানি ২/৪৮৮-৮; আল-হাবিল কুদসি ১/২৪৩;

আল-বাহরুর রায়েক ১/১৬১; আজ-জাখিরাতুল বুরহানিয়া ২/৪০০; শরহুল মুনইয়া, পৃ. ৫৭২

৪. ফাতাওয়া তাতারখানিয়া, ২/৬১৮; ফাতাওয়া হিন্দিয়া, ১/১৫১

কেউ দ্বিতীয় রাকাতে ইমামের সাথে শরিক হলে ইমামের সালাম ফেরানোর পর ছুটে যাওয়া রাকাত আদায়ের জন্য দাঁড়িয়ে প্রথমে সুরা-কেরাত পড়ে তারপর রুকুর আগে অতিরিক্ত তাকবির বলবে। অর্থাৎ ছুটে যাওয়া রাকাতেও দ্বিতীয় রাকাতের ন্যায় রুকুর আগে অতিরিক্ত তাকবির বলবে। অবশ্য যদি কেউ এ ক্ষেত্রে সুরা-কেরাতের আগে অতিরিক্ত তাকবির বলে নেয় তাহলেও তার নামাজ আদায় হয়ে যাবে।^১

দ্বিতীয় রাকাতের রুকুর পর, এমনকি শেষ বৈঠকের তাশাহুদে পরও কেউ জামাতে শরিক হলে সে ঈদের জামাত পেয়েছে বলে ধর্তব্য হবে। এ ক্ষেত্রে ইমাম সালাম ফেরানোর পর দাঁড়িয়ে স্বাভাবিক নিয়মেই উভয় রাকাত আদায় করবে। অর্থাৎ প্রথম রাকাতের পর দাঁড়িয়ে কেরাতের পূর্বে অতিরিক্ত তাকবিরগুলো বলবে। আর দ্বিতীয় রাকাতে কেরাতের পর অতিরিক্ত তাকবির বলবে।^২

ঈদের নামাজের পর তাকবিরে তাশরিক

ঈদুল আজহার নামাজের পর তাকবিরে তাশরিক বলা যেতে পারে। তবে ফরজ নামাজের মতো ঈদের নামাজের পর তাকবির বলা ওয়াজিব বা আবশ্যকীয় নয়।^৩

ঈদের খুতবা-সংক্রান্ত মাসায়েল

ঈদের নামাজের পর খুতবা দেওয়া সুন্নত। আর উপস্থিত মুসল্লিগণের জন্য তা শ্রবণ করা ওয়াজিব।^৪

প্রথম খুতবায় নয়বার এবং দ্বিতীয় খুতবায় সাতবার তাকবির বলা মুস্তাহাব। তবে খুতবার সময় ইমাম তাকবির বললে মুসল্লিগণ চুপ থেকে খুতবা শুনবেন, নিজেরা তাকবির বলবেন না। হজরত আব্দুল্লাহ ইবনে আব্বাস রাজি. থেকে বর্ণিত, তিনি বলেন,

وَجَبَ الْإِنْصَاتُ فِي أَرْبَعَةِ مَوَاطِنَ: الْجُمُعَةِ، وَالْفِطْرِ، وَالْأَضْحَى، وَالْإِسْتِسْقَاءَ.

১. কিতাবুল আছল, ১/৩২২; আল-হাবিল কুদসি, ১/২৪৪

২. কিতাবুল আছল, ১/৩২২; ফাতাওয়া খানিয়া, ১/১৮৫; আল-মুহিতুল বুরহানি, ২/৫০০

৩. আল-বাহরুর রায়েক, ২/১৬৫; ফাতাওয়া হিন্দিয়া, ১/১৫২; রদ্দুল মুহতার, ২/১৮০

৪. কিতাবুল আছল, ১/৩১৮; আল-হাবিল কুদসি, ১/২৪২; বাদায়েউস সানায়ে, ১/৬১৮; শরহুল মুনইয়া, পৃ. ৫৬৬

চারটি স্থানে চুপ থাকা ওয়াজিব। জুমা, ঈদুল ফিতর, ঈদুল আজহা ও ইসতিসকার খুতবার সময়।^১

ঈদের নামাজ ছুটে গেলে

ঈদের নামাজে কাজার বিধান নেই। তাই কারও ঈদের নামাজ ছুটে গেলে সে আশপাশের অন্য কোনো ঈদের জামাতে শরিক হওয়ার চেষ্টা করবে। এমনটি সম্ভব না হলে তওবা-ইস্তেগফার করবে।

চার বা এর অধিকসংখ্যক লোকের ঈদের নামাজ ছুটে গেলে তাদের উপর পুনরায় ঈদের নামাজ পড়া ওয়াজিব।^২

ঈদের শুভেচ্ছা

ঈদের শুভেচ্ছা জানানো বৈধ কাজ। ফোকাহায়ে কেরাম ঈদের শুভেচ্ছা জানানোকে মুস্তাহাবও বলেছেন। এ ক্ষেত্রে ‘তাকাব্বাল্লাল্লাহু মিন্না ওয়া মিনকুম’ বা ‘ঈদ মোবারক’ জাতীয় বাক্য ব্যবহার করা যায়।^৩

ঈদের নামাজ শেষে মুসাফাহা ও মুয়ানাকা

মুসাফাহা ও মুয়ানাকা বা কোলাকুলি মূলত বৈধ কাজ। এ সবেৰ বিশেষ ক্ষেত্র রয়েছে। তবে ঈদের নামাজ শেষে বিশেষ মুসাফাহা ও মুয়ানাকা শরিয়তনির্দেশিত নয়। সুন্নত কোনো আমল নয়। এটি সামাজিক রেওয়াজ। ইবাদতের সঙ্গে রেওয়াজের সংমিশ্রণ ঘটা এবং সাধারণ মানুষ এ সবকে সুন্নত মনে করায় ফোকাহায়ে কেরাম ঈদের নামাজের পর মুসাফাহাকে অনুৎসাহিত করেছেন। মুয়ানাকাকে মাকরুহ এবং ক্ষেত্রবিশেষ বেদাতও বলেছেন।^৪

ঈদের দিনে বন্ধুবান্ধব ও আত্মীয়স্বজনের সঙ্গে সাক্ষাৎ

ঈদের দিনে বন্ধুবান্ধব ও আত্মীয়স্বজনের সঙ্গে দেখা করা আনন্দেরই বহিঃপ্রকাশ। শরিয়তে এর প্রচলন রয়েছে। অনেকে এই আমলকে মুস্তাহাব বলেছেন।^৫

১. মুসান্নাফে আব্দুর রাজ্জাক, বর্ণনা ৫৬৪২

২. শরহ মুখতাসারিত তাহাবি, ২/১৬১; আল-মুহিতুল বুরহানি, ২/৪৯৮; আল-হাবিল কুদসি, ১/২৪৪; ফাতাওয়ায়ে শামি ২/১৭৪

৩. ফাতহুল বারি, ২/৪৪৫

৪. ফাতাওয়ায়ে শামি ৫/৩৩৬; ইমদাদুল ফাতাওয়া, ১/৭০৮

৫. বুখারি, আল-মাওসুয়াতুল ফিকহিয়াহ

ঈদের নামাজের আগে-পরে নফল পড়া

ঈদের নামাজের আগে বাড়িতে, ঈদগাহে বা মসজিদে পুরুষ-মহিলা সকলের জন্যই নফল নামাজ পড়া মাকরুহ। তাই এ সময় কেউ ইশরাক বা অন্য কোনো নফল নামাজ পড়বে না। তবে ঈদের নামাজের পরে ঘরে এসে নফল নামাজ পড়া জায়েজ।^১

ঈদ ও জুমা একই দিনে হলে

জুমার দিন ঈদ হলে ঈদ ও জুমা উভয়টিই পড়তে হবে। ঈদের নামাজ পড়লে জুমা পড়তে হবে না—এ ধারণা সম্পূর্ণ ভুল।^২

ঈদের জামাতে মহিলাদের উপস্থিতির মাসআলা

ঈদের নামাজ প্রত্যেক সুস্থ মস্তিষ্কসম্পন্ন পুরুষের উপর ওয়াজিব। মেয়েদের উপর ঈদের নামাজ ওয়াজিব নয়। মেয়েরা ঈদের নামাজের জন্য ঈদগাহে যাবে না। সাহাবায়ে কেরাম অনেকেই মেয়েদের ঈদগাহে যেতে নিরুৎসাহিত করেছেন।

عَنْ نَافِعٍ عَنْ ابْنِ عُمَرَ أَنَّهُ كَانَ لَا يُخْرِجُ نِسَاءَهُ فِي الْعِيدَيْنِ.

নাফে রহ. আব্দুল্লাহ ইবনে উমর রাজি. থেকে বর্ণনা করেন যে, তিনি তার পরিবারের নারীদেরকে দুই ঈদে ঈদগাহে যেতে দিতেন না।^৩

অন্য বর্ণনায় এসেছে—

عَنْ عُرْوَةَ عَنْ أَبِيهِ، أَنَّهُ كَانَ لَا يَدْعُ امْرَأَةً مِنْ أَهْلِهِ تَخْرُجُ إِلَى فِطْرٍ، وَلَا إِلَى أَضْحَى.

উরওয়া তার পিতার (যুবাইর রাজি.) সূত্রে বর্ণনা করেন, তিনি নিজ পরিবারের নারীদেরকে ঈদুল ফিতর ও ঈদুল আজহাতে যেতে দিতেন না।^৪

১. কিতাবুল আছল ১/৩২৮; আজ-জাখিরাতুল বুরহানিয়া, ২/৩৮১-৩৮২; শরহুল মুনইয়া, পৃ. ৫৬৭; ফাতাওয়া শামি, ২/১৭০

২. ইমদাদুল ফাতাওয়া ১/৬৪০

৩. আল-আওসাত, ৪/৩০১

৪. মুসান্নাফে ইবনে আবি শায়বা, হাদিস ৫৮৪৬

ইয়াহইয়া ইবনে সাঈদ আল-আনসারি রহ. বলেন,

لَا نَعْرِفُ خُرُوجَ الْمَرْأَةِ الشَّابَّةِ عِنْدَنَا فِي الْعِيدَيْنِ.

আমাদের সময়ে দুই ঈদের জন্য যুবতী নারীদের বের হওয়ার প্রচলন ছিল না।^১

ইবরাহিম নাখায়ি রহ. বলেন,

يُكْرَهُ خُرُوجُ النِّسَاءِ فِي الْعِيدَيْنِ.

উভয় ঈদে মহিলাদের (নামাজের জন্য) বাইরে যাওয়া মাকরুহ।^২

সৌদি আরবে ঈদ করে ওই দিনই চলে এসে দেশে ঈদের জামাত পেলে কেউ যদি এক দেশে ঈদের নামাজ পড়ার পর পূর্ব দিকের কোনো দেশে গিয়ে পরের দিন ঈদের জামাত হতে দেখে, তাহলে ঐ ব্যক্তির জন্য দ্বিতীয়বার দেশের ঈদের জামাতে শরিক হওয়া আবশ্যিক নয়।^৩ যেমন : কেউ সৌদি আরবে ঈদ করে ওই দিনই বাংলাদেশে চলে এল এবং এখানে এসে ঈদেও নামাজ অনুষ্ঠিত হতে দেখল, এমন অবস্থায় ঐ ব্যক্তির ক্ষেত্রে ঈদের জামাতে শরিক হওয়া আবশ্যিক নয়।

ঈদগাহের মাসআলা

ঈদগাহে পশু জবাই করা যাবে না। এতে ঈদগাহের পবিত্রতা ক্ষুণ্ণ হয়। তদ্রূপ ঈদগাহে খেলাধুলা করা, গরু-ছাগল চরানোও জায়েজ নেই। মনে রাখতে হবে, ঈদগাহ সম্মান ও হেফাজতযোগ্য ময়দান। অসম্মানকর কিছু সেখানে করা অথবা তা অপবিত্র করা নাজায়েজ। এ জন্য ঈদগাহ-প্রাঙ্গণের সুষ্ঠু হেফাজতের লক্ষ্যে উঁচু করে সীমানপ্রাচীর করে রাখা যেতে পারে।^৪

১. আল-আওসাত, ৪/৩০২; উমদাতুল কারি, ৩/৩০৫

২. মুসান্নাফে ইবনে আবি শায়বা, হাদিস ৫৮৪৬

৩. ফাতাওয়া সিরাজিয়া, পৃ. ১৮

৪. আল-বাহরুর রায়েক, ৫/২৪৮; রাদ্দুল মুহতার, ১/৬৫৭

ঈদের দিনে বর্জনীয়

ঈদের দিনে রোজা রাখা নিষেধ। এ ছাড়া ঈদের দিনে উত্তম পোশাক পরিধানের নামে অশ্লীল পোশাক পরিধান করা, ঈদ উপলক্ষ্যে বিশেষ নাটক-সিনেমা ও নাজায়েজ খেলাধুলার আয়োজন, ঘোরাফেরার নামে নারী-পুরুষের অবাধ বিচরণ, জুয়ার আসর বসানো, ঈদ উপলক্ষ্যে বিবাহ-বহির্ভূত প্রেম-প্রণয়ের সূত্রে সাক্ষাৎ করা ইত্যাদি ঈদের তাৎপর্যকে এবং ইসলামের একটি শেয়ার (প্রতীক) বা সুমহান বিধান ও নির্দশনকে অপমান করার নামান্তর।

সমাপ্ত

আমি প্রত্যেক উম্মতের জন্য কুরবানি নির্ধারণ করেছি, যেন তারা আল্লাহর দেওয়া চতুষ্পদ জন্তু জবাই করার সময় আল্লাহর নাম উচ্চারণ করে। (সুরা হজ, আয়াত ৩৪)

কুরবানির পশুর গোশত, রক্ত (কোনোটাই) আল্লাহর কাছে পৌঁছে না। পৌঁছে কেবল তোমাদের মনের তাকওয়া—আল্লাহ ভীতি ও ইখলাস। এভাবেই তিনি এগুলো তোমাদের অধীন করে দিয়েছেন, যেন তোমরা আল্লাহর মহত্ত্ব ঘোষণা করো। এ কারণে যে, তিনি তোমাদের হেদায়াত দিয়েছেন। (সুরা হজ, আয়াত ৩৭)

কুরবানির দিন আল্লাহ তায়ালার নিকট রক্ত প্রবাহিত করা অপেক্ষা বনি আদমের অন্য কোনো আমল পছন্দনীয় নয়। কেয়ামতের দিন কুরবানির পশু তার শিং, পশম ও খুরসহ (হাশরের ময়দানে) হাজির হবে। কুরবানির পশুর রক্ত মাটিতে পড়ার পূর্বেই আল্লাহর নিকট কবুল হয়ে যায়। অতএব সন্তুষ্ট চিত্তে কুরবানি করো। (জামে তিরমিজি, ১৪৯৩)



প্রকাশনা ও পরিবেশনায়



রাহনুমা প্রকাশনী™

রা

কণ্ডুয়া মার্কেট, দোকান নং ৪, ৬৫/১, বাংলাবাজার, ঢাকা।